




9-7-427





9-7-42



Q-Y-427

P. 7.427
K. 7 427

XXX

D

1931

1731

9-7-427

1931



THOMAE MORI,
ANGLIAE CANCELLARI,
VTOPIA,
A MENDIS VINDICATA.
LIBRI DVO.

PRAEMISSAE SVNT VIRORVM
QVORVNDAM CLARISSIMORVM
EPISTOLAE, AD REM
PERTINENTES.

EDITIO NOVISSIMA.



HAMBURGI,
APVD IOANNEM GEORGIVM TRAVSOLD.
M D CC LII.



THOMAS MORVS

PETRO ÆGIDIO

S. D.

Pudet me propemodum, charissime Petre Ægidi! libellum hunc de Vtopiana Republica, post annum ferme ad te mittere, quem te non dubito intra sesquimenssem expectasse. Quippe cum scires, mihi demtum in hoc opere inveniendi laborem, neque de dispositione quicquam fuisse cogitandum, cui tantum erant ea recitanda, quæ tecum una pariter audiui narrantem Raphaëlem: quare nec erat, quod in eloqvendo laboraretur, quando nec illius sermo potuit exquisitus esse, cum esset primum subitarius atque extemporalis, deinde hominis, ut scis, non perinde Latine docti, quam Græce, & mea oratio quanto accederet propius ad illius neglectam simplicitatem, tanto futura sit propior veritati, cui hac in re soli curam & debeo & habeo. Fateor, mi Petre! mihi adeo multum laboris his rebus paratis detractum, ut pæne nihil fuerit relictum. Alioquin hujus rei vel excogitatio, vel œconomia potuisset ab ingenio neque infimo, neque prorsus indocto, postulare,

tum temporis nonnihil, tum studii. Quod si exigeretur, ut diserte etiam res, non tantum vere, scriberetur, id vero a me præstari, nullo tempore, nullo studio potuisset. Nunc vero cum ablatis curis his, in quibus tantum fuit sudoris exhauriendum, restiterit tantum hoc, uti sic simpliciter scriberentur audita, nihil erat negotii. Sed huic tamen tam nihilo negotii peragendo, cetera negotia mea minus fere, quam nihil temporis reliquerunt. Dum causas forenses assidue alias ago, alias audio, alias arbiter finio, alias iudex dirimo, dum hic officii causa visitur, ille negotii. Dum foris totum ferme diem aliis impartior, reliquum meis, relinquo mihi, hoc est, literis, nihil. Nempe reverso domum, cum uxore fabulandum est, garriendum cum liberis, colloquendum cum ministris. Quæ ego omnia inter negotia numero, quando fieri necesse est; (necesse est autem, nisi velis esse domi tuæ peregrinus) & danda omnino opera est, ut quos viæ tuæ comites, aut natura providit, aut fecit casus, aut ipse delegisti, his ut te quam jucundissimum compares, modo ut ne comitate corrumpas, aut indulgentia ex ministris dominos reddas.

das. Inter hæc, quæ dixi, elabitur dies, mensis, annus. Quando ergo scribimus? Nec interim de somno quicquam sum locutus, ut nec de cibo quidem, qui multis non minus absument temporis, quam somnus ipse, qui vitæ absument ferme dimidium. Ac mihi hoc solum temporis acqviro, quod somno ciboque suffuror, quod quoniam parcum est, lente, quia tamen aliquid, aliquando perfeci atque ad te, mi Petre! transmissi Vtopiam, ut legeres, & si quid efugisset nos, uti tu admoneres. Quamquam enim non hac parte penitus diffido mihi, (qui utinam sic ingenio atque doctrina aliquid essem, ut memoria non usquequaque destituor) non usque adeo confido, ut credam, nihil mihi potuisse excidere. Nam & Joannes Clemens, puer meus, qui adfuit, ut scis, una, ut quem a nullo patior sermone abesse, in quo aliquid esse fructus potest, quoniam ab hac herba, quæ & Latinis literis & Græcis cœpit evirescere, egregiam aliquando frugem spero, in magnam me coniecit dubitationem. Si quidem cum, quantum ego recordor, Hythlodæus narraverit, Amauroticum illum pontem, quo fluvius Anydrus internitur, quingentos,

a 3

gentos habere passus in longum, Joannes meus ait, detrahendos esse ducentos, latitudinem fluminis haud supra trecentos ibi continere. Ego te rogo, rem ut revoces in memoriam. Nam si tu cum illo sentis, ego quoque assentiar, & me lapsum credam: sin ipse non recolis, scribam, ut feci, quod ipse recordari videor mihi: nam ut maxime curabo, ne quid sit in libro falsi, ita si quid sit in ambiguo, potius mendacium dicam, quam mentiar, quod malim bonus esse, quam prudens. Quamquam facile fuerit huic mederi morbo; si ex Raphaële ipso, aut præsens scisciteris, aut per literas: quod necesse est facias, vel ob alium scrupulum, qui nobis incidit, nescio meane culpa magis, an tua, an Raphaëlis ipsius. Nam neque nobis in mentem venit quærere, neque illi dicere, qua in parte novi illius orbis Vtopia sita sit. Quod non fuisse prætermisum sic, vellem profecto mediocri pecunia mea redemptum; vel quod subpudet me nescire, quo in mari sit insula, de qua tam multa recenscam, vel quod sunt apud nos unus & alter, sed unus maxime, vir pius & professione Theologus, qui miro flagrat desiderio adeundæ Vtopiæ, non inani & curiosa

curiosa libidine collustrandi nova, sed uti religionem nostram, feliciter ibi cœptam, foveat atqve adaugeat. Quod quo faciat rite, decrevit ante curare, ut mittatur a Pontifice, atqve adeo, ut creetur Vtopiensibus Episcopus, nihil eo scrupulo retardatus, quod hoc antistitum sit illi precibus impetrandum. Quippe sanctum ducit ambitum, quem non honoris aut quæstus ratio, sed pietatis respectus peperit. Quamobrem te oro, mi Petre! uti aut præsens, si potes commode, aut absens per epistolam, compelles Hythlodæum atqve efficias, ne quicquam huic operi meo aut insit falsi, aut veri desideretur. Atqve haud scio, an præstet ipsum ei librum ostendi. Nam neqve alius æqve sufficit, si quid est erratum, corrigere: neqve is ipse aliter hoc præstare potest, quam, si quæ sunt a me scripta, perlegerit. Ad hæc, fiet ut hoc pacto intelligas, accipiatne libenter, an gravatim ferat, hoc operis a me conscribi. Nempe si suos labores decrevit ipse mandare literis, nolit fortasse me: neqve ego certe velim, Vtopiensium per me vulgata republica, florem illi gratiamqve novitatis historiæ suæ præripere. Quamquam, ut

vere dicam, nec ipse mecum satis adhuc constitui, an sim omnino editurus. Etenim tam varia sunt palata mortalium, tam morosa quorundam ingenia, tam ingrati animi, tam absurda iudicia, ut cum his haud paullo felicius agi videatur, qui jucundi atque hilares, genio indulgent suo, quam qui semet macerant curis, ut edant aliquid, quod aliis aut fastidientibus, aut ingratis, vel utilitati possit esse, vel voluptati. Plurimi literas nesciunt, multi contemnunt. Barbarus ut durum rejicit, quicquid non est plane barbarum. Scioli aspernantur, ut triviale, quicquid obsoletis verbis non scattet. Quibusdam solum placent vetera, plerisque tantum sua. Hic tam tetricus est, ut non admittat jocos: hic tam insulsus, ut non ferat sales: tam simi quidam sunt, ut nasum omnem, velut aquam ab rabido morsus cane, reformident: adeo mobiles alii sunt, ut aliud sedentes probent, aliud stantes. Hi sedent in tabernis, & inter pocula de scriptorum judicant ingeniis magnaque cum auctoritate condemnant, utcunque lubitum est, suis quemque scriptis, veluti capillicio vellicantes ipsi interim tuti, & quod dici solet, ἰζω βίλως, quippe

qvippe tam leves & abrafi undique, ut ne pilum quidem habeant boni Viri; quo possunt apprehendi. Sunt præterea quidam tam ingrati, ut cum impense delectentur opere, nihilo tamen magis ament auctorem: non absimiles inhumanis hospitibus, qui cum opiparo convivio prolixè sint excepti, saturi demum discedunt domum, nullis habitis gratiis ei, a quo sunt invitati. I nunc & hominibus tam delicati palati, tam varii gustus, animi præterea tam memoris & grati, tuis impensis epulum instrue. Sed tamen, mi Petre! tu illud age, quod dixi, cum Hythlodæo; postea tamen integrum erit, hac de re consultare denuo. Quamquam si id ipsius voluntate fiat, (quandoquidem scribendi labore defunctus, nunc sero sapio) quod reliquum est de edendo, seqvar amicorum consilium: atque in primis tuum. Vale jucundissime, Petre Ægidi! cum optima conjuge, ac me, ut soles, ama, quando ego te amo, etiam plus, quam soleo.

D. E R A S M V S

Roterodamus,

IOANNI FROBENIO,

compatri suo charissimo,

S. D.

Cum antehac omnia Mori mei mihi supra modum semper placuerint, tamen ipse meo iudicio nonnihil diffidebam, ob arētissimam inter nos amicitiam. Ceterum ubi video, doctos uno ore omnes meo subscribere suffragio ac vehementius etiam divinum hominis ingenium suspicere, non quod plus ament, sed quod plus cernant, serio plaudo meæ sententiæ, nec verebor posthac, quod sentio, palam eloqui. Quid tandem non præstisset admirabilis ista naturæ felicitas, si hoc ingenium instituisset Italia? si totum Musarum sacris vacaret, si ad justam frugem, ac velut autumnum suum, maturuisset? Epigrammata lusit adolescens admodum ac pleraque puer. Britanniam suam nunquam egressus est, nisi semel atque iterum, principis sui nomine legatione fungens apud Flandros. Præter rem uxoriam, præter curas domesticas, præter publici muneris functionem & causarum undas; tot tantisque regni negotiis distrahitur, ut mireris esse otium vel cogitandi de libris. Proinde misimus ad te progymnasmata illius, & VTOPIAM, ut si videtur, tuis excusa typis orbi posteritatiqve commendentur. Quando ea est tuæ officinæ auctoritas, ut liber vel hoc nomine placeat eruditis, si cognitum sit, e Frobenianis ædibus prodire.

isfe. Bene vale cum optimo focero, conjuge
 fravissima ac mellitissimis liberis. Erasum filio-
 lum mihi tecum communem, inter literas natum,
 fac optimis literis instituendum cures. Lovanii,
 VIII. Calend. Septemb. Anno MDXVII.

GVILIELMVS BVDÆVS THOMÆ LVPSETO

Anglo S.

Gratiam sane ingentem a nobis iniisti, Lupsete
 adolescentum doctissime! qui me porrecta
 mihi VTOPIA THOMÆ MORI, ad jucundis-
 simam simul & usui futuram lectionis intentionem
 avertisti. Nam cum a me dudum precibus id con-
 tendissem, id quod incaute ipse sponte magnopere
 exoptaturus eram, ut THOMÆ LINACRI, me-
 dici, utraque lingua praestantissimi, libros sex de sa-
 nitate tuenda legerem, quos ille ex Galeni monu-
 mentis latinitate nuper ita donavit, vel quibus ipse
 potius latinitatem, ut si omnia ejus auctoris opera
 (quæ ego instar omnis medicinæ esse puto) latina
 tandem fiant, non magnopere tum medicorum
 schola Græcæ lingvæ cognitionem desideratura vi-
 deatur: Eum librum ex schedis LINACRI tumultu-
 aria lectione ita percurri, (quarum mihi usum tan-
 tisper a te indultum summi loco beneficii duco)
 ut ea lectione multum me profecisse existimem, &
 ex libri editione, quæ nunc a te sedulo procuratur
 in officinis hujus urbis, ego majorem etiam profe-
 ctum mihi spondeam. Hoc nomine cum me tibi

obstrictum esse fatis crederem, ecce tu mihi velut prioris beneficii vel appendicem vel auctarium VTOPIAM illam MORI donasti; hominis in primis acris, ingenioque amœno & in rerum humanarum æstimatione veteratoris. Eum librum, cum ruri in manibus cursitando, fatagendo, operis imperitando haberem, (partim enim nosti, partim audisti, villaticis me negotiis alterum jam hunc annum multum operæ impendisse) usque adeo ejus lectione affectus sum, cognitis & perpensis VTOPINORVM moribus & institutis, ut pæne rei familiaris procurationem intermiserim atque etiam abjecerim, cum nugas esse viderem artem omnem industriamque æconomicam, omnino curam census ampliaticem: quæ tamen ipsa omne genus mortalium velut æstro quodam intestino & congenito exagitari nemo est, qui non videat & intelligat, ut legitimarum, prope dixerim & civilium artium ac disciplinarum eam esse scopum, fateri necesse sit, ut tam livida, quam accurata solertia alter ab altero, qui cum civilitatis jus ei interdum gentilitatis intercedit, quippiam semper abducatur, abstrahatur, abradatur, abjiciatur, exprimat, extundatur, exsculpat, extorqueatur, excutiat, excudatur, subducatur, suffuretur, suppletur, involetur, legibusque partim conniventibus, partim auctoribus auferatur & intervertatur. Id adeo magis in iis gentibus, apud quas jura, quæ civilia & pontificia vocantur, amplius in utroque foro valent. Quorum moribus & institutis eam invaluisse opinionem nemo non videt, ut homines cautionum prudentes, vel captionum potius, & inconsultorum civium aucupes, & formularum, id est, excipularum opifices, ac pactilis juris callentissimi, & litium concinnatores

concinnaiores jurisque controversi, perversi, inversi
consulti, antistites esse justitiæ æqvitatique existi-
mentur, solique digni, qui de æqvo bonoque re-
sponsitent atque etiam, (quod majus est multo)
qui cum imperio ac potestate statuant, quid unum-
quemque habere, quid non habere, quatenus quam
diuque liceat, halucinantis id utique sensus com-
munis judicio. Quippe cum plerique hominum
crassis ignorantia levis cæcutientis tam æqvissi-
mam fere causam unumquemque putemus habere,
quem maxime jus postulat, aut jure subnixus est.
Cum si ad veritatis normam & ad simplicitatis
Evangelicæ præscriptum exigere jura velimus, ne-
mo sit tam stupidus, quin intelligat, nemo tam ve-
cors, quin fateatur, si urgeas, tam jus & fas hodie
ac jam diu in sanctionibus Pontificiis, & jus atque
æqvum in legibus civilibus & principum placitis
disfidere, quam Christi rerum humanarum con-
ditoris instituta, ejusque discipulorum ritus, ab
eorum decretis & placitis; qui Cræsi & Midæ acer-
vos bonorum finem esse putant, & felicitatis cu-
mulum. Adeo si justitiam finire nunc velis, quo-
modo priscis auctoribus placuit, quæ jus suum uni-
cuique tribuat, vel nullibi eam in publico invenias,
vel (si dicere id mihi permittam) culinariam, quan-
dam dispensatricem esse, ut fateamur, necesse sit,
sive nunc imperitantium mores spectes, sive civi-
um inter se & popularium affectus. Nisi vero a
germana mundi que æquali justitia (quod jus natu-
rale vocant) manasse jus id contenderint, ut quo
quisque plus polleat, eo etiam plus habeat: quo
autem plus habeat, eo plus eminere inter cives de-
beat. Quo fit, ut jam jure gentium receptum esse
videamus,

videamus, ut qui, nec arte, nec industria memorabili, juvare cives suos & populares possunt, si modo pactiles illos nexus & contractiles nodos teneant, quæ hominum patrimonium obstringuntur, quosque vulgus ignarum, hominesque literis humanioribus dediti ac procul foro, animi causa, aut veritatis indagandæ ergo agentes, partim Gordii vincula esse ducunt, partim circulatoria, nec magnopere miranda, si millenorum civium censum, & sæpe singularum civitatum, aut etiam ampliorem habeant: iidemque tum locupletes, tum frugi homines, tum magnifici conquisitores honorifice vocitentur. Quippe iis seculis, iis institutis, iis moribus, in iis gentibus, quæ id jus esse statuerunt, ut tam summa fide atque auctoritate quisque sit, quam maximis opibus penates suos architectatus est, ipse hæredesque ejus: idque eo magis atque magis, quo eorum adnepotes eorumque rursus abnepotes patrimonium, a majoribus parta, luculentis certatim accessionibus cumulaverint, id est, quo longius latiusque confines, affines, cognatos consanguineosque summovent. At vero Christus possessionum conditor & moderator, Pythagoricam communionem & charitatem inter asceclas suos reliquit, luculento sanxit exemplo, damnato capitis Anania, ob temeratam communionis legem. Quo certe instituto Christus omnia juris istius civilis pontificiique adeo recentioris argumentosa volumina, inter suos quidem abrogasse mihi videtur. Quod ipsum jus hodie arcem tenere prudentiæ videmus ac fata nostra regere. VTOPIA vero insula, quam etiam VDEPOTIAM appellari audio, mirifica utique forte (si credimus) Christianos vero ritus ac germanam

nam ipsam sapientiam publice privatimque hausisse perhibetur intemeratamque ad hunc usque diem fervasce, utpote quæ tria divina instituta, hoc est, bonorum malorumque inter cives æqualitatem, seu malis civilitatem numeris omnibus suis absolutam & pacis ac tranquillitatis amorem constantem ac pertinacem, & auri argentique contentum confer-tis (ut ajunt) manibus retinet, tria (ut ita loquor) ever-ticula omnium fraudum, imposturarum, circumscri-ptionum, versutiarum & platonicarum improbitatum. Superi suo nomine facerent, ut hæc tria VTOPIANÆ legis capita trabalibus clavis firmæ ac statæ persvasio-nis in sensibus omnium mortalium figurentur! Proti-nus superbiam, cupiditatem, contentionem, vesanam atque alia pæne omnia vulnifica Stygii adversarii tela concidere langvereque videres, jurisque illam volumi-num vim immensam, tot eximia solidaque ingenia ad Libitinam usque detinentia, ut casâ & vacantia tere-dinibus perimitti, aut involucris officinarum dicari. Proh divi immortales! Quænam VTOPIANORVM sanctitas eam divinitus beatitudinem emereri potuit, ut avaritia & cupiditas in eam unam insulam ir-rumpere aut irrepere tot seculis non potuerint, nec inde justitiam cum pudore protervitate sua impudentiaque, explodere & exigere? Deus nunc optimus maximus tam benigne cum iis provinciis egisset, quæ ab ejus sacratissimo nomine cogno-mentum retinent & amplectuntur: certe avaritia tot mentes alioquin egregias arduasque depravans & perfundans, semel hinc facesceret, & aureum seculum Saturniumque rediret! Hic enimvero peri-culum esse quispian autumarit, ne forte Aratus & Poëtæ prisca opinione falsi fuerint, qui justitiam e terris

terris discedentem in signifero circulo collocave-
 runt: restitisse enim eam in VTOPIA insula ne-
 cesse est, si Hythlodæo credimus, nec dum in cœ-
 lum pervenisse. Verum ego, Vtopiam extra
 mundi cogniti fines sitam esse, percunctando com-
 peri, insulam nimirum fortunatam, Elysiis fortasse
 campis proximam; nam Hythlodæus nondum fi-
 tum ejus finibus certis tradidit, (ut Morus ipse
 testatur) multas quidem ipsam in urbes distractam,
 sed unam in civitatem cœcuntes aut conspirantes,
 nomine HAGNOPOLIN, suis utriqve ritibus bonis-
 que acquiescentem, innocentia beatam, cœlestem quo-
 dammodo vitam agentem, ut infra cœlum, sic
 supra mundi hujus cogniti colluvionem. Quæ in
 tot mortalium studiis, ut acribus & incitatis, sic in-
 anibus & irritis turbide & æstuose in præcipitium
 rapitur. Ejus igitur insulæ cognitionem THOMÆ
 MORO debemus, qui beatæ vitæ exemplar ac vi-
 vendi præscriptum ætate nostra promulgavit, ab
 Hythlodæo, ut ipse tradit, inventum, cui omnia
 fert accepta. Qui, ut VTOPIANIS civitatem ar-
 chitectatus sit, ritusque illis & instituta condiderit,
 id est, beatæ vitæ argumentum nobis inde mutua-
 tus sit & importarit, MORVS certe insulam &
 sancta instituta stilo orationeque illustravit ac civi-
 tatem ipsam HAGNOPOLITANORVM ad nor-
 mam regulamque expolivit omniaque ea addidit,
 unde operi magnifico decor venustasque accedit &
 auctoritas: etiam si in ea opera navanda sibi tantum
 partes structoris vindicavit; videlicet religio fuit
 majores sibi partes in eo opere sumere, ne Hythlo-
 dæus jure queri posset, gloriam sibi a MORO præ-
 ceptam præfloratamque relinqui, si quando suos
 ipsi

ipse labores literis mandare constituisset. Εὐλα-
 βημένῳ δὲ ἦεν αὐτῷ, μὴ Ἡθλύδαιος αὐτὸς ὁ τῇ
 ἐδεποτίαγε νήσω ἐμφιλοχωρῶν, ἐπιφανεῖς ποτε
 δυσχεραίνειε καὶ βαρύνοιτο ταύτην ἀγνωμοσύνην αὐτῷ
 τῷ γε ἐγκαταλιπόντῳ αὐτῷ προαπηνθισμένον
 τὸ κλέϑ, - τῷ εὐρέματῳ τῆς. οὕτω γὰρ πεπεῖ-
 θαι, πρὸς ἀνδρῶν ἐστὶν ἀγχαθῶντε καὶ σοφῶν.
 MORO autem homini, per se gravi & auctoritate
 magna subnixo, fidem plane, ut habeam, efficit Pe-
 tri Ægidii Antverpiensis testimonium, quem virum
 nunquam coram a me cognitum (mitto nunc do-
 ctrinæ morumque commendationem) eo nomine
 amo, quod ERASMI, clarissimi viri ac de literis
 sacris, profanis, omneque genus meritissimi, ami-
 cus est juratissimus, quicum etiam ipse jamdiu so-
 cietatem amicorum contraxi literis, ultro citroque
 obfignatis. Vale, Lupsete mi dilectissime! LINA-
 CKVM, Britannici nominis columnæ, (quod quidem
 ad literas bonas attinet) non magis jam vestrum, (ut
 spero) quam nostrum, verbis meis saluta vel co-
 ram vel epistola internuncia, idque primo quoquo
 tempore. Is enim unus est paucorum, quibus me
 perlubens approbari si possim, cum & ipse coram
 hic agens mihi se summe Joannique Ruellio, amico
 meo studiorumque conscio, probaverit, & ejus
 excellentem doctrinam exactamque diligentiam in
 primis suspiciam æmularique contendam. Velim
 etiam, ut MORO salutem unam & alteram mandato
 meo, vel mittas, ut dixi, vel dicas, quem virum
 in Minervæ sacratius album jam diu opinione mea
 fermoneque meo relatum, de VTOPIA novi orbis
 insula summe & amo, & veneror. Ejus enim hi-
 storiam ætas nostra posteræque ætates habebunt ve-
 lut

lut elegantium utiliumque institutorum seminarium,
unde translatitios mores in suam quisque civitatem
importent & accommodent. Vale Parisiis, pridie
Calendas Augusti.

HIERON. BVSLIDIUS

THOMÆ MORO

S. D.

Non fat fuit, ORNATISSIME MORE! olim
omnem curam, operam, studium intulisse in
rem & commodum singulorum, nisi vel ea (quæ
tua pietas & liberalitas est) conferres in universum,
ratus hoc (tuum quaecunque foret) beneficium,
eo majorem hinc mereri favorem, venari gratiam,
aucupari gloriam, quanto illud & latius propaga-
tum, & in plures distributum, pluribus esset pro-
futurum. Quod & si alias semper præstare conten-
deris, tamen id maxime ei nuper mira felicitate
adsecutus, scilicet pomeridiano illo sermone, abs te
in literas relato. Quem de recte & bene constituta
(ab omnibus expectenda) VTOPIENSIVM repu-
blica edidisti. In cujus pulcherrimi instituti felici
descriptione nihil est, in quo vel summa eruditio,
vel absoluta rerum humanarum peritia, desiderari
possit. Quando ea quidem ambo in illo tanta pa-
ritate & æqvabili congressu concurrunt, ut neutro
alteri herbam porrigente, utrumque æqvo Marte
de gloria contendat. Tam siquidem multifaria pol-
les doctrina, rursus tam multa, eaque certa re-
rum peritia, ut prorsus expertus affirmes, quicquid
scripseris, doctissime scribas, quicquid affirman-
dum

dum destinaveris. Mira profecto ! raraque felicitas, ac plane eo rarior, quo magis ipsa sese invadens plurimis, non præbet nisi raris, maxime iis, qui sicut candore velint, ita eruditione sciant, fide queant auctoritate possint tam pie, recte provide in commune consulere, sicut tu jam facis probe, qui quod non solum tibi, verum etiam toti te genitum orbi existimas, operæ pretium duxeris hoc tuo pulcherrimo merito, vel totum ipsum orbem demereri, quod præstare alia ratione neque rectius, neque melius potuisses, quam ipsis mortalibus ratione pollentibus, eam Reipublicæ ideam, eam morum formulam, absolutissimumque simulacrum præscribere, quo nullo unquam in orbe visum sit vel salubrius institutum, vel magis absolutum, vel quod magis expetendum videatur, utpote multo quidem præstante atque longo post se intervallo relinvente, tot celebratissimas, tantopere decantatas Lacedæmoniorum, Atheniensium, Romanorum respublicas. Quæ si iisdem essent auspiciis auspicate, iisdem (quibus hæc tua Respublica) institutis, legibus decretis, moribus moderatæ, profecto hæc nondum labefactatæ & solo æqvata, jam prohi dolor! citra spem omnem instaurationis extinctæ jacerent. Sed contra, incolumes adhuc, beatæ, felices, fortunatissime agerent interim rerum dominæ, suum late imperium terra marique sortitæ. Quarum quidem Rerumpublicarum tu miserandam miseratus fortem, ne aliæ itidem (quæ hodie rerum potitæ summum tenent) parem sustinerent vicem, prospicere voluisti, scilicet hac tua absolutissima Republica, quæ non tam in condendis legibus, quam vel pro beatissimis magistratibus formandis

formandis maxime elaboravit. Nec id quidem abs re, quando alioqui sine illis omnes (vel optimæ) leges, si Platoni credimus, mortuæ censerentur. Præsertim ad quorum magistratuum simulacrum, probitatis specimen, exemplar morum, justitiæ imaginem, totus status & rectus tenor cujusvis absolutæ Reipublicæ sit effingendus. In quo in primis concurrant, prudentia in optimatibus, fortitudo in militibus, temperantia in singulis, justitia in omnibus. Quibus cum tua (quam tantopere celebras) Respublica sit tam pulcherrime, ut liquet, composita, non mirum, si hinc veniat, non solum multis timenda, sed & cunctis gentibus veneranda, simul omnibus seculis prædicanda. Idque eo magis, quod in ea omnis proprietatis contentione sublata, nulli sit quippiam proprii. Ceterum in rem ipsam communem, communia sunt omnibus omnia. Adeo, ut omnis res, quævis actio seu publica, seu privata, non ad multorum cupiditatem, non ad paucorum libidinem spectet, sed ad unam justitiam, æquabilitatem, communionem sustinendam (quantulacunque sit) tota referatur. Quo illa integre relata, omnis materies, fax & fomes, ambitus, luxus, invidentiæ, injuriæ facescat, necesse est. In quæ nonnunquam, aut privata rerum possessio, aut ardens habendi sitis, omniumque miserrima rerum ambitio, mortales (vel reluctantes) protrudit, maximo suo, idque incomparabili malo, quando hinc sæpenumero disensiones animorum, motus armorum & bella plusquam civilia derepente oriuntur. Quibus non solum florentissimus status beatissimarum Rerūpublicarum funditus perfundatur, verum illarum olim parta gloria, acti triumphus, clara

clara trophæa totiesque opima spolia, devictis hostibus, relata, penitus oblitterantur. Quod si in his hæc nostra pagina minorem forte, ac velim, fidem fecerit, certe in promptu aderunt testes, ad quos te relegem, locupletissimi, videlicet tot & tantæ olim vastatæ urbes, dirutæ civitates, prostratæ Respublicæ, incensi & consumti vici, quorum uti hodie vix ullæ tantæ calamitatis reliquiæ aut vestigia visuntur, ita nec nomina illorum ulla, quantumvis vetus & longè deducta historia, sat probe tenet. Quas quidem insignes clades, vastationes, everfiones ceterasque belli calamitates, nostræ (si quæ sint) Respublicæ facile evaserint, modo ad unam VTOPIENSIVM reipublicæ normam sese ad amussim componentes, ab ea ne transversum quidem, ut ajunt, ungvem recedant. Quod sic demum præstantes tandem re ipsa cumulatissime agnoscent, quantum hoc tuum in se collatum beneficium profuerit, maxime quo accedente didicerint, suam Rempublicam salvam, incolumem, triumphantem fervare. Proinde tantum tibi suo præsentissimo servatori debituræ, quantum is haud injuria promeretur, qui non tantum aliquem e Republica civem, sed vel ipsam totam Rempublicam, servavit. Interea vale ac feliciter perge, nonnihil usque meditari, agere, elaborare, quod in Rempublicam collatum, illi perpetuitatem, tibi immortalitatem, addat. Vale doctissime & idem humanissime MORE! tuæ Britannix ac nostri hujus orbis decus. Ex ædibus nostris Mechliniæ. Anno MDXVI.

CLARISSIMO

CLARISSIMO DOMINO

HIERONYMO BVSLIDIO,

Præposito Ariensi, Catholico Regi Carolo
à consiliis

PETRVS ÆGIDIVS

Antverp. S. D.

Superioribus hisce diebus, ornatissime Buslidi! misit ad me THOMAS ille MORVS, te quoque teste, cui notissimus est, eximium hujus ætatis nostræ decus, VTOPIAM insulam, paucis adhuc mortalibus cognitam, sed dignam in primis, quam ut plusquam Platonicam omnes velint cognoscere, præfertim ab homine facundissimo sic expressam, sic depictam, sic oculis subjectam, ut quoties lego, aliquanto plus mihi videre videar, quam cum ipsum Raphaëlem Hythlodæum (nam ei sermoni æque interfui, ac MORVS ipse) sua verba sonantem audirem. Etiam si vir ille, haud vulgari præditus eloquentia, sic rem exponeret, ut facile appareret, eum non ea referre, quæ narrantibus aliis didicisset, sed quæ cominus hausisset oculis, & in quibus non exiguum tempus esset versatus, homo mea quidem sententia, regionum, hominum & rerum experientia vel ipso Vlysse superior, & qualem octingentis hisce annis nusquam arbitrer natum, ad quem collatus Vespucius nihil vidisse putetur. Iam præterquam quod visa, quam audita, narramus efficacius, aderat homini peculiaris quædam ad explicandas

res

res dexteritas. Attamen eadem hæc, quoties MORI penicillo depicta contemplor, sic afficior, ut mihi videar nonnunquam in ipsa versari VTOPIA. Et hercle crediderim Raphaëlem ipsum minus in ea insula vidisse per omne quinquennium, quod illic egit, quam in MORI descriptione videri liceat. Tantum hic occurrit undique miraculorum, ut ambigam, quid primum aut potissimum admirer, felicissimæ memoriæ fidem, quæ tot res auditas duntaxat pæne ad verbum reddere potuerit: an prudentiam, qua vulgo ignotissimos fontes, unde omnia Reipublicæ vel oriuntur mala, vel oriri possent bona, sic animadvertit: an orationis vim ac facultatem, qua tanta sermonis latini puritate, tantis dicendi nervis, tot res complexus est, præsertim unus in tot publica simul & domestica negotia distractus. Verum hæc omnia tu minus admiraris, doctissime Buslidi! qui familiari etiam consuetudine penitus habes cognitum, homine majus ac prope divinum hominis ingenium. In ceteris igitur nihil est, quod illius scriptis quæam adjicere. Tantum tetra-stichum vernacula VTOPIENSIVM lingua scriptum, quod a MORI discesu, forte mihi ostendit Hythlodæus apponendum curavi, præfixo ejusdem gentis alphabeto, tum adjectis ad margines aliquot annotatiunculis. Nam quod de insulæ situ laborat MORVS, ne id quidem omnino tacuit Raphaël, quamquam paucis admodum, ac velut obiter, attigit, velut hoc alii servans loco. Atque id sane nescio, quo modo casus quidam malus utrique nostrum invidit, siquidem cum ea loqueretur Raphaël, adierat MORVM e famulis quispiam, qui illi, nescio quid, diceret in aurem, ac mihi quidem tanto attentius

tius auscultanti, comitum quispiam, clarius; ob frigus opinor navigatione collectum, tusiens, dicentis voces aliquot intercepit. Verum non conquiescam, donec hanc quoque partem ad plenum cognovero, adeo ut non solum situm insulæ, sed ipsam etiam poli sublationem sim tibi ad unguem redditurus, si modo incolumis est noster Hythlodæus. Nam varius de homine rumor affertur, alii affirmant periisse in itinere, rursus alii reversum in patriam, sed partim suorum mores non ferentem, partim VTOPLÆ desiderio sollicitatum, eo remigrasse. Nam quod hujus insulæ nomen nusquam apud Coinographos reperiatur, pulchre dissolvit Hythlodæus ipse. Siquidem fieri potuit, inquit, ut nomen, quo veteres sunt usi, postea sit commutatum, aut etiam illos hac fugerit insula, quando & hodie complures oriuntur terræ, prisca illis Geographis intacte. Quamquam quorsum attinet hic argumentis adstruere fidem, cum MORVS illi sit auctor? Ceterum quod is ambigit de editione, equidem laudo & agnosco viri modestiam. At mihi visum est opus modis omnibus indignum, quod diu premeretur & cum primis dignum, quod exeat in manus hominum, idque tuo potissimum nomine commendatum orbi; vel quod MORI dotes tibi præcipue sint perspectæ, vel quod nemo magis idoneus, qui rectis consiliis juvet Rempublicam, in qua jam annis compluribus summa cum laude versaris, tum prudentiæ, tum integritatis. Bene vale studiorum Mæcenas & hujus seculi decus. Antverpiæ, Anno MDXVI. Calend. Novemb.

IOANNES

IOANNES PALVDANVS,

Casfiletenfis,

M. PETRO ÆGIDIO

S. D.

VTOPIAM MORI tui, simulque epigrammata,
 legi; nec fatis scio, maiorene cum voluptate,
 in admiratione. Felicem Britanniam! quæ nunc
 ejusmodi florent ingeniis, ut cum ipsa possint anti-
 quitate certare. Nos stupidos ac plusquam plum-
 beos, si ne tam vicinis quidem exemplis ad eam
 laudem capesendam expergefieri possumus *Ἀισχρὸν
 τιμωρεῖν*, inquit Aristoteles, loquente Isocrate. At
 nobis turpe sit lucris tantum ac voluptatibus vacare,
 cum apud ultimos orbis Britannos, favore & beni-
 gnitate Principum, sic vigeat eruditio. Quamquam
 hæc laus Græcorum & Italogum pæne fuit propria,
 tamen habet & Hispania veterum aliquot splendida
 nomina, quibus se jactat; Habet Anachorsides suos
 æffera Scythia; habet suum Dania Saxonem; habet
 suum Gallia Budæum. Tot habet Germania cele-
 bres viros, tam multos insignesque habet Anglia.
 Nam quid de ceteris conjectandum est, si tantum
 præstat MORVS., primum juvenis, deinde publi-
 cis ac domesticis negotiis adeo distractus, postre-
 mo quidvis profitens citius, quam literas? Et soli
 nobis sat, beati videmur, si probe prospectum sit
 uticulæ & arcæ. Quin ipsi quoque excusso veter-
 no ad hoc pulcherrimum certamen accingimur, in
 quo nec vinci turpe sit & vincere pulcherrimum?

b

Provocant

Provocant huc undique exempla; Provocat huc optimus princeps Carolus: penes quem nulli rei amplius est præmium, quam eruditæ virtuti; Provocat huc unicus ille rerum omnium bonarum Mæcenas, Ioannes Sylvagius, Burgundiæ Cancellarius. Majorem in modum te rogo, doctissime Petre Ægidi! ut, cum primum licebit, VTOPIAM evulgandam cures, quod quicquid ad Rempublicam bene instituendam pertinet, in hac, velut in speculo, liceat cernere. Vtinam fiat, ut quemadmodum illi nostram religionem accipere cœperunt, ita nos ab illis administrandæ Reipublicæ rationem mutuemur! Id fortasse facile fieret, si Theologorum aliquot insignes & invicti in eam insulam se conferant, Christi fidem jam subpullulantem provecturi; simulque ejus gentis mores & instituta ad nos deportaturi. Multum debet VTOPIA Hythlodæo, per quem innotuit, indigna quæ nesciretur: plus eruditissimo MORO, cujus penicillo nobis tam scite depicta est. Porro quod utrique debetur gratiæ, ejus non minima pars tibi exspectanda est, qui & illius sermonem & hujus scriptum in lucem emiseris, non mediocri delectamento futurum omnibus, majori fructui, si modo diligenter expendierint singula. Meum animum sic excitavit VTOPIA, ut jam olim a Musis deservetus; denuo Musas lacesiverim; quam feliciter, tu judicabis. Bene vale, Petre Ægidi candidissime! bonorum studiorum & fautor & Mylla: Lovanii ex ædibus nostris, Cal. Decemb.

EIVSDEM
IOANNIS PALVDANI,
RHETORIS LOVANIENSIS,
IN NOVAM INSVLAM VTOPIAM
CARMEN.

Fortes Roma dedit, dedit & laudata disertos
Græcia, frugales inclyta Sparta dedit.
Masilia integros dedit, at Germania duros,
Comes ac lepidos Attica terra dedit.
Gallia clara pios, quondam dedit Africa cautos,
Munificos olim terra Britannia dedit.
Virtutum ex aliis aliarum exempla petuntur
Gentibus, & quod huic deficit, huic superat.
Vna semel totam summam totius honesti
Insula terrigenis VTOPIANA dedit.

GERARDVS;

NOVIOMAGVS,

DE VTOPIA.

Dulcia lector amas? sunt hic dulcissima quæque
Vtile si quæris, nil legis utilius.

Sive utrumque voles, utroque hæc insula abundat,

Quo linguam ornes, quo doceas animum.

Hic fontes aperit, recti praviqve disertus.

MORVS, Londini gloria prima fui.

CORNE

CORNELIVS GRAPHÆVS

AD LECTOREM.

Vis nova monstra, novo dudum nunc orbe re-
perto?

Vivendi varia vis ratione modos?

Vis, qui virtutum fontes? vis, unde malorum

Principia? & quantum rebus inane latet?

Hæc lege, quæ vario MORVS dedit ille colore,

MORVS, Lendinæ nobilitatis honore.

HEXA:

HEXASTICHON
ANEMOLII,
POETAE LAVREATI,
HYTHLODAEI
EX SORORE NEPOTIS
IN
VTOPIAM INSVLAM.

VTOPIA priscis dicta, ob infrequentiam,
Nunc civitatis æmula Platonica,
Fortasse victrix (nam quod illa literis
Delineavit, hoc ego una præstiti;
Viris & opibus, optimisque legibus)
EUTOPIA merito sum vocanda nomine.

S E R M O N I S,

QVEM

RAPHAEL HYTHLODÆVS,

VIR EXIMIVS,

DE

O P T I M O

REIPVBLICÆ STATV

HABVIT,

LIBER PRIMVS.

PER

ILLVSTREM VIRVM

THOMAM MORVM,

NCLYTÆ BRITANNIARVM VRBIS LON-

DINI ET CIVEM ET VICECOMITEM.

1911


1000

632

1945

200 21 83371

[illegible]



Cum non exigiui momenti negotia quædam
 invictissimus Angliæ rex Henricus, ejus
 nominis octavus, omnibus egregii Prin-
 cipis artibus ornatissimus, cum serenissimo
 Castellæ principe Carolo controversa nuper
 habuisset, ad ea tractanda componendaque
 oratorem me legavit in Flandriam, comi-
 tem & collegam viri incomparabilis Cuth-
 berti Tunstalli, quem sacris scriniis nuper in-
 genti omnium gratulatione præfecit: de cu-
 jus fane laudibus nihil a me dicetur, non
 quod verear, ne parum sinceræ fidei testis ha-
 benda sit amicitia, sed quod virtus ejus ac
 doctrina major est, quam ut a me prædicari
 possit, tum notior ubique atque illustrior,
 quam ut debeat, nisi videri velim, solem lucer-
 na, quod ajunt, ostendere. Occurrerunt no-
 bis Brugis (sic enim convenerat) hi, quibus
 a Principe negotium demandabatur, egregii
 viri omnes, in his præfectus Brugenſis vir
 magnificus

magnificus, princeps & caput erat, ceterum os & pectus Georgius Temficius, Casfiletanus praepositus, non arte solum, verum etiam natura facundus, ad hæc jure consultissimus, tractandi vero negotii cum ingenio, tum assiduo rerum usu eximius artifex. Vbi semel atque iterum congressi, quibusdam de rebus non satis consentiremus, illi, in aliquot dies vale nobis dicto, Bruxellas profecti sunt, Principis oraculum sciscitaturi. Ego me interim (sic enim res ferebat) Antverpiam confero. Ibi dum versor, sæpe me inter alios, sed quo non alius gratior, invisit Petrus Aegidius, Antverpiæ natus, magna fide, & loco apud suos honesto, dignus honestissimo, quippe juvenis haud scio doctiorne, an moratior, est enim & optimus & literatissimus, ad hæc animo in omnes candido, in amicos vero tam propenso pectore, amore, fide, adfectu tam sincero, ut vix unum aut alterum usquam invenias, quem illi sentias omnibus amicitiae numeris esse conferendum. Rara illi modestia, nemini longius abest fucus, nulli simplicitas inest prudentior. Porro sermone tam lepidus & tam innoxie facetus, ut patriæ desiderium ac laris domestici, uxoris, & liberorum, quorum studio revisendo-

rum

rum nimis quam anxie tenebar (jam tum enim plus quatuor mensibus abfueram domo) magna ex parte mihi dulcissima consuetudine sua & mellitissima confabulatione levaverit. Hunc cum die quadam in templo divæ Mariæ, quod & opere pulcherrimum, & populo celeberrimum est, rei divinæ interfuissem, atque peracto sacro, pararem inde in hospitium redire, forte colloquentem video, cum hospite quodam, vergentis ad senium ætatis, vultu adusto, promissa barba, penula neglectim ab humero dependente, qui mihi ex vultu atque habitu nauclerus esse videbatur. At Petrus ubi me conspexit, adit ac salutat, respondere conantem seducit paullulum & vides inquit hunc? (simul designabat eum, cum quo loquentem, videram) eum inquit, jam hinc ad te recta parabam ducere. Venisset, inquam, pergratus mihi tua causa. Imo inquit ille, si nosses hominem, sua. Nam nemo vivit hodie mortalium omnium, qui tantum tibi hominum, terrarumque incognitarum narrare possit historiam, quarum rerum audiendarum scio avidissimum esse te. Ergo, inquam, non pessime conjectavi. Nam primo aspectu protinus sensi hominem esse naucle-

A 3 rum.

rum. Atqui, inquit, aberrasti longissime; navigavit quidem, non ut Palinurus, sed ut Vlyses: imo velut Plato. Nempe Raphaël iste, sic enim vocatur gentilitio nomine, Hythlodæus, & latinæ lingvæ non indoctus, & græcæ doctissimus (cujus ideo studiosior, quam Romanæ fuit, quoniam totum se addixerat philosophiæ: quæ in re nihil, quod aliquis momenti sit, præter Senecæ quædam ac Ciceronis exstare latine cognovit) relicto fratribus patrimonio, quod ei domi fuerat, (est enim Lusitanus) orbis terrarum contemplandi studio, Americo Vesputio se adjunxit, atque in tribus posterioribus illarum quatuor navigationum, quæ passim jam leguntur, perpetuus ejus comes fuit, nisi quod in ultima cum eo non rediit. Curavit enim atque adeo extorsit ab Americo, ut ipse in his XXIV esset, qui ad fines postremæ navigationis in Castella relinquebantur. Itaque relictus est, uti obtemperaretur animo ejus, peregrinationis magis, quam sepulchri curioso, quippe cui hæc æsidue sunt in ore: Cælo tegitur, qui non habet urnam, & undique ad superos tantundem esse viæ. Quæ mens ejus, nisi Deus ei propitius adfuisset, nimio fuerat illi constituta. Ceterum postquam, digresso Vesputio,

Vespucio, multas regiones cum quinque Castellorum comitibus emensus est, mirabili tandem fortuna Taptobanem delatus, inde pervenit in Calichut, ubi repertis commode Lusitanorum navibus, in patriam denique præter spem revehitur. Hæc ubi narravit Petrus, actis ei gratiis, quod tam officiosus in me fuisset, ut cujus viri colloquium mihi gratum speraret, ejus uti sermone fruerer, tantam rationem habuisset, ad Raphaëlem me convertito, tum ubi nos mutuo salutassemus, atque illa communia dixissemus, quæ dici in primo hospitem congressu solent, inde domum meam digredimur, ibique in horto confidentes, in scamno cespitibus herbeis constrato confabulamur. Narravit ergo nobis, quo pacto, posteaquam Vespucius abierat, ipse sociique ejus, qui in Castella remanserant, conveniendo atque blandiendo cœperint, se paulatim ejus terræ gentibus insinuare, jamque non innoxie modo apud eas, sed etiam familiariter versari, tum principi cuidam (cujus & patria mihi & nomen excidit) grati charique esse, ejus liberalitate narrabat comestum atque viaticum ipsi & quinque ejus comitibus affatim fuisse suppeditatum, cum itineris (quod per aquam ratibus, per terram

curru peragebant) fidelissimo duce, qui eos ad alios Principes, quos diligenter commendati petebant, adduceret. Nam post multorum itinera dierum, oppida atque urbes agebat reperisse se, ac non pessime institutas, magna populorum frequentia, respublicas. Nempe sub Æqvatoris linea, tum hinc atque inde ab utroque latere, quantum fere spatii solis orbita complectitur, vastas objacere solitudines, perpetuo fervore torridas. Squalor undique & tristis rerum facies, horrida atque inculta omnia, feris habita a serpentibusque, aut denique hominibus neque minus efferis quam sint belluæ, neque minus noxiis. Ceterum ubi longius evectus sit, paullatim omnia mansvescere, cœlum minus asperum, solum virore blandum, mitiora animantium ingenia, tandem aperiri populos, urbes, oppida, in his assidua non inter se modo ac finitimos, sed procul etiam dissitae gentes, terrarumque commercia. Inde sibi natam facultatem, multas ultro citroque terras invisendi, quod nulla navis ad iter quodlibet instruebatur; in quam non ille, comitesque ejus libentissime admittebantur. Naves quas primis regionibus conspexerunt, carina planafuisse narrabat, vela confutis papyris aut viminibus

minibus intendebantur, alibi coriacea, post vero acuminatas carinas, canabea vela repererunt, omnia denique nostris similia, nautæ maris ac cœli non imperiti. Sed miram se narrabat inisse gratiam, tradito magnetis usu, cujus antea penitus erant ignari, ideoque timide pelago consuevisse sese, neque alias temere, quam æstate credere: nunc vero ejus fiducia lapidis contemnunt hyemem, securi magis, quam tuti, ut periculum sit, ne quæ res magno eis bono futura putabatur, eadem per imprudentiam magnorum causa malorum fiat. Quid quoque in loco se vidisse narravit, & longum fuerit explicare, neque hujus est operis institutum, & alio fortasse loco dicetur a nobis, præsertim quidquid ex usu fuerit non ignorari, qualia sunt imprimis ea, quæ apud populos usquam civiliter conviventes animadvertit, recte prudenterque provisæ. His enim de rebus & nos avidissime rogabamus, & ille libentissime diserebat, omisæ interim inquisitione monstrorum, quibus nihil est minus novum. Nam Scyllas & Celenos rapaces, & Lestrigonas populivoros, atque ejuscemodi immania portenta, nusquam fere non invenias, at sane ac sapienter institutos cives haud reperias ubilibet. Cæterum

ut multa apud novos illos populos adnotavit perperam consulta, sic haud pauca recensuit, unde possint exempla sumi, corrigendis harum urbium, nationum, gentium ac regnorum erroribus idonea, alio, ut dixi, loco a me commemoranda. Nunc ea tantum referre animus est, quæ de moribus atque institutis narrabat Vtopiensium, præmisso tamen eo sermone, quo velut tractu quodam ad ejus mentionem reipublicae deventum est. Nam cum Raphaël prudentissime recensuisset, alia hic, alia illic errata, utrobique certe plurima, tum quæ apud nos, quæve item sunt apud illos cauta sapientius, cum uniuscujusque populi mores atque instituta sic teneret, tamquam in quemcunque locum divertisset, totam ibi vitam vixisse videretur, admiratus hominem Petrus: Miror profecto, mi Raphaël, inquit, cur te regi cuipiam non adjungas, quorum neminem esse, fatis scio, cui tu non sis futurus vehementer gratus, utpote quem hac doctrina atque hac locorum hominumque peritia non oblectare solum, sed exemplis quoque instruere atque adjuvare consilio sis idoneus, simul hoc pacto & tuis rebus egregie consulueris, & tuorum omnium commodis magno esse adjumento possis.

Quod

Quod ad meos attinet, inquit ille, non valde commoveor, nempe in quos mediocriter opinor me officii mei partes implevisse: nam quibus rebus alii non, nisi senes & ægri cedunt, imo tum quoque ægre cedunt, cum amplius retinere non possunt, eas res ego non sanus modo ac vegetus, sed juvenis quoque cognatis amicisque dispartivi, quos debere puto hac mea esse benignitate contentos, neque id exigere atque exspectare præterea, ut me met eorum causa regibus in servitium dedam. Bona verba, inquit Petrus; mihi visum est, non ut servias regibus, sed ut inservias. Hoc est, inquit ille; una syllaba plus, quam servias. At ego sic cenleo, inquit Petrus, quoquo tu nomine rem appelles, eam tamen ipsam esse viam, qua non aliis modo & privatim & publice possis conducere, sed tuam quoque ipsius conditionem reddere feliciorē. Feliciorēne, inquit Raphaël, ea via facerem, a qua abhorret animus? Atqui nunc sic vivo, ut volo, quod ego certe suspicor paucissimis purpuratorum contingere. Quin satis est eorum, qui potentum amicitias ambiunt, ne magnam putes jacturam fieri, si me atque uno aut altero mei similibus sint carituri. Tum ego, perspicuum est, inquam,

te, mi Raphaël, neque opum esse, neque potentiae, cupidum, atque ego profecto hujus tuae mentis hominem non minus veneror ac suspicio, quam eorum quemvis, qui maxime rerum sunt potentes. Ceterum videberis plane rem te atque isthoc animo tuo tam generoso, tam vere philosopho dignam facturum, si te ita compares, ut vel cum aliquo privatim incommodo ingenium tuum atque industriam publicis rebus accommodes, quod nunquam tanto cum fructu queas, quanto si a consiliis fueris magno alicui Principi, eique (quod te facturum certe scio) recta atque honesta persvaseris. Nempe a Principe bonorum malorumque omnium torrens in totum populum, velut a perenni quodam fonte, promanat. In te vero tam absoluta doctrina est, ut vel citra magnum rerum usum, porro tanta rerum peritia, ut sine ulla doctrina, egregium consiliarium cuiusvis regum sis praestaturus. Bis erras, inquit ille, mi More! primum in me, deinde in re ipsa: nam neque mihi ea est facultas, quam tu tribuis, & si maxime esset, tamen cum otio meo negotium facerem, publicam rem nihil promoverem. Primum enim Principes ipsi plerique omnes militaribus studiis (quorum ego neque

peritiam

peritiam habeo , neque desidero) libentius occupantur , quam bonis pacis artibus majusque multo studium est , quibus modis per fas ac nefas nova sibi regna pariant , quam uti parta bene administrent. Præterea quicumque regibus a consilio sunt , eorum nemo est , qui non aut vere tantum sapit , ut non egeat , aut tantum sibi sapere videtur , ut non libeat alterius probare consilium , nisi quod absurdissimis quibusque dictis assentiuntur & supparasitantur eorum , quos , ut maximæ apud Principem gratiæ , student assentatione demereri sibi. Et certe sic est natura comparatum , ut sua cuique inventa blandiantur. Sic & corvo suus arridet pullus , & suus fimiæ catulus placet. Quod si quis in illo cœtu vel alienis invidentium , vel præferentium sua , aliquid afferat , quod aut aliis temporibus factum legit , aut aliis fieri locis vidit , ibi , qui audiunt , perinde agunt , ac si tota sapientiæ suæ periclitaretur opinio , & post illa pro stultis plane sint habendi , nisi aliquid sufficienter invenire , quod in aliorum inventis verant vitio. Si cetera destituant , tum huc confugiunt , hæc nostris , inveniunt , placere majoribus , quorum prudentiam utinam nos æqvaremus , itaque hoc dicto veluti egre-

gie perorata re, confidunt. Tamquam magnum sit periculum, si quis ulla in re deprehendatur majoribus suis sapientior, a quibus tamen ut quidque optime consultum est, ita æqvissimo animo valere sinimus: at si qua de re potuit consuli prudentius, eam protinus ansam cupide arreptam mordicus retinemus. Itaque in hæc superba, absurda ac morosa judicia, cum sæpe alibi, tum semel in Anglia quoque incidi. Obsecro, inquam, fuisti apud nos? Fui, inquit, atque aliquot menses ibi sum versatus, non multo post eam cladem, qua Anglorum occidentalium civile, adversus regem, bellum, miserranda ipsorum strage compressum est. Interea multum debui Reverendissimo patri Ioanni Mortono, Cantuariensi Archiepiscopo & Cardinali, ac tum quoque Angliæ Cancellario, viro, mi Petre! (nam Moro cognita sum narraturus) non auctoritate magis, quam prudentia ac virtute venerabili. Etenim statura ei mediocris erat, nec ætati quamquam feræ cedens: vultus quem reverere, non horreas: in congressu non difficilis, serius tamen & gravis. Libido erat asperius interdum compellendo supplicantes experiri, sed sine noxa, quid ingenii, quam animi præsentiam quisque præ se ferret, qua
velut

velut cognata sibi virtute, modo abesfet impudentia, delectabatur, & ut idoneam ad res gerendas amplectebatur: Sermo politus & efficax, Juris magna peritia, ingenium incomparabile, memoria ad prodigium usque excellens. Hæc enim natura egregia, discendo atque exercendo provexit. Hujus consiliis rex plurimum fidere, multum respublica niti (cum ego aderam) videbatur. Quippe qui ab prima fere juvena protinus a schola conjectus in aulam maximis in negotiis per omnem versatus ætatem, ac variis fortunæ æstibus assidue jactatus, prudentiam rerum (quæ sic recepta non facile elabatur) multis magnisque cum periculis didicerat. Forte fortuna cum die quodam in ejus mensa essem, laicus quidam legum vestrarum peritus aderat, is nescio unde nactus occasionem, cœpit accurate laudare rigidam illam justitiam, quæ tum illic exercebatur in fures, quos passim narrabat nonnunquam suspendi viginti in una cruce, atque eo vehementius dicebat, se mirari, cum tam pauci elaberentur supplicio, quo malo fato fieret, uti tam multi tamen ubique grasarentur. Tum ego (ausus enim sum libere apud Cardinalem loqui) nihil mireris inquam: Nam hæc punitio furum &

& supra justum est, & non ex usu publico. Est enim ad vindicanda furtiva nimis atrox, nec tamen ad refrenanda sufficiens. Quippe neque furtum simplex tam ingens facinus est, ut capite debeat plecti, neque vlla pœna est tanta, ut ab latrociniis cohibeat eos, qui nullam aliam artem quærendi victus habent. Itaque hæc in re non vos modo, sed bona pars hujus orbis imitari videtur malos præceptores, qui discipulos verberant libentius, quam docent. Decernuntur enim furanti gravia atque horrenda supplicia, cum potius multo fuerit providendum, uti aliquis esset proventus vitæ, ne cuiquam tam dira sit furandi primum, dehinc pereundi necessitas. Est, inquit ille, satis hoc provisum, sunt artes mechanicæ, est agricolatio, ex his tueri vitam liceat, nisi sponte mali esse mallent. At non sic evades, inquam. Nam primum omitamus eos, qui sæpe vel ab externis bellis, vel civilibus mutili redeunt domum, ut nuper apud vos e Cornubiensi prælio, & non ita pridem e Gallico, qui vel reipublicæ impendunt membra, vel Regi, quos neque pristinas artes exercere debilitas patitur, neque ætas novam discere: hos, inquam, omittamus, quando bella per intermissas vices com-
meant:

meant : ea contemlemur, quæ nullo diē non accidunt. Tantus est ergo nobilium numerus, qui non ipsi modo degunt otiosi tamquam fuci laboribus aliorum, quos, puta suorum prædiorum colonos, augendis redditibus ad vivum usque radunt, (nam eam solum frugalitatem novēre, homines alioquin ad mendicitatem usque prodigi) verum immensam quoque otiosorum stipatorum turbam circumferunt, qui nullam unquam quærendi victus artem didicere. Hi simulatque herus obierit, aut ipsi ægrotaverint, ejiciuntur illico, nam & otiosos libentius, quam agrotos alunt, & sæpe morientis hæres non protinus alendæ sufficit paternæ familiæ : interim illi esuriunt strenue, nisi strenue latrocinentur. Nam quid faciant? Siquidem ubi errando paullulum vestes ac valetudinem attrivere, morbo jam squalidos atque obsitos pannis, neque generosi dignantur accipere, neque audent rustici, non ignari, eum, qui molliter educatus in otio ac deliciis, solitus sit accinctus acinace ac cetra, totam viciniam vultu nebulonico despicere & contemnere omnes præ se, haudquaquam idoneum fore, qui cum ligone ac marra, maligna mercede ac victu parco, fideliter inserviat pauperi. Ad hæc

hæc ille, atqvi nobis, inquit, hoc hominum genus imprimis fovendum est: in his enim, utpote hominibus animi magis excelsi ac generosioris, quam sunt opifices aut agricolæ, consistunt vires ac robur exercitus, si quando sit confligendum bello. . . Profecto, inquam ego, eadem opera dicas licet, belli gratia fovendos esse fures, quibus haud dubie nunquam carebitis, dum habebitis hoc. Qvum neque latrones sunt instrenui milites, neque milites ignavisimi latronum: adeo inter has artes belle convenit. At hoc vitium tamen frequens est vobis, non proprium; est enim omnium fere gentium commune. Nam Gallias infestat alia præterea pestis pestilentior. Tota patria stipendiariis in pace quoque (si illa pax est) oppleta atqve obsessa est militibus, eadem persuasionem inducta, qua vos otiosos hic ministros alendos, esse censuistis, nempe quod Morosophis visum est, in eo sitam esse publicam salutem, si in promtu semper adsit validum firmumque præsidium, maxime veteranorum. Neque enim confidunt inexercitatis quidquam: ut vel ideo quærendum eis bellum sit, ne imperitos habeant milites, & homines jugulandi ignaros, ne (ut habet facete Sallustius) manus aut animus incipiat per

per otium torpescere. At quam sit perniciosum, hujusmodi belluas alere, & Gallia suo malo didicit, & Romanorum, Carthagenensium ac Syrorum, tum multarum gentium exempla declarant; quorum omnium non imperium modo, sed agros quoque, atque adeo urbes ipsas parati ipsorum exercitus aliis atque aliis occasionibus everterunt. Quam vero non magnopere necessarium, vel hinc elucescit, quod ne Galli quidem milites armis ab ungviculis exercitatisimi cum evocatis comparati vestris, admodum saepe gloriantur, superiores sese discescisse, ut ne quid dicam amplius, ne praesentibus videar adblandiri vobis. Sed nec vestri illi vel opifices urbici, vel rudes atque agrestes agricolæ, otiosos generosorum stipatores creduntur valde pertimescere, nisi aut hi, quibus ad vires atque audaciam corpus contigit ineptius, aut quorum animi vis inopia rei familiaris infringitur: adeo periculum nullum est, ne quorum valida & robusta corpora (neque enim nisi selectos dignantur generosi corrumpere) nunc vel elanvescunt otio, vel negotiis prope muliebribus molliuntur, iidem bonis artibus instructi ad vitam, & virilibus exercitati laboribus effœminentur. Certe utcunque sese hæc habet
res,

res, illud mihi nequaquam videtur publicæ rei conducere in eventum belli, quod nunquam habetis, nisi cum vultis; infinitam ejus generis turbam alere, quod infestat pacem, ejus tanto major haberi ratio, quam belli debeat. Neque hæc tamen sola est furandi necessitas, est alia magis, quantum credo, peculiaris vobis. Quænam est ea? inquit Cardinalis: Oves, inquam, vestræ, quæ tam mites esse, tamque exiguo solent ali, nunc (uti fertur) tam edaces atque indomitæ esse ceperunt, ut homines devorent ipsos, agros, domos, oppida vastent ac depopulentur. Nempe quibuscunque regni partibus nascitur lana tenuior, atque ideo pretiosior, ibi nobiles & generosi, atque adeo Abbates aliquot, sancti viri, non his contenti redditibus fructibusque annuis, qui majoribus suis solebant ex prædiis crescere, nec habentes satis, quod otiose ac laute viventes, nihil in publicum profint, nisi etiam obsint, arvo nihil relinquunt, omnia claudunt pascuis, demoliuntur domos, diruunt oppida, templo duntaxat stabulandis ovibus relicto. Et tamquam parum soli perderent apud vos ferarum saltus ac vivaria, illi boni viri habitationes omnes, & quidquid usquam est culti, vertunt

tunt in solitudinem. Ergo ut unus helluo, in-
explebilis ac dira pestis patriæ, continuatis
agris, aliquot millia jugerum uno circumdet
septo, ejiciuntur coloni quidam, suis etiam,
aut circumscripti fraude, aut vi oppressi exu-
untur, aut fatigati injuriis, adiguntur ad
venditionem. Itaque quoquo pacto emigrant
miseri, viri, mulieres, mariti, uxores, orbi,
viduæ, parentes cum parvis liberis & nu-
merosa magis, quam divite familia, ut multis
opus habet manibus res rustica: emigrant,
inquam, e notis atque assuetis laribus, nec
inveniunt, quo se recipiant, supellectilem
omnem haud magno vendibilem, etiam si
manere possit. emptorem, cum extrudi ne-
cesse est, minimo venundant: id cum brevi
errando insumserint, quid restat aliud deni-
que, quam uti furentur, & pendeant juste
scilicet, aut vagentur atque mendicanti: quam-
vis tum quoque velut erronei conjiciuntur
in carcerem, quod otiosi obambulent, quo-
rum operam nemo est, qui conducatur, cum
li cupidissime offerant. Nam rusticæ rei,
si assueverunt, nihil est, quod agatur, ubi
nihil feritur. Si quidem unus opilio atque bu-
ulcus sufficit ei terræ depascendæ pecoribus,
cujus cultum, ut sementi faciendæ suffice-
ret,

ret, multæ pōscbantur manus. Atqve hac ratione fit, ut multis in locis annona multo sit carior. Qvin lanarum quoque adeo increvit pretium, ut a tenuioribus, qui pannos inde solent apud vos conficere, prorsus emi non possint, atqve ea ratione plures ab opere ablegantur in otium. Nam post aucta pascua infinitam ovium vim absumsit tabes, velut eorum cupiditatem ulciscente Deo, immisa in oves lue, quam in ipsorum capita contortam esse fuerat justius. Quod si maxime increseat ovium numerus, pretio nihil decrescit tamen; quod earum, si monopolium appellari non potest, quod non unus vendit, certe oligopolium est. Reciderunt enim fere in manus paucorum eorundemque divitum, quos nulla necessitas urget ante vendendi, quam libet, nec ante libet, quam liceat, quanti libet. Jam cetera quoque pecorum genera, ut æque cara sint, eadem ratio est, atqve hoc etiam amplius, quod dirutis villis, atqve imminuta re rustica, non sint, qui fecturam curent. Neque enim divites illi, ut ovium, sic etiam armentorum fœtus educant: sed aliunde macra emta vili, posteaquam suis pascuis pinguërint, magno revendunt. Ideoque, sicuti reor, nondum sentitur totum hujus

hujus rei incommodum. Nempe adhuc his modo locis reddunt cara, ubi vendunt: ceterum ubi aliquamdiu celerius extulerint illinc, quam nasci possint, tum demum ibi quoque paulatim decrescente copia, ubi coëmuntur, necesse est, hic insigni laboretur inopia. Ita quæ re vel maxime felix hæc vestra videbatur insula, jam ipsam paucorum improba cupiditas vertit in perniciem. Nam hæc annonæ caritas in causa est, cur quisque quam possit plurimos e familia dimittat, quo quæso nisi mendicatum, aut, quod generosis animis pervadeas facilius, latrocinatum? Quid? quod d miseram hanc egestatem, atque inopiam jungitur importuna luxuries. Nam & ministris nobilium, & opificibus, & ipsis opemodum rusticis, & omnibus denique ordinibus, multum est insolentis apparatus vestibus, nimius in victu luxus. Jam gæa, lustra, lupanar & aliud lupanar tabernacula: vinariæ, cerevisiariæ, postremo tot immodici ludi, alea, charta, fritillus, pila, sphaera, discus, annon hæc celeriter exhausta perniciem recta suos mystas mittunt aliquo latrocinatum? Has perniciosas pestes ejicite: cave, ut villas atque oppida rustica, aut restituant, qui diruere, aut ea cedant reposituris,

posituris, atque ædificare volentibus. Refrenate coëmptiones istas divitum, ac velut monopolii exercendi licentiam. Pauciores alantur otio, reddatur agricolatio, lanificium instauretur, ut sit honestum negotium, quo se utiliter exercent otiosa ista turba, vel quos hactenus inopia fures fecit, vel qui nunc errores aut otiosi sunt ministri, fures nimirum utrique futuri. Certe nisi his malis medemini, frustra jactetis exercitam in vindicanda furta justitiam, nempe speciosam magis, quam aut justam, aut utilem. Siquidem cum pessime finitis educari, & mores paullatim ab teneris annis corrumpi, puniendos videlicet, tum demum, cum ea flagitia viri designent, quorum spem de se perpetuam a pueritia usque præbuerant, quid aliud, quæso, quam facitis fures, & iidem plectitis? Jam me hæc loquente, juris ille consultus interim se ad dicendum composuerat ac statuerat secum, modo illo solenni disputantium uti, qui diligentius repetunt, quam respondent, adeo bonam partem laudis ponunt in memoria. Belle, inquit, dixisti profecto, cum sis videlicet hospes, qui magis audire his de rebus aliquid potueris, quam exacte quidquam cognoscere, id quod ego paucis efficiam perspicuum. Nam
primum

primum ordine recensebo, quæ tu dixisti, deinde ostendam, quibus in rebus imposuit tibi nostrarum rerum ignoratio, postremo rationes tuas omnes diluam atque dissolvam. Igitur ut a primo, quod sum pollicitus, exordiar, quatuor mihi visus es: Tace, inquit Cardinalis, nam haud responsurus paucis videris, qui sic incipias. Quamobrem levabimus in presenti te hac respondendi molestia, servaturi tamen integrum id munus tibi in proximum congressum vestrum, quem (nisi quid impediatur, aut te, aut Raphaëlem hunc) crastinus dies velim referat. Sed interim abs te, mi Raphaël! perquam libenter audierim, quare tu furtum putes ultimo supplicio non puniendum, quamve aliam pœnam ipse statuas, prae magis conducat in publicum, nam tolerandum ne tu quidem sentis. At si nunc per mortem quoque, tamen in furtum ruitur, proposita semel vitæ securitate, quæ vis; quis metus posset abstertere maleficos, qui mitigatione supplicii, velut præmio quodam ad maleficiū se invitatos interpretarentur? Minimo mihi videtur, inquam, pater benignissime! homini vitam eripi propter ereptam pecuniam, prorsus iniquum esse. Siquidem in humana vita ne omnibus quidem fortu-

næ possessionibus paria fieri posse arbitror.
 Quod si læsam justitiam, si leges violatas, hæc
 rependi pœna dicant, haud pecuniam: quid
 merito summum illud jus, summa vocetur
 injuria? Nam neque legum probanda sunt
 tam Manliana imperia, ut sicubi in levissimis
 parum obtemperetur, illico stringant gladi-
 um: neque tam Stoica scita, ut omnia pec-
 cata adeo existiment paria, uti nihil judicent
 interesse, occidatne aliquis hominem, an
 nummum ei furripiat, inter quæ (si quic-
 quam æquitas valet) nihil omnino simile aut
 affine. Deus vetuit occidi quemquam, & nos
 tam facile occidimus ob ademitam pecuniam?
 Quod si quis interpretetur, illo Dei
 jussu interdictam necis potestatem, nisi qua-
 tenus humana lex declaret occidendum, quid
 obstat, quo minus homines eodem modo
 constituent inter se, quatenus stuprum admit-
 tendum sit, adulterandum, pejerandum?
 Siquidem cum Deus non alienæ modo, re-
 rum etiam suæ cuique mortis jus ademerit, si
 hominum inter se consensus, de mutua cade
 certis placitis consentientium, adeo debet va-
 lere, ut illius præcepti vinculis eximat suos
 satellites, qui sine ullo exemplo Dei eos inter-
 emerint, quos humana sanctio jussit occidi:
 annon

annon hoc pacto præceptum illud Dei tantum juris est habiturum, quantum humana jura permiserint? ac fiet nimirum, ut ad eundem modum omnibus in rebus statuant homines, quatenus divina mandata conveniat observari. Denique lex Mosaica, quamquam inclemens & aspera: nempe in servos, & quidem obstinatos lata, tamen pecunia furtum, haud morte mulctavit. Ne putemus Deum in nova lege clementiæ, qua ut pater imperat filiis, majorem indulsisse nobis invicem sæviendi licentiam. Hæc sunt cur non licere putem. Quam vero sit absurdum, atque etiam perniciosum Reipublicæ, furem atque homicidam æquo puniri, nemo est, opinor, qui nesciat. Nempe cum latro conspiciat, non minus imminere discriminis duntaxat furti damno, quam si præterea convineatur homicidii, hac una cogitatione impellitur in eadem jus, quem alioqui fuerat tantum spoliaturus, vippe præterquam, quod deprehenso nihil plus periculi, est etiam in cæde securitas major, & major celandi spes sublato facinorosis indice. Itaque dum fures nimis atrociter videmus perterrefacere, in honorum incitantis perniciem. Jam quod quæri solet, quæ ratio possit esse commodior: hoc meo judicio,

dicio haud paullo facilius est repertu, quam quæ possit esse deterior. Cur enim dubitemus, eam viam utilem esse castigandis sceleribus, quam scimus olim tamdiu placuisse Romanis, administrandæ Reipublicæ peritisimis? Nempe hi magnorum facinorum convictos in lapidicinas atque ad fodienda metalla damna-
bant, perpetuis adservandos vinculis. Quamquam ego quod ad hanc rem attinet, nullius institutum gentis magis probo, quam id, quod interea dum peregrinabar, in Perside observatum apud vulgo dictos Polyleritas, adnotavi, populum neque exiguum, neque imprudenter institutum, & nisi quod tributum quotannis Persarum pendit regi, cetera liberum ac suis permisum legibus. Ceterum quoniam longe ab mari, montibus fere circumdati, & suæ terræ nulla in re maligne contenti fructibus, neque adeunt alios sæpe, neque adeuntur, tamen ex vetusto more gentis, neque fines prorogare student, & quos habent, ab omni facile injuria & montes tuentur, & pensio, quam rerum potenti persolvunt, immunes prorsus ab militia, haud perinde splendide, atque commode, felicesque magis, quam nobiles, aut clari, degunt: quippe ne nomine quidem opinor, præterquam

quam conterminis admodum satis noti. Ergo apud hos furti qvī peraguntur, qvōd fustulare domino reddunt, non qvōd alibi fieri solet, principi: utpote cui tantum juris esse censent in rem furtivam, quantum ipsi furi: Sin res perierit, pretio ex bonis furum confecto ac persoluto, tum reliquo uxoribus eorum atqve liberis integro, ipsi damnantur in opera: ac nisi atrociter commissum furtum est, neqve clauduntur ergastulo; neqve gestant compedes, sed liberi ac soluti in publicis occupantur operibus: detrectantes ac languidius gerentes sese, non tam vinculis coercent, quam excitant verberibus, strenuam lavantes operam absunt a contumeliis, nocturnum nominatim censiti cubiculis includuntur; præter assiduum laborem, nihil incommodi est in vita. Aluntur enim haud durior, qvī publicæ rei serviunt, e publico; alibi liter. Siqvīdem alicubi qvōd impenditur in os, ex eleemosyna colligitur, atqve ea via, vāmqvam incerta, tamen, ut est ille populus misericors, nulla reperitur uberior; alibi editus qvīdam publici ad id destinantur. Est, bi certum in eos usus tributum viritim cœrunt. Qvīn aliquot in locis nullum publicum opus faciunt, sed ut privatus quisque

eget mercenariis ; ita illorum cujuscumque in eum diem operam ; stata mercede conducit apud forum , paullo minoris , quam quanti liberam fuerat conducturus : præterea fas est servilem ignaviam flagris corripere . Sic fit , uti nunquam opere careant : & præter victum aliquid quoque die ab singulis publico inferatur ærario . Vno quodam colore vestiuntur & omnes & soli , capillo non abrafo , verum paullo supra auriculas attonso ; e quarum altera paullulum præscinditur . Cibus cuique ab amicis dari ; potumque ac sui coloris vitæ item , licet , pecuniam datam esse , danti pariter atque accipienti capitale : neque minus periculosum etiam homini libero quacunque de causa nummum a damnato recepisse & servos item (sic enim damnatos vocant) arma contingere . Suos quæque regio propria distingvit nota , quam abjecisse capitale est , ut vel extra suos conspici fines , vel cum alterius regionis servo quicquam esse collocutum . At neque tutior fugæ meditatio , quam ipsa est fuga . Quia conscium talis fuisse consilii in servo nex est , in libero servitus . Contra indici præmia decreta sunt , libero pecunia , servo libertas , utrique vero venia atque impunitas conscientie , ne quando persequi malum consilium

consilium, quam pœnitere sit tutius. Hujus rei hæc lex atque hic ordo est, quem dixi, qui quantum habeat humanitatis & commodi, facile patet, quando sic irascitur, ut vitia perimat servatis hominibus, atque ita tractatis, ut bonos esse necesse sit: & quantum ante damni dederunt, tantum reliqua vita resarciant. Porrone ad pristinos relabantur mores, adeo nullus est metus, ut viatores quoque, quibus iter aliquo institutum est, non illis viæ ducibus sese tutiores arbitrentur, quam servis illis ad quamque regionem subinde commutatis. Nempe ad perpetrandum atrocium nihil habent usquam non impotens: manus inermes, pecunia tantum feris index: deprehenso parata vindicta, neque spes ulla prorsus fugiendi quoquam. Nemo enim pacto falleret ac tegeret fugam homo nulla vestium parte populo similis, nisi esset nudus? quin sic quoque fugientem proderet auricula. At ne inito saltem consilio injurent in Rempublicam id demum scilicet periculum est: quasi in tantam venire spem a possit vicinia non tentatis ac sollicitatis te multarum regionum servitiis, quæ tantum absunt a facultate conspirandi, ut ne convenire

convenire quidem & colloqui aut salutare se mutuo liceat: ut credantur interim id consilium intrepide credituri suis, quod reticentibus periculosum, prodentibus maximo esse bono sciant. Cum contra nemo sit prorsus exspes, obediendo ac perferendo, bonamque de se præbendo spem emendationis in posterum vitæ, posse his modis fieri, ut libertatem aliquando recuperent: quippe nullo non anno restitutis aliquot commendatione patientiæ: Hæc cum dixissem, atque adjecissem, nihil mihi videri causæ, quare non hic modus haberi vel in Anglia possit, multo majore cum fructu, quam illa justitia, quam juris ille peritus tantopere laudaverat: Sub hæc ille, nempe jureconsultus: Nunquam, inquit, istud sic stabiliri queat in Anglia, ut non in summum discrimen adducat Rempublicam, & simul hæc dicens, commovit caput ac distorsit labrum, atque ita conticuit. Et omnes, qui aderant, pedibus in ejus ibant sententiam. Tum Cardinalis, Non est, inquit, proclive divinare, commodene an secus res cesa sit, nullo prorsus facto periculo. Verum si pronuntiata mortis sententia, differri executionem jubeat Princeps, atque hunc experiatur morem, cohibitis asyloꝝ privilegiis,

privilegiis , tum vero si res comprobetur
eventu esse utilis , rectum fuerit eam stabiliri
alioqui tunc quoque afficere supplicio eos , qui
sunt ante damnati , neque minus e Republica
fuerit , neque magis injustum , quam si nunc
idem fieret , nec ullum interea nasci ex ea re
potest periculum. Quin mihi certe videntur
errones quoque ad eundem posse modum non
pessime tractari , in quos hactenus tam mul-
tis editis legibus , nihil promovimus tamen.
Hæc ubi dixit Cardinalis , quæ me narrante
contemserant omnes , eadem nemo non cer-
tatim laudibus est prosecutus , maxime ta-
men illud de erronibus , quoniam hoc ab ipso
adjectum est. Nescio an quæ sunt secuta , fi-
lere præstiterit , erant enim ridicula : sed nar-
tabo tamen : nam non erant mala , & aliquid
ad hanc rem pertinebant. Adstabat forte
parasitus quidam , qui videri volebat imitari
horionem , sed ita simulabat , ut propior
vero esset , tam frigidis dictis captans risum ,
ut ipse sæpius , quam dicta sua , rideretur.
Excidebant homini tamen interdum quædam ,
deo non absurda , ut fidem adagio facerent ,
sebro jactu jaci aliquando Venerem. Is er-
o dicente quodam e convivis , jam meo ser-
one bene provisum esse furibus , atque a

Cardinale etiam cautum de erronibus, restare nunc ut his præterea consuleretur publicitus, quos ad egestatem morbus aut senectus impulisset, atque ad labores unde vivi posset, reddidisset impotes. Sine, inquit, me, nam ego & hoc recte ut fiat, videro. Etenim hoc genus hominum misere cupio aliquo conspectu amoliri meo, ita me male vexarunt sæpe, cum querulis illis opplorationibus flagitarent pecuniam, quas nunquam tamen tam commode potuerunt occinere, ut nummum a me extorquerent. Quippe semper alterum evenit, ut aut non libeat dare, aut ne liceat quidem, quando nihil est quod detur. Itaque nunc cœperunt sapere, nam ne perdant operam, ubi me præterire vident, præmittunt taciti, ita nihil a me sperant amplius, non hercule magis, quam si essem sacerdos. Sed illos ego mendicos omnes lata lege distribui ac dispartiri jubeo in Benedictinorum cœnobîa, & fieri laicos, ut vocant, Monachos: mulieres Moniales esse impero. Subrisit Cardinalis & approbat joco, ceteri etiam serio. Ceterum Theologus quidam frater hoc didico in sacerdotes ac monachos adeo est exhilaratus, ut jam ipse quoque cœperit ludere, homo alioqui prope ad torvitatem gravis. Ac ne

sic quidem, inquit, extricaberis a mendicis, nisi nobis quoque prospexeris fratribus; Atqui, inquit parasitus, hoc jam curatum est. Nam Cardinalis egregie prospexit vobis, cum statueret de coërcendis atque opere exercendis erroneis, nam vos estis erronei maximi. Hoc quoque dictum, cum, coniectis in Cardinalem oculis, eum viderent non abnuere, cœperunt omnes non illibenter arripere, excepto fratre: nam is (neque equidem miror) tali perfusus aceto, sic indignatus est, atque incanduit, ut nec a conviciis quidem potuerit temperare: hominem vocavit nebulonem, detractorem, susurronem, & filium perditionis, minas interim terribiles citans e scriptura vera. Jam scurra serio scurrari cœpit, & erat plane in sua palæstra. Noli, inquit, irasci, bone frater! scriptum est. In patientia palæstra possidebitis animas vestras. Rursum frater: (referam enim ipsius verba) Non irascor, inquit, furcifer, vel saltem non pecco; cum Psalmista dicit: Irascimini & nolite peccare. Admonitus deinde frater a Cardinale civiter, ut suos affectus compesceret; non timeo, inquit, ego loquor nisi ex bono zelo, ut debeo: nam viri sancti habuerunt bonum zelum, unde dicitur, Zelus domus tuæ,

comedit me, & canitur in Ecclesiis, Irrisores Helizei, dum conscendit domum Dei, zelum calvi sentiunt, sicut fortasse sentiet iste derisor scurra, Ribaldus. Facis, inquit Cardinalis bono fortassis affectu, sed mihi videris facturus, nescio an sanctius, certe sapientius, si te ita compares, ne cum homine stulto & ridiculo ridiculum tibi certamen instituas. Non domine, inquit, non facerem sapientius; nam Salomon, ipse sapientissimus, dicit: Responde stulto secundum stultitiam ejus, sicut ego nunc facio, & demonstro ei foveam in quam cadet, nisi bene præcaveat. Nam si multi irrisores Helizei, qui erat tantum unus calvus, senserunt zelum calvi, quanto magis sentiet unus derisor multorum fratrum, in quibus sunt multi calvi? & etiam habemus bullam Papalem, per quam omnes, qui derident nos, sunt excommunicati. Cardinalis, ubi vidit nullum fieri finem, nutu ablegato parasito, ac aliam in rem commodam verso sermone, paullo post surgit e mensa, atque audiendis clientum negotiis dedit se nosque dimisit. En, mi More! quam longo te sermone oneravi, quod tam diu facere plane puduisset me, nisi tu & cupide flagitasses, & sic videreris audire, tamquam nolles quicquam

quam ejus confabulationis omitti, quæ quamquam aliquanto perstrictius, narranda tamen mihi fuit omnino propter eorum judicium, qui quæ me dicente spreverant, eadem rursus e vestigio non improbante Cardinale, etiam ipsi comprobarunt, usque adeo assentantes ei ut parasiti quoque ejus inventis, quæ dominus per jocum non aspernabatur, adblandirentur, & serio propemodum admitterent. Vt hinc possis æstimare, quanti me ac mea consilia aulici forent æstimaturi. Profecto, mi Raphaël! inquam, magna me affecti voluptate, ita sunt abs te dicta prudenter simul & lepide omnia. Præterea visus mihi interim sum non solum in patria versari, verum etiam repuerascere quodammodo jucunda recordatione Cardinalis illius, in cujus aula puer sum educatus: cujus viri memoria, quod tu tam impense faves, non credas, mi Raphaël! quanto mihi sis effectus hoc nomine charior, cum eses alioqui charissimus. Ceterum non possum adhuc ullo pacto meam mutare sententiam, quin te plane putem, animum inducas tuum, uti ne ab aulis principum abhorreas, in publicum posse te tuis consiliis plurimum boni conferre: quare nihil agis incumbit tuo, hoc est, boni viri officio

cio. Siquidem cum tuus censeat Plato, Republicas ita demum futuras esse felices, si aut regnent Philosophi, aut reges philosophentur, quam procul aberit felicitas, si philosophi regibus nec dignentur saltem suum impartiri consilium? Non sunt, inquit ille, tam ingrati, quin id libenter facerent, imo multi libris editis jam fecerunt, si hi, qui rerum potiuntur, essent parati bene consultis parere. Sed bene haud dubie prævidit Plato, nisi reges philosophentur ipsi, nunquam futurum, ut perversis opinionibus a pueris imbuti atque infecti, penitus philosophantium comprobent consilia: quod ipse quoque experiebatur apud Dionysium. Annon me putas, si apud aliquem regum decreta sana proponerem & perniciofa malorum semina conarer illi evellere, protinus aut ejiciendum aut habendum ludibrio? Age, finge me apud regem esse Gallorum, atque in ejus confidere consilio, dum in secretissimo successu præsidente rege ipso in corona prudentissimorum hominum magnis agitur studiis, quibus artibus ac machinamentis Mediolanum retineat, ac fugitivam illam Neapolim ad se retrahat: postea vero evertat Venetos, ac totam Italian subjiciat sibi, deinde Flandros, Brabantos, totam

totam postremo Burgundiam suæ faciat ditionis, atque alias præterea gentes, quarum regnum jam olim animo invasit: Hic dum alius suadet, feriendum cum Venetis fœdus, tantisper duraturum, dum ipsi fuerit commodum, cum illis communicandum consilium, quin deponendam quoque apud eosdem aliquam prædæ partem, quam rebus ex sententia peractis repetat: Dum alius consulit conducendos Germanos, alius pecunia demulcendos Elvetios: Alius adversum numen imperatoriae majestatis, auro, velut anathemate, propitiandum: Dum alii videtur cum Arragonum rege componendas esse res, & alieno Navarræ regno, velut pacis auctoramento sedendum: Alius interim censet Castellæ principem aliqua spe affinitatis irretiendum, atque aulicos nobiles aliquot in suam factionem certa pensione esse pertrahendos: Dum maximus omnium nodus occurrit, quid statendum interim de Anglia sit: Ceterum de pace tractandum tamen & constringenda amicissimis vinculis semper infirma societas; amici vocentur, suspiciantur ut inimici. Habendos igitur paratos, velut in statione Scotos, ad omnem intentos occasionem, si quid commoveant Angli, protinus immittendos.

dos. Adhæc fovendum exulem nobilem aliquem occulte, namque id aperte ne fiat prohibent fœdera, qui id regnum sibi deberi contendat, ut ea velut anfa contineat suspectum sibi principem. Hic inquam, in tanto rerum molimine, tot egregiis viris ad bellum sua certatim consilia conferentibus, si ego homuncio surgam, ac verti jubeam vela, omittendam Italiam censeam, & domi dicam esse manendum, unum Galliæ regnum fere majus esse, quam ut commode possit ab uno administrari, ne sibi putet rex de aliis adiciendis esse cogitandum. Tum si illis proponerem decreta Achoriorum populi, Vtopensium insulæ ad Euronoton oppositi, qui cum olim bellum gessissent, ut regi suo aliud obtinerent regnum, quod affinitatis antiquæ causa sibi contendebat hæreditate deberi, consecuti tandem id, ubi viderunt nihilo sibi minus esse molestiæ in retinendo, quam in quærendo pertulerant, verum assidua pullulare semina, vel internæ rebellionis, vel externæ incursionis in deditos, ita semper aut pro illis, aut contra pugnandum, nunquam dari facultatem dimittendi exercitus, compilari interim se, efferri foras pecuniam, alienæ gloriolæ suum impendi langvinem, pacem
nihilò

nihilò tutiorem, domi corruptos bello mores, imbibitam latrocinandi libidinem, confirmatam cædibus audaciam, leges esse contentui, quod rex, in duorum curam regnorum distractus, minus in utrumvis animum posset intendere: Cum viderent alioqvi tantis malis nullum finem fore, inito tandem consilio, regi suo humanissime fecerunt optionem retinendi utrius regni vellet, nam utriusque non fore potestatem, se plures esse, quam qui a dimidiato possint rege gubernari, cum nemo sit libenter admisurus mulionem sibi cum alio communem. Ita coactus est ille bonus princeps, novo regno cuiuspiam ex amicis relicto (qui brevi etiam post ejectus est) antiquo esse contentus. Præterea si ostenderem omnes hos conatus bellorum, quibus ut nationes ejus causa tumultuarentur, cum thesauros ejus exhausissent ac destruxissent opulum, aliqua tandem fortuna frustra cessuros tamen, proinde avitum regnum colect, ornaret quantum posset, & faceret eam florentissimum: Amet suos & ametur suis, cum his una vivat, imperetque suaviter, atque alia regna valere sinat, quando id, quod nunc ei contigisset, satis amplum futurumque esset. Hanc orationem quibus auribus,

bus, mi More! putas excipiendam? Profecto non valde pronis, inquam. Pergamus ergo inquit, si consiliariis cum rege quopiam tractantibus & comminiscantibus, quibus technis ei queant coacervare thesauros, dum unus intendendam consulit æstimationem monetæ, cum ipsi sit eroganda pecunia, deiciendam rursus infra justum, cum fuerit corroganda; uti & multum æris parvo dissolvat, pro & parvo multum recipiat. Dum alius fradet, ut bellum simulet atque eo prætextu, coacta pecunia, cum visum erit, faciat pacem sanctis ceremoniis, quo plebeculæ oculis fiat præstigium, miseratus videlicet humanum sanguinem Princeps pius. Dum alius ei suggerit in mentem, antiquas quasdam, & tunc adefas leges, longa desuetudine antiquatas, quas quod nemo latas meminisset, omnes sint transgressi, earum ergo multis jubeat exigi, nullum uberiores proventus esse, nullum magis honorificum, utpote qui justitiæ præ se personam ferat: Dum ab alio admonetur, uti sub magnis multis multa prohibeat, maxime talia, quæ ne fiant in rem sit populi, post pecunia cum illis dispenset, quorum commodis obstat interdictum, sic & a populo gratiam iniri, & duplex adferri compen-

compendium, vel dum hi mulctantur, quos
quæstus cupiditas pellexit in casus; vel dum
aliis vendit privilegia tanto pluris, quanto sci-
licet fuerit melior Princeps, utpote qui gra-
vatim quicquam contra populi commodum
privato cuiquam indulgeat, & ob id non nisi
magno pretio. Dum alius ei persuadet ob-
trahendos sibi iudices, qui quavis in re pro
regio jure disceptent, accersendos præterea
a palatium, atque invitandos, uti coram se
e suis rebus disserant, ita nullam causam
ius tam aperte iniquam fore, in qua non ali-
vis eorum vel contradicendi studio vel pu-
ore dicendi eadem, vel quo gratiam ineant,
ud eum aliquam reperiant rimam, qua pos-
intendi calumnia. Sic dum iudicibus di-
rsa sentientibus, res per se clarissima dispu-
tur, & veritas in quæstionem venit, ansam
immodum regi dari, pro suo commodo jus
interpretandi, ceteros aut pudore accessuros
t metu; sic intrepide fertur postea pro tri-
nali sententia. Neque enim deesse prætex-
t potest pronuntianti pro Principe. Nem-
cui satis est, aut æquitatem a sua parte esse,
verba legis, aut contortum scripti sensum,
quæ legibus denique omnibus præpon-
at, apud religiosos iudices Principis indi-
sputabilem

sputabilem prærogativam: Dum omnes in Crassiano illo consentiunt atque conspirant. Nullam auri vim satis esse principi, cui sit alendus exercitus, præterea, nihil injuste regem facere, ut maxime etiam velit, posse: quippe omnia omnium ejus esse, ut homines etiam ipsos, tantum vero cuique esse proprium, quantum regis benignitas ei non ademerit, quod ipsum ut quam minimum sit, principis multum referre, ut cujus tutamentum in eo situm sit, ne populus divitiis ac libertate lasciviat, quod hæ res minus patienter ferant dura atque injusta imperia, cum contra egestas atque inopia retundat animos ac patientes reddet, adimatque pressis generosos rebel-landi spiritus. Hic si ego rursus adsurgens contendam, hæc consilia omnia regi & inhonesta esse, & perniciofa, cujus non honor modo, sed securitas quoque in populi magis opibus sita sit quam suis. Quos si ostendam, regem sibi deligere sua causa, non regis, videlicet uti ejus labore ac studio ipsi commode vivant, tutique ab injuriis, eoque magis ad Principem eam pertinere curam, ut populo bene sit suo, quam ut sibi, non aliter, ac pastoris officium est, oves potius, quam semet, pascere, quatenus opilio est. Nam quod

quod populi egestatem censeant pacis præsidium esse, longissime aberrare eos, ipsa res docet. Nempe ubi plus rixarum comperias, quam inter mendicos? Qvis intentius mutationi rerum studet, quam cui minime placet præsens vitæ status? Aut cui denique audacior impetus ad conturbanda omnia, spe aliunde lucrandi, quam cui jam nihil est, quod possit perdere? Quodsi rex aliquis adeo aut contemptus esset, aut invisus suis, ut aliter eos continere in officio non possit, nisi contumeliis, compilatione & sectione grassetur, eosque redigat ad mendicitatem, præstiterit illi profecto, regno se abdicare, quam his removere artibus, quibus quamquam imperii non retineat, certe amittit majestatem. Neque enim regiæ dignitatis est, imperium in mendicos exercere, sed in opulentos potius & felices. Quod ipsum sensit certe vir recti ac sublimis animi Fabricius, cum reponderet: Malle se imperare divitibus, quam vitem esse. Et profecto unum aliquem voluptate ac deliciis fluere, gementibus undique lamentantibus aliis, hoc non est regni, sed rceris esse custodem. Denique ut imperitis nus medicus est, qui morbum nescit nisi verbo curare, ita qui vitam civium non no-

vit

vit'alia via corrigere, quam ademptis vitæ commodis, is se nescire fateatur imperare liberis, quin aut inertiam potius mutet suam, aut superbiam, nam his fere vitiis accidit, ut populus eum vel contemnat, vel habeat odio. Vivat innocuus de suo, sumtus ad reditus accommodet, refrænet maleficia & recta institutione suorum, præveniat potius, quam sinat increſcere, quæ deinde puniat: leges, abrogatas consuetudine, haud temere revocet, præsertim quæ diu desitæ, nunquam desideratæ sunt: neque unquam commissi nomine ejusmodi quicquam capiat, quale privatum quempiam judex, velut iniquum ac vultu non pateretur accipere. Hic si proponerem illis Macarenſium legem, qui & ipsi non longe admodum absunt ab Utopia, quorum rex, quo primum die auspicatur imperium, magnis adhibitis sacrificiis jurejurando adstringitur, nunquam se uno tempore supra mille auri pondo in thesauris habiturum, aut argenti, quantum ejus auri pretium æquet. Hanc legem ferunt ab optimo quodam rege institutam, cui majori curæ, fuit patria commodum, quam divitiæ suæ, velut obicem acervandæ pecuniæ tantæ, quanta faceret inopiam in ejus populo. Nempe eum thesaurum

thesaurum videbat suffecturum; sive regi adversus rebelles, sive regno adversus hostium incursiones esset confligendum: ceterum minorem esse, quam ut animos faciat invadendi aliena, quæ potissima condendæ legis causa fuit: proxima, quod sic prospectum putavit, ne desit pecunia, quæ in quotidiana civium commutatione versetur, & cum regi necesse sit erogare, quicquid thesauro supra legitimum accrevit modum, non quæsiturum cœnit occasiones injuriæ. Talis rex & malis sit formidini, & a bonis amabitur. Hæc ergo atque hujusmodi, si ingererem apud homines, in contrariam partem vehementer inclinatos, quam furdus essem narraturus fabulum? Surdisimis, inquam, haud dubie, neque hercule miror, neque mihi videntur (ut ere dicam) hujusmodi sermones ingerendi, ut talia danda consilia, quæ certus sis nunquam admissum iri. Quid enim prodesse possit, aut quomodo in illorum pectus influere sermo tam insolens, quorum præoccupat animos, atque infedit penitus diversa persuasio? Apud amiculos in familiari colloquio non insuavis est hæc philosophia scholastica: ceterum in consiliis Principum, ubi res agnæ magna auctoritate aguntur, non est

his

his rebus locus. Hoc est, inquit ille, quod dicebam, non esse apud Principes locum philosophiæ. Imo inquam est, verum, non huic scholasticæ, quæ quidvis putet, ubivis convenire, sed est alia philosophia civilior, quæ suam novit scenam, eiqve sese accommodans, in ea fabula, quæ in manibus est, suas partes concinne & cum decoro tutatur. Hac utendum est tibi. Alioquin dum agitur quæpiam Plauti comœdia, nugantibus inter se vernulis, si tu in proscenium prodeas habitu philosophico, & recens eas ex Octavia locum, in quo Seneca disputat cum Nerone, nonne præstiterit egisse mutam personam, quam aliena recitando talem fecisse tragicomœdian? Corrueris enim perverterisqve præsentem fabulam, dum diversa permisceas, etiam si ea quæ tu affers, meliora fuerint. Quæcunque fabula in manu est, eam age quam potes optime: neque ideo totam perturbes, quod tibi in mentem venit alterius, quæ si lepidior. Sic est in Republica, sic in consultationibus principum. Si radicitus evelli non possint opiniones pravæ, nec receptis usu vitis mœderi queas ex animi tui sententia, non ideo tamen deferenda Respublica est, & in tempestate navis destituenda est, quoniam ventos

inhibere

inhibere non possis. At neque insuetus & insolens sermo inculcandus, quem scias apud diversa persuasos pondus non habiturum, sed obliquo ductu conandum est atque annitendum tibi, uti pro tua virili omnia tractes commode, & quod in bonum neqvis vertere, efficias saltem, ut sit quam minime malum. Nam ut omnia bene sint, fieri non potest, nisi omnes boni sint, quod ad aliquot abhinc annos adhuc non exspecto. Hac, inquit, arte nihil fieret aliud, quam nedum aliorum furori nederi studio, ipse cum illis insaniam. Nam si vera loqui volo, talia loquar, necesse est: ceterum falsa loqui, sitne Philosophi nescio; certe non est meum. Quamquam ille meus sermo, ut fuerit fortasse ingratus illis atque molestus, ita non video, cur videri debeat atque ad ineptias insolens. Quod si aut ea cerem, quæ fingit Plato in sua Republica et ea, quæ faciunt Vtopienses in sua, hæc, tamquam essent (ut certe sunt) meliora, tamen aliena videri possunt, quod hic singulorum privatae sunt possessiones, illic omnia sunt communia. Meus vero sermo, nisi modo ad eos, qui statuisent secum, rueret versa via præcipites, jucundus esse non potest, qui revocet ac præmonstret pericula, alio-

C

qui

qui quid habuit, quod non ubivis dici vel conveniat, vel oporteat? Equidem si omittenda sunt omnia tamquam insolentia atque absurda, quæcunque perversi mores hominum fecerunt, ut videri possint aliena, dissimulemus, oportet apud Christianos pleraque omnia, quæ Christus docuit ac dissimulari, usque adeo vetuit, ut ea quoque, quæ ipse in aures infurrasset suis, palam in tectis jussit prædicari. Quorum maxima pars ab istis moribus longe est alienior, quam mea fuit oratio. Nisi quod concionatores homines callidi, tuum illud consilium secuti puto, quando mores suos homines ad Christi normam gravatim paterentur aptari, doctrinam ejus, velut regulam plumbeam accommodarunt ad mores, ut aliquo saltem pacto conjungerentur scilicet. Qua re nihil video, quid profecerint, nisi ut securius liceat esse malis, atque ipse profecto tantundem proficiam in consiliis Principum. Nam aut diversa sentiam, quod perinde fuerit, ac si nihil sentiam, aut eadem, & ipsorum adjutor sim, ut inquit Mitio Terentianus, infantiæ. Nam obliquus ille ductus tuus non video quid sibi velit, quo censes annitendum, si non possint omnia reddi bona, tamen ut tractentur commode, fiantque, quoad licet,

licet, quam minime mala. Quippe non est ibi dissimulandi locus, nec licet connivere: approbanda sunt aperte pessima consilia, & decretis pestilentissimis subscribendum est. Speculatoris vice fuerit, ac pæne proditoris, etiam, qui improbe, consulta maligne laudaverit. Porro nihil occurrit, in quo prodesse quicquam possis, in eos delatus collegas, qui vel optimum virum facilius corruperint, quam ipsi corrigantur: quorum perversa consuetudine vel depravaberis, vel ipse integer utque innocens alienæ malitiæ stultitiæque prætereris, tantum abest ut aliquid possis in meius obliquo illo ductu convertere. Quamobrem pulcherrima similitudine declarat Platonem, cur merito sapientes abstineant a capessenda republica. Quippe cum populum videant in plateas effusum assiduis imbribus perfundi, nec persuadere queant illis, ut se subducant civiæ tectaque subeant; gnari, nihil profuros sese, si exeant, quam ut una complutur, semet inter tecta continent, habentes scilicet, quando alienæ stultitiæ non possunt mereri, si ipsi saltem sint in tuto. Quamquam profecto, mi More! (ut ea vere dicam, quæ meus animus fert) mihi videtur, ubicunque civitatæ sunt possessiones, ubi omnes omnia

pecuniis metiuntur, ibi vix unquam posse fieri, ut cum Republica aut juste agatur, aut prospere, nisi vel ibi sentias agi juste, ubi optima quæque perveniunt ad pessimos, vel ibi feliciter, ubi omnia dividuntur in paucissimos, nec illos habitos undecunque commode, ceteris vero plane miseris. Quamobrem cum apud animum meum reputo prudentissima atque sanctissima instituta Vtopiensium, apud quos tam paucis legibus, tam commode res administrantur, ut & virtuti pretium sit, & tamen æqvatis rebus omnia abundant omnibus; tum ubi his eorum moribus ex adverso comparo tot nationes, alias semper ordinantes, nec ullam satis ordinatam unquam earum omnium, in quibus quod quisque nactus fuerit, suum vocat privatum, quarum tam multæ indies conditæ leges non sufficiunt, vel ut consequatur quisquam, vel ut tueatur, vel ut satis internoscat ab alieno, illud quod suum invicem quisque privatum nominat, id quod facile indicant infinita illa tam assidue nascentia, quam nunquam finienda litigia; hæc, inquam, dum apud me considero, æqvior Platoni fio, minusque demirror, dedignatum illis leges ferre ullas, qui recusabant eas, quibus ex æquo omnes omnia partirentur

partirentur cōmoda. Siquidem facile prævidit homo prudentissimus, unam atqve unicam illam esse viam ad salutem publicam, si rerum indicatur æqualitas, quæ nescio an unquam possit observari, ubi sua sunt singulorum propria. Nam cum certis titulis quisque, quantum potest ad se convertit, quantacunque fuerit rerum copia, eam omnem pauci inter se partiti, reliquis relinquunt inopiam, fereque accidit, ut alteri sint alterorum sorte dignissimi, cum illi sint rapaces, improbi atqve inutiles, contra ii modesti viri ac simplices, & quotidiana industria in publicum, quam in semet benigniores. Adeo mihi certe persvadeo, res æqvabili ac justa aliqua ratione distribui, aut feliciter agi cum rebus mortalium, nisi sublata prorsus proprietate, non posse. Sed manente illa, mansuram semper apud multo maximam multoque optimam hominum partem egestatis & ærumnarum anxiam atqve inevitabilem farcinam: Quam ut fateor levare aliquantulum posse, sic tolli plane contendo non posse. Nempe si statuatur, ne quis supra certum agri nodum possideat, & uti sit legitimus cuique census pecuniæ; Si fuerit legibus quibusdam cautum, ut neque sit princeps nimium potens,

neque populus nimis insolens: Tum magistratus ne ambientur, neu dentur venum, aut sumtus in illis fieri sit necesse, alioquin & occasio datur per fraudein ac rapinas sarcien-
dæ pecuniæ, & fit necessitas eis muneribus præficiendi divites, quæ potius fuerant admini-
stranda prudentibus. Talibus inquam legi-
bus, quemadmodum ægra assiduis solent fo-
mentis fulciri corpora deploratæ valetudinis,
ita hæc quoque mala leniri queant ac miti-
gari: ut sanentur vero atque in bonum red-
eant habitum, nulla omnino spes est, dum
sua cuique sint propria. Quin dum unius
partis curæ studes, aliarum vulnus exaspera-
veris, ita mutuo nascitur ex alterius medela,
alterius morbus, quando nihil sic adjici cui-
quam potest, ut non idem adimatur alii. At
mihi, inquam, contra videtur, ibi nunquam
commode vivi posse, ubi omnia sint commo-
nia. Nam quo pacto suppetat copia rerum,
unòquoque ab labore subducente se? utpote
quem neque sui quæstus urget ratio, & alie-
næ industriæ fiducia reddit segnem. At cum
& stimulentur inopia, neque quod quisquam
fuerit nactus, id pro suo tueri ulla possit lege,
annon necesse est perpetua cæde ac seditione
laboretur? sublata præsertim auctoritate ac
reverentia

reverentia magistratum , cui quis esse locus possit, apud homines tales, quos inter nullum discrimen est, ne comminisci quidem queo. Non miror, inquit, sic videri tibi, quippe cui ejus imago rei aut nulla succurrit, aut falsa. Verum si in Vtopia fuisses mecum, moresque eorum atque instituta vidisses præsens, ut ego feci, qui plus annis quinque ibi vixi, neque unquam voluissem inde discedere, nisi ut novum illum orbem proderem, tum plane faterere, populum recte institutum nusquam alibi te vidisse, quam illic. Atqui profecto, inquit Petrus Ægidius, ægre persuadeas mihi, melius institutum populum in novo illo, quam in hoc noto nobis orbe reperiri, ut in quo neque deteriora ingenia, & vestutiores opinor esse, quam in illa Republica & in quibus plurima ad vitam commoda longus invenit usus, ut ne adjiciam, apud nos casu reperta quædam, quibus excogitandis nullum potuisset ingenium sufficere. Quod ad vetustatem, inquit ille, Rerum attinet publicarum, um pronuntiare posses rectius, si historias illius orbis perlegisses, quibus si fides haberi debet, prius apud eos erant urbes, quam homines apud nos. Iam vero quicquid hactenus vel ingenium invenit, vel casus reperit,

rit, hoc utrobique potuit exstitisse. Ceterum ego certe puto, ut illis præstemus ingenio, studio tamen atque industria longe a tergo relinqvimur. Nam (ut ipsorum habent annales) ante appulsum illuc nostrum, de rebus nostris (quos illi vocant Vltraæquinoctiales) nihil unquam quicquam audierant, nisi quod olim annis abhinc ducentis supra mille, navis quædam apud insulam Vtopiam naufragio periit, quam tempestas eo detulerat. Ejecti sunt in littus Romani quidam atque Ægyptii, qui postea nunquam inde discessere. Hanc unam occasionem vide quam commodam illis sua fecit industria. Nihil artis erat intra Romanum imperium, unde posset aliquis esse usus, quod non illi aut ab expositis hospitibus didicerint, aut acceptis quærendi seminibus adinvenerint; tanto bono fuit illis aliquos hinc semel illuc esse delatos. At si qua similis fortuna quempiam antehac illinc huc perpulerit, tam penitus hoc oblitteratum est, quam istud quoque forsan excidet posteris, me aliquando illic fuisse. Et ut illi uno statim congressu quicquid a nobis commode inventum est, fecerunt suum: sic diu futurum puto, priusquam nos accipiamus quicquam, quod apud illos melius, quam a nobis

nobis est institutum. Quod unum maxime esse reor in causa, cur cum neque ingenio, neque opibus inferiores simus eis, ipsorum tamen res, quam nostra, prudentius administretur & felicius efflorescat. Ergo, mi Raphaël! inquam, quæso te atque obsecro, describe nobis insulam: nec velis esse brevis, sed explices ordine agros, fluvios, urbes, homines, mores, instituta, leges ac denique omnia, quæ nos putes, velle cognoscere: putabis autem velle, quicquid adhuc nescimus. Nihil, inquit, faciam libentius: nam hæc in promptu habeo, sed res otium poscit. Eamus ergo, inquam, intro pransum, mox tempus nostro arbitrato sumemus. Fiat, inquit: Ita ingressi prandemus; pransi, in eundem reversi locum, in eodem sedili consedimus ac iussis ministris, ne quis interpellaret, ego ac Petrus Egidius hortamur Raphaëlem, ut præstet, quod erat pollicitus. Is ergo, ubi nos vidit intentos atque avidos audiendi, cum paulisper tacitus & cogitabundus adsedisset, hunc in modum exorsus est.

S E R M O N I S,

QVEM

RAPHAEL HYTHLODÆVS,

VIR EXIMIVS,

DE

O P T I M O

REIPVBLICÆ STATV

HABVIT,

LIBER SECVNDVS.

PER

ILLVSTREM VIRVM

THOMAM MORVM,

INCLYTÆ BRITANNIARVM VRBIS LON-

DINI ET CIVEM. ET VICECOMITEM.

Vtopiensium insula in media sui parte
(nam hac latissima est) millia pasuum
ducenta porrigitur, magnumque per
insulæ spatium non multo angustior, fines
versus paullatim utrimque tenuatur. Hæ,
velut circumducti circino quingentorum am-
bitu millium, insulam totam in lunæ speciem
renascentis effigiant. Cujus cornua fretum
interfluens, millibus pasuum plus minus un-
decim dirimit ac per ingens inane diffusum,
circumjectu undique terræ prohibitis ventis
vasti

vasti in morem lacus stagnans magis, quam
sæviens, omnem prope ejus terræ alvum pro
portu facit: magnoque hominum usu naves
quaqvæversus transmittit; fauces hinc vadis,
inde saxis formidolosæ. In medio ferme inter-
stitio una rupes eminet, eaqve innoxia, cui
inædificatam turrim præsidio tenent, ceteræ
latentes & insidiosæ. Canales solis ipsis noti,
atqve ideo non temere accidit, uti exterus
quisqvam hunc in sinum, nisi Vtopiano duce,
penetret, ut in qvem vix ipsis tutus ingressus
est, nisi signis quibusdam e littore viam re-
gentibus. His in diversa translatis loca, ho-
stium quamlibet numerosam classem facile in
perniciem traherent. Ab altera parte non
infrequentes portus. At ubique descensus in
erram ita natura munitus, aut arte, ut in-
ventes copix paucis inde queant propugna-
toribus arceri. Ceterum, uti fertur, utqve
osa loci facies præ se fert, ea tellus olim non
inbiebatur mari: sed Vtopus, cujus utpote
ictoris nomen refert insula, (nam ante id
temporis Abraxa dicebatur) quique rudem
que agrestem turbam ad id, quo nunc cete-
ris prope mortales antecellit, cultus humani-
tisqve perduxit, primo protinus appulsu
etoria potitus, passuum millia quindecim,

qva parte tellus continenti adhæsit, excindendum curavit, ac mare circum terram duxit. Cumque ad id operis non incolas modo coegisset, (ne contumeliæ loco laborem ducerent) sed suos præterea milites omnes adjungeret, in tantam hominum multitudinem opere distributo, incredibili celeritate res perfecta, finitimos (qui initio vanitatem incepti riserant,) admiratione succensus ac terrore perculerit. Insula civitates habet quatuor & quinquaginta, spatiosas omnes ac magnificas, lingua, moribus, institutis, legibus prorsus iisdem, idem situs omnium, eadem ubique, quatenus per locum licet, rerum facies. Harum quæ proximæ interfunt, millia quatuor ac viginti separant. Nulla rursus est tam deserta, e qua non ad aliam urbem pedibus queat unius itinere diei perveniri. Civitates quæque ex urbe terni fenes ac rerum periti, tractatum de rebus insulæ communibus, quotannis conveniunt Amaurotum. Nam (ea urbs, quod tamquam in umbilico terræ sita maxime jacet omnium partium legatis opportuna) prima princepsque habetur. Agri ita commode civitatibus assignati sunt, ut ab nulla parte minus soli, quam XX passuum millia, una quævis habeat: ab aliqua multo etiam

etiam amplius, videlicet quā parte longius urbes inter se disjunguntur. Nulli urbi cupido promovendorum finium: Quippe quos habent, agricolas magis eorum se, quam dominos putant. Habent ruri per omnes agros commodè dispositas domos, rusticis instrumentis instructas. Hæ habitantur civibus per vicos, eo commigrantibus. Nulla familia rustica in viris mulieribusque pauciores habet, quam quadraginta, præter duos adscriptitios servos, quibus pater materque familias graves ac maturi præficiuntur & singulis tricenis familiis Phylarchus unus. E quaque familia viginti quotannis in urbem remigrant hi, qui biennium ruri complevere. In horum locum totidem recentes ex urbe subrogantur, ut ab his, qui annum ibi fuere, atque ideo rusticarum peritiores rerum, instituantur, alios anno sevente docturi, ne si pariter omnes ibi novi, agricoltationisque rudes essent, aliquid in agricultura per imperitiam peccaretur. Is innotuendorum agricolarum mos, & si solennis sit, & quisquam invitus asperiores vitam cogat, continuare diutius, multi tamen, quos rusticæ rei studium natura delectat, plures sibi nos impetrant. Agricoltæ terram colunt, utriusque animalia, ligna comparant, atque in urbem,

urbem, quæ commodum est, terra marive convehunt. Pullorum infinitam educant multitudinem, mirabili artificio. Neque enim incubant ova gallinæ, sed magnum eorum numerum calore quodam æqvabili foventes animant educantque. Hi simulatque e testa prodire, homines, vice matrum comitantur & agnoscunt. Equos alunt perquam paucos, nec nisi ferocientes, neque alium in usum, quam exercendæ rebus equestribus juventuti. Nam omnem, seu colendi, seu vehendi laborem boves obeunt, quos, (ut fatentur) equis impetu cedere, sic patientia vincere, nec tot obnoxios morbis putant, ad hæc minore impendio. & operæ & sumtus ali, ac denique laboribus emeritos, in cibum tandem usus esse. Semente in solum panem utuntur. Nam aut uvarum vinum bibunt, aut pomorum piporumve, aut denique aquam nonnunquam meram, sæpe etiam quæ mel aut glycyrrhizæ incoxerint, cujus haud exiguam habent copiam. Cum exploratum habeant (habent enim certissimum) quantum annonæ consumat urbs, & circumjectus urbi conventus, tamen multo amplius & sementis faciunt, & pecudum educant, quam quod in suos usus sufficiat, reliquum imparturi finitimis. Quibuscunque rebus

rebus opus est, quæ ruri non habentur, eam suppellectilem omnem ab urbe petunt, & sine ulla rerum commutatione, a magistratibus urbanis nullo negotio consequuntur. Nam illo singulo quoque mense plerique ad festum diem conveniunt. Cum frumentandi dies instat, magistratibus urbanis agricolarum Phylarchi denuntiant, quantum civium numerum ad se mitti conveniat, quæ multitudo frumentatorum, cum ad ipsum diem opportune adsit, uno prope sereno die tota frumentatione defunguntur.

DE VRBIBVS,

AC NOMINATIM

DE AMAVROTO.

Vrbium qui unam norit, omnes noverit; ita sunt inter se (quatenus loci natura non obstat) omnino similes. Depingam igitur unam quampiam, neque enim admodum fert quam, sed quam potius, quam Amaurum? quia nec ulla dignior est, quippe cui natus gratia reliquæ deferunt, nec ulla mihi tior, ut in quæ annos quinque perpetuo vixeret. Situm est igitur Amaurum in leni cœtu montis, figura fere quadrata. Nam latitudo

latitudo ejus paullo infra collis incepta verticem millibus pasuum duobus ad flumen Anydrum pertinet, secundum ripam aliquanto longior. Oritur Anydrus millibus octoginta supra Ainaurotum, modico fonte, sed aliorum occurſu fluminum, atque in his duorum etiam mediocrium auctus, ante urbem ipsam quingentos in latum pasus extenditur, mox adhuc amplior, sexaginta millia prolapsus, excipitur Oceano. Hoc toto spatio, quod urbem ac mare interjacet, ac supra urbem quoque aliquot millia, sed horas perpetuas influens æstus ac refluxus alternat celeri flumine. Cum sese pelagus infert, triginta in longum millia, totum Anydri alveum suis occupat undis, profligato retrorsum fluvio. Tum aliquanto ultra liqorem ejus falsugine corrumpit, dehinc paullatim dulcescens amnis, sincerus urbem perlabitur, ac refugientem vicissim purus & incorruptus, ad ipsas prope fauces insequitur. Vrbs adversæ fluminis ripæ, non pilis aut sublicibus ligneis, sed ex opere lapideo, egregie arcuato ponte, commissa est, ab ea parte, quæ longissime distat a mari, quo naves totum id latus urbis possint inoffensæ prætervehi. Habent alium præterea fluvium, haud magnum quidem illum, sed perquam placidum

dum ac jucundum. Nam ex eodem scaturiens monte, in quo civitas collocatur, mediam illam per devexa perfluens, Anydro miscetur. Ejus fluvii caput fontemque, quod paullo extra urbem nascitur, munimentis amplexi Amaurótani junxerunt oppido, ne si qua vis hostium ingruat, intercipi atque averti aqua, neve corrumpi queat. Inde canalibus coëtilibus, diversim ad inferiores urbis partes aqua dirivatur, id sicubi locus fieri vetat, cisternis capacibus, collecta pluvia, tantundem usus offert. Murus altus ac latus oppidum, cingit, turribus ac propugnaculis frequens: Ariæ fossa, sed alta, lataque ac veprium sepibus impedita, tribus ab lateribus circumdat mœnia, quarto flumen ipsum pro fossa est. lateæ cum ad vecturam, tum adversus vents descriptæ commode: ædificia neutiqvam rudida, quorum longa & totum per vicum perpetua series, adversa domorum fronte conicitur: has vicorum frontes via distinguit des viginti lata. Posterioribus ædium parvus, quanta est vici longitudo, hortus adjacet, latus & vicorum tergis undique circumtus. Nulla domus est, quæ non, ut osti- in plateam, ita posticum in hortum habeat. Qvin bifores quoque facili tractu manus

nus apertiles ac dein sua sponte coeuntes, quemvis intromittunt, ita nihil usquam privati est. Nam domos ipsas unoquoque decennio forte commutant. Hos hortos magnificiunt: in his vineas, fructus, herbas, flores habent tanto nitore cultuque, ut nihil fructuosius usquam viderim, nihil elegantius. Qua in re studium eorum, non ipsa voluptas modo, sed vicorum quoque invicem de suo cujusque horti cultu certamen accendit. Et certe non aliud quicquam temere urbe tota reperias, five ad usum civium, five ad voluptatem commodius: eoque nullius rei, quam hujusmodi hortorum, majorem habuisse curam videtur is, qui condidit. Nam totam hanc urbis figuram, jam inde ab initio descriptam ab ipso Vtopo ferunt. Sed ornatum ceterumque cultum, quibus unius ætatem hominis haud suffecturam vidit, posteris adjiciendum reliquit. Itaque scriptum in annalibus habent, (quos ab capta usque insula, mille septingentorum ac sexaginta annorum complectentes historiam, diligenter & religiose perscriptos adservant) ædes initio humiles, ac veluti casas & tururgia fuisse e quolibet ligno temere factas, parietes luto obductos, culmina in aciem fastigiata

giata stramentis operuerant. At nunc omnis domus visenda forma tabulatorum trium, varietum facies aut silice, aut cementis, aut atere coctili constructæ, in alvum introrsus ongesto rudere. Tecta in planum subducta, quæ intritis quibusdam insternunt, nullius impendii, sed ea temperatura, quæ nec igni obnoxia sit, & tolerandis tempestatum injuriis plumbum superet. Ventos e fenestris vitro (nam ejus ibi creberrimus sus est) expellunt: Interim etiam lino tenui, od per lucide oleo aut succino perlinunt, ut nemo nimirum commodo: siquidem ad id modum fit, ut plus lucis transmittat ventorum minus admittat.

DE MAGISTRATIBVS.

Triginta quæque familiæ magistratum sibi quotannis eligunt, quem sua prisca lingua Syphograntum vocant; recentiore stylarchum. Syphograntis decem cum suis consiliis Traniborus olim, nunc Protophychus dictus præficitur. Demum Syphogranti omnes, qui sunt ducenti, jurati lectulese, quem maxime censent utilem, suffragiis occultis renunciant Principem, unum videlicet

videlicet ex quatuor, quos eis populus nominavit: nam a quaque urbis quarta parte, selectus unus commendatur senatui. Principis magistratus perpetuus est in omnem illius vitam, nisi tyrannidis affectatæ suspicio impediat. Traniboros quotannis eligunt, ceterum haud temere commutant. Reliqui magistratus omnes annui. Tranibori tertio quoque die, interdum, si res postulat, sæpius in consilium cum principe veniunt. De Republica consultant, controversias privatorum (si quæ sunt) quæ perquam paucæ sunt, mature dirimunt. Syphograntos semper in senatum duos adsciscunt, atque omni die diversos cæturumque, ut ne quid ratum sit, quod ad Rempublicam pertineat, de quo non tribus in senatu diebus ante agitatum, quam decretum sit. Extra senatum aut comitia publica, de rebus communibus inire consilia, capitale habetur. Hæc eo ferunt instituta, ne proclivesset, conjuratione Principis ac Traniborum, oppresso per tyrannidem populo, statum Reipublicæ mutare. Atque ideo quicquid magni momenti judicatur, ad Syphograntorum comitia deferitur, qui cum suis familiis communicata re, post inter se consultant ac suum consilium renuntiant Senatui.

Interdum

nterdum ad totius insulæ consilium res de-
ertur. Quin id quoque moris habet Sena-
us, ut nihil, quo die, primum proponitur,
odem disputetur, sed in sequentem senatum
fferatur, ne quis, ubi quod in buccam pri-
um venerit, temere effutierit; ea potius ex-
ogitet postea, quibus decreta tueatur sua,
vam quæ ex Reipublicæ usu sint: malitque
lutis publicæ, quam opinionis de se jactu-
am facere, perverso quodam ac præpostero
udore, ne initio parum prospexisse videatur,
ui prospiciendum initio fuit, ut consulto
otius, quam cito loqueretur.

DE ARTIFICIIS.

Ars una est omnibus, viris mulieribusque
promiscua, agricultra, cujus nemo est
pers. Hac a pueritia erudiuntur omnes,
rtim in schola traditis præceptis, partim in
ros viciniore urbi, quasi per ludum eduæti,
on intuentes modo, sed per exercitandi cor-
oris occasionem tractantes etiam. Præter
riculturam (quæ est omnibus, ut dixi, com-
anis) quilibet unam quampiam, tamquam
um, docetur, ea est fere aut lenificium, aut
erandi lini studium aut commentariorum,
aut

aut fabri, seu ferrarii, seu materiarii, artificium. Neque enim aliud est opificium ullum, quod numerum aliquem dictu dignum occupet illic. Nam vestes, quarum (nisi quod habitu sexus discernitur & cœlibatus a conjugio) una per totam insulam forma est, eademque per omne ævum perpetua, nec ad oculum indecora, & ad corporis motum habilis, tum ad frigoris æstusque rationem apposita; eas inquam quæque sibi familia conficit. Sed ex aliis illis artibus unusquisque aliquam discit, nec viri modo, sed mulieres etiam. Ceterum hæc velut imbecilliores leviora tractant, lanam fere linumque operantur, viris artes reliquæ magis laboriosæ mandantur. Maxima ex parte quisque in patriis artibus educatur, nam eo plerique natura feruntur: quod si quem animus alio trahat, in ejus opificii, cujus capitur studio, familiam quampiam adoptione traducitur, cura nona patre modo ejus, sed magistratibus etiam præstita, ut gravi atque honesto patrifamilias mancipetur. Quin si quis unam perdoctus artem aliam præterea cupiverit, eodem modo permittitur. Vtramque nactus, utram velit exercet, nisi alterutra civitas magis egeat, Syphograntorum præcipuum ac prope unicum negotium

negotium est, curare ac prospicere, ne quisquam desideat otiosus, sed uti suæ quisque arti sedulo incumbat, nec ab summo mare tamen ad multam usque noctem perpetuo labore, velut jumenta, fatigatus: nam ea plusquam servilis ærumna est, quæ tamen ubique fere opificum vita est, exceptis Vtopiensibus, qui cum in horas viginti quatuor æquales diem connumerata nocte dividant, sex duntaxat operi deputant, tres ante meridiem, quibus prandium ineunt, atque a prandio duas pomeridianas horas cum interquieverint, res deinde rursus labori datas cœna claudunt. Cum primam horam ab meridie numerent, ab octavam cubitum eunt, horas octo somnus vendicat. Quicquid inter operis horas somni cibi que medium est, id suo cuiusque arbitrio permittitur, non quo per luxum et segnitiam abutatur, sed quod ab opificio liberum ex animi sententia in aliud quidpiam studii bene collocet, has intercapedines erique impendunt literis. Solenne est enim publicas quotidie lectiones haberi antelucanis horis, quibus ut intersint, ii duntaxat adiguntur, qui ad literas nominatim selecti sunt. Inter ceterum ex omni ordine, mares simul ac fœminæ, multitudo maxima ad audiendas lectiones,

nes, alii alias, prout cujusque fert natura, confluit. Hoc ipsum tempus, tamen si quis arti suæ malit insumere, quod multis usu venit (quorum animus in nullius contemplatione disciplinæ consurgit) haud prohibetur, quin laudatur quoque, ut utilis Reipublicæ. Super cœnam tum unam horam ludendo producant, æstate in hortis, hyeme in aulis illis communibus, in quibus comedunt. Ibi aut musicen exercent, aut se sermone recreant. Aleam atque id genus ineptos ac perniciosos ludos ne cognoscunt quidem. Ceterum duos habent in usu ludos, latrunculorum ludo non dissimiles: alterum numerorum pugnam, in qua numerus numerum prædatur: alterum, in quo collata acie cum virtutibus vitia configunt. Quo in ludo perquam scite ostenditur & vitiorum inter se dissidium, & adversus virtutes concordia; item quæ vitia, quibus se virtutibus opponant, quibus viribus aperte oppugnent, quibus machinantibus ab obliquo adoriantur, quo præsidio virtutes vitiorum vires infringant, quibus artibus eorum conatus eludant, quibus denique modis alterutra pars victoriæ compos fiat. Sed hoc loco, ne quid erretis, quiddam pressius intuendum est. Etenim, quod sen-
duntur

duntaxat horas in opere sunt, fieri fortasse potest, ut inopiam aliquam putes necessariorum rerum sequi. Quod tam longe abest, ut accidat, ut id temporis ad omnium rerum copiam, quæ quidem ad vitæ vel necessitatem requirantur, vel commoditatem, non sufficiat modo, sed supersit etiam, id quod vos quoque intelligetis, si vobiscum reputetis, apud alias gentes, quam magna populi pars ners degit. Primum mulieres fere omnes otius summæ dimidium, aut sicubi mulieres negotiosæ sunt, ibi ut plurimum, earum vice iri stertunt. Ad hæc sacerdotum ac religiosorum, quos vocant, quanta quamque otio- turba? Adjice divites omnes, maxime rædiorum dominos, quos vulgo generosos appellat ac nobiles; his annuera ipsorum mulitum, totam videlicet illam cetratorum ebulonum colluviem: robustos denique ac valentes mendicos adjuuge, morbum quem- am prætexentes inertiae: multo certe pau- ores esse, quam putaras, invenies eos, quo- um labore constant hæc omnia, quibus mor- les utuntur. Expende nunc tecum, ex his sis quam pauci in necessariis opificiis versan- r. Si quidem ubi omnia pecuniis metimur, ultas artes necesse est exerceri inanes pror-

D

fus

sus ac superfluas, luxus tantum ac libidinis ministras. Nam hæc ipsa multitudo, quæ nunc operatur, si partiretur in tam paucas artes, quam paucas commodus naturæ usus postulat, in tanta rerum abundantia, quantam tunc esse necesse sit, pretia nimirum viliora forent, quam ut artifices inde vitam tueri suam possent. At si isti omnes, quos nunc inertes artes distringunt, ac tota insuper otio ac desidia langvescens turba, quorum unus quivis earum rerum, quæ aliorum laboribus suppeditantur, quantum duo earundem operatores, consumit, in opera universi atque eadem utilia collocarentur, facile animadvertis, quantum temporis ad suppeditanda omnia, quæ vel necessitatis ratio, vel commoditatis efflagitet, (adde voluptatis etiam, quæ quidem vera sit ac naturalis) abunde satis superque foret: atque id ipsum in Vtopia res ipsa perspicuum facit. Nam illic in tota urbe cum adjacente vicinia vix hominibus quingentis ex omni virorum ac mulierum numero, quorum ætas ac robur operi sufficit, vacatio permittitur. In his Syphogranti, quamquam leges eos labore solverunt, ipsi tamen sese non eximunt, quo facilius exemplo suo reliquos ad labores invitent. Eadem immunitate

tate gaudent hi, quibus commendatione sacerdotum persuasus populus occultis Syphograntorum suffragiis ad perdiscendas disciplinas perpetuam vacationem indulget. Quorum si quis conceptam de se spem fefellerit, ad opifices retruditur, contraque non rarer usu venit, ut mechanicus quispiam, subtilissimas illas horas tam gnaviter impendat literis, tantum diligentia proficiat, ut opificio suo exemptus, in literatorum classem provehatur. Ex hoc literatorum ordine Legati, Sacerdotes, Tranibori ac ipse denique deligitur Princeps, quem illi prisca ipsorum lingua Barzaem, recentiore Ademum, appellant. Requæ fere multitudo omnis, cum neque tiosa sit, nec inutilibus opificiis occupata, occlivis æstimatio est, quam paucæ horæ, tantum boni operis pariant. Ad ea, quæ commemoravi, hoc præterea facilitatis accedit, quod in necessariis plerisque artibus minore opera, quam aliæ gentes, opus habent. Nam primum ædificiorum aut structura aut sectio ideo tam multorum assiduam ubique quirit operam, quod quæ pater ædificavit, heres parum frugi paullatim dilabi finit, ita, quod minimo tueri potuit, successor ejus de regio impendio magno cogitur instaurare,

quin frequenter etiam, quæ domus alii ingenti
sumtu stetit, hanc alius delicato animo con-
temnit eaque neglecta, ideoque brevi collapsa
aliam alibi impensis non minoribus extruit.
At apud Vtopienses compositis rebus omni-
bus & constituta Republica rarissime accidit,
uti nova collocandis ædibus area deligatur, &
non modo remedium celeriter præsentibus
vitiis adhibetur, sed etiam imminentibus oc-
curritur. Ita fit, ut minimo labore diutissi-
me perdurent ædificia, & id genus opifices
vix habeant interdum, quod agant, nisi quod
materiam dolare domi & lapides interim
quadrare atque aptare jubentur, quo, si quod
opus incidat, maturius posset exfurgere. Iam
in vestibus vide, quam paucis operis egeant:
primum dum in opere sunt, corio neglectum
aut pellibus amiciuntur, quæ in septennium
durent: cum procedunt in publicum, super-
induunt chlamydem vestem, quæ rudioris
illas vestes contegat, ejus per totam insulam
unus color est, atque is nativus. Itaque li-
nei panni non modo multo minus, quam us-
quam alibi, sufficit, verum is ipse quoque mul-
to minoris impendii est: at lini minor est la-
bor, eoque usus crebrior, sed in lineo solus
candor, in laneo sola mundities conspicitur,
nullum

nullum tenuioris filii pretium est. Itaque fit, ut cum alibi nusquam uni homini quatuor aut quinque togæ laneæ, diversis coloribus, ac totidem sericiæ tunicæ sufficiant, delicatioribus paullo ne decem quidem, ibi una quisque contentus est, plerumque in biennium. Quippe nec causa est ulla, cur plures affectet, quas consecutus, neque adversus frigus esset munitionior, neque vestitu videretur vel pilo cultior. Quamobrem cum & omnes utilibus sese artibus exercent, & ipsarum etiam opera pauciora sufficiant, fit nimirum, ut abundante rerum omnium copia, interdum in reficiendas (si quæ detritæ sunt) vias publicas immensam multitudinem educant, peræpe etiam, cum nec talis cujuscumque operis usus occurrat, pauciores horas operandi publice denuntient. Neque enim supervacaneo labore cives invitos exercent magistratus: quandoquidem ejus Reipublicæ institutio nunc unum scopum in primis respicit, ut proad per publicas necessitates licet, quam plurimum temporis ab servitio corporis ad animi libertatem cultumque civibus universis asferatur: in eo enim sitam vitæ felicitatem putant.

DE COMMERCIIIS
MUTVIS.

Sed jam quo pacto sese mutuo cives utantur, quæ populi inter se commercia quæque sit distribuendarum rerum forma, videtur explicandum. Cum igitur ex familiis constet civitas, familias ut plurimum cognationes efficiunt. Nam fœminæ (ubi maturuerint) collocatæ maritis, in ipsorum domicilia concedunt. At masculi filii ac deinceps nepotes, in familia permanent & parentum antiquissimo parent, nisi præ senectâ mente parum valuerit, tunc enim ætate proximus ei sufficitur. Verum ne civitas aut fieri infrequentior, aut ultra modum possit crescere, cavetur, ne ulla familia, quarum millia sex quæque civitas, excepto conventu, completitur, pauciores, quam decem, pluresve, quam sexdecim puberes habeat. Impuberum enim nullus præfiniri numerus potest. Hic modus facile servatur, transcriptis his in rariores familias, qui in plenioribus excrescunt. At si quando in totum plus justo abundaverit, aliarum urbium suarum infrequentiam farciunt. Quod si forte per totam insulam plus æquo moles intumuerit, tum ex qualibet urbe

urbe descriptis civibus in continente proximo, ubicunque indigenis agri multum superest & cultu vacat, coloniam suis ipsorum legibus propagant, adscitis una terræ indigenis, si convivere secum velint. Cum volentibus conjuncti, in idem vitæ institutum eosdemque mores facile coalescunt, idque utriusque populi bono. Efficiunt enim suis institutis, ut ea terra utrisque abunda sit, quæ alteris aut parca, aut maligna, videbatur. Renuentes ipsorum legibus vivere, propellunt his finibus, quos sibi ipsi describunt: adversus repugnantes bello configunt: nam eam justissimam belli causam ducunt, cum populus vispiam ejus soli, quo non ipse utitur, sed elut inane ac vacuum possidet, aliis tamen, vi ex naturæ præscripto inde nutriri debeant, sum ac possessionem interdicat. Si quando illus ex suis urbibus aliquis casus eousque imminuerit, ut ex aliis insulæ partibus, servatio cujusque urbis modo, resarciri non possint (quod bis duntaxat ab omni ævo, pestis rarsante sævitia, fertur contigisse) remigrantibus e colonia civibus replentur. Perire nim colonias potius patiuntur, quam ullam insulanicis urbibus imminui. Sed ad cunctum civium revertor, antiquissimus (ut dixi)

dixi) præest familiæ. Ministri sunt uxores maritis & liberi parentibus, atque in summa minores natu majoribus. Civitas omnis in quatuor æquales partes dividitur. In medio cujusque partis forum est omnium rerum. Eo in certas domos opera cujusque familiæ convehuntur atque in horrea singulæ seorsim species distributæ sunt. Ab his quilibet paterfamilias, quibus ipse sui que opus habent, petit ac sine pecunia, sine omni prorsus hostimento, quicquid petierit, aufert. Quare enim negetur quicquam? Cum & omnium rerum abunde satis sit, nec timor ullus subsit, ne quisquam plus, quam sit opus, flagitare velit? Nam cur supervacua petiturus putatur is, qui certum habeat, nihil sibi unquam defuturum? Nempe avidum ac rapacem aut timor carendi facit in omni animantium genere, aut in homine sola reddit superbia, quæ gloriæ sibi ducit, superflua rerum ostentatione ceteros antecellere, quod vitii genus in Vtopiensium institutis nullum omnino locum habet. Adjuncta sunt foris (quæ commemoravi) fora cibaria, in quæ non olera modo arborumque fructus & panes comportantur, sed pisces præterea, quadrupedumque & avium, quicquid esculentum est, extra urbem
locis

locis appofitis, ubi fluento tabes ac fordes eluantur. Hinc deportant pecudes occifas depuratasque manibus famulorum: nam neque fuos cives patiuntur afvefcere laniatui animalium (cujus ufu clementiam, humaniffimum naturæ noſtræ affectum, paullatim deperire putant) neque ſordidum quicquam atque immundum (cujus putredine corruptus aër morbum poſſet invehere) perferri in urbem ſinunt. Habet præterea quilibet vicus aulas quasdam capaces, æquali ab ſeſe invicem intervallo diſtantes, nomine quamque ſuo cognitæ. Haſ colunt Syphogranti, quarum unicuique triginta familiæ, videlicet ab utroque latere quindecim, ſunt adſcriptæ, cibum bi ſumturæ. Obſonatores cujuſque aulæ certa hora conveniunt in forum ac, relato uorum numero, cibum petunt. Sed prima ratio ægrotorum habetur, qui in publicis hoſpitiis curantur. Nam quatuor habent in ambitu civitatis hoſpitia paullo extra muros, tam capacia, ut totidem oppidulis æqvari poſſint: tum ut neque ægrotorum numerus vambet magnus anguſte collocaretur, & er hoc incommode; tum quo hi, qui tali morbo tenerentur, cujus contagio ſolet ab uno ad alium ſerpere, longius ab aliorum

cœtu summoveri possint. Hæc hospitia ita sunt instructa atque omnibus rebus, quæ ad salutem conferant, referta, tum tam tenera ac sedula cura adhibetur, tam assidua medicorum peritissimorum præsentia, ut cum illuc nemo mittatur invitus, nemo tamen fere in tota urbe sit, qui adversa valetudine laborans, non ibi decumbere, quam domi suæ præferat. Cum ægrotorum obsonator cibos ex medicorum præscripto receperit, deinceps optima quæque inter aulas æqvabiliter pro suo ejusque numero distribuuntur, nisi quod Principis, Pontificis & Tranibororum respectus habetur ac Legatorum etiam, & exterorum omnium, (si qui sunt, qui pauci ac rari sunt:) sed his quoque, cum adsunt, domicilia certa atque instructa parantur. Ad has aulas prandii cœnæque statim horis tota Syphograntia convenit, æneæ tubæ clangore commonefacta, nisi qui aut in hospitibus, aut domi decumbunt: quamquam nemo prohibetur, postquam aulis est satisfactum, e foris domum cibum petere, sciunt enim, neminem id temere facere: nam etsi domi prandere nulli vetitum sit, nemo tamen hoc libenter facit, cum neque honestum habeatur & stultum sit, deterius parandi prandii sumere

mere laborem, cum lautum atque opiparum præsto apud aulam tam propinquum sit. In hac aula ministeria omnia, in quibus paullo plus fordīs aut laboris est, obeunt servi. Ceterum coqvendi parandique cībi officium & totius denique instruendi convivii solæ mulieres exercent, cuiusque videlicet familiæ per vices. Tribus pluribusve mensis pro numero convivarum discumbitur. Viri ad parietem, fœminæ exterius collocantur, ut si quid his subiti oboriatur mali, quod uterum gerentibus interdum solet accidere, inperturbatis ordinibus exsurgant atque inde ad nutrices abeant. Sedent illæ quidem seorsum cum lactentibus in cœnaculo, quodam, ad id destinato, nunquam sine foco atque aqua munda, nec absque cunis, interim ut & declinare liceat infantulos, & ad ignem, cum velint, exemptos fasciis liberare ac ludo reficere. Sux præque soboli nutrix est, nisi aut mores aut norbus impediat: id cum accidit, uxores Syphograntorum propere nutricem quærunt, nec id difficile est: nam quæ id præstare possunt, nulli officio sese offerunt libentius, noniam & omnes eam misericordiam laude rosequuntur, & qui educatur, nutricem parentis agnoscit loco. In atrio nutricum con-

D 6

fidunt

fidunt pueri omnes, qui primum lustrum non explevere: ceteri impuberes, quo in numero ducunt, quicumque sexus alteriusutrius intra nubiles annos sunt, aut ministrant discumbentibus, aut qui per ætatem nondum valent, adstant tamen, atque id summo cum silentio: utrique, quod a sedentibus porrigitur, eo vescuntur, nec aliud discretum prandendi tempus habent. In medio primæ mensæ (qui summus locus est) & cui (nam ea mensa suprema in parte cœnaculi transversa est) totus conventus conspicitur, Syphograntus cum uxore confidet. His adjunguntur duo ex natu maximis. Sedent enim per omnes mensas quaterni. At, si templum in ea Syphograntia situm est, Sacerdos ejusque uxor cum Syphogranto sedent, ut præsideant. Ab utraque parte collocantur juniores, post senes rursus, atque hoc pacto per totam domum & æquales inter se junguntur, & dissimilibus tamen immiscentur: quod ideo ferunt institutum, ut senum gravitas ac reverentia (cum nihil ita in mensa fieri dicive potest, ut eos ab omni parte vicinos effugiat) juniores ab improba verborum gestuumque licentia cohibeat. Ciborum fercula non a primo loco deinceps apponuntur, sed senioribus primum

munum omnibus (quorum insignes loci sunt) optimus quisque cibus infertur, deinde reliquis æqualiter ministratur. At senes lautitias suas (quarum non tanta erat copia, ut posset totam per domum affatim distribui) pro suo arbitratu circumfidentibus impartiuntur. Sic & maioribus natu suus servatur honos, & commodi tantundem tamen ad omnes pervenit. Omne prandium cœnamque ab aliqua lectione auspicantur, quæ ad mores faciat, sed brevi tamen, ne fastidio sit. Ab hac seniores honestos sermones, sed neque tristes ac infacetos ingerunt. At nec longis logis totum occupant prandium, quin audiunt libenter juvenes quoque, atque adeo de industria provocant, quo & indolis cujusque & ingenii, per convivii libertatem prodentis sese, capiant experimentum. Prandia breviuscula sunt, cœnæ largiores, quod labor illa, has omnis & nocturna quies excipit, quam illi ad salubrem concoctionem magis efficacem putant. Nulla cœna sine musica transigitur: nec ullis caret secunda mensa bellariis, odores incendunt & unguenta spargunt: nihilve non faciunt, quod exhilarare convivas possit: sunt enim hanc in partem aliquanto rocliviores, ut nullum voluptatis genus (ex

fidunt pueri omnes, qui primum lustrum non explevere: ceteri impuberes, quo in numero ducunt, quicumque sexus alteriusutrius intra nobiles annos sunt, aut ministrant discumbentibus, aut qui per ætatem nondum valent, adstant tamen, atque id summo cum silentio: utrique, quod a sedentibus porrigitur, eo vescuntur, nec aliud discretum prandendi tempus habent. In medio primæ mensæ (qui summus locus est) & cui (nam ea mensa suprema in parte cœnaculi transversa est) totus conventus conspicitur, Syphograntus cum uxore confidet. His adjunguntur duo ex natu maximis. Sedent enim per omnes mensas quaterni. At, si templum in ea Syphograntia situm est, Sacerdos ejusque uxor cum Syphogranto sedent, ut præsideant. Ab utraque parte collocantur juniores, post senes rursus, atque hoc pacto per totam domum & æquales inter se junguntur, & dissimilibus tamen immiscentur: quod ideo ferunt institutum, ut senum gravitas ac reverentia (cum nihil ita in mensa fieri dicere potest, ut eos ab omni parte vicinos effugiat) juniores ab improba verborum gestuumque licentia cohibeat. Ciborum fercula non a primo loco deinceps apponuntur, sed senioribus primum

num omnibus (quorum insignes loci sunt) optimus quisque cibus infertur, deinde reliquis æqualiter ministratur. At senes lautitias suas (quarum non tanta erat copia, ut posset totam per domum affatim distribui) pro suo arbitratu circumfredientibus impartiuntur. Sic & majoribus natu suus servatur honos, & commodi tantundem tamen ad omnes pervenit. Omne prandium cœnamque ab aliqua lectione auspicantur, quæ ad mores faciat, sed brevi tamen, ne fastidio sit. Ab hac seniores honestos sermones, sed neque tristes ac infacetos ingerunt. At nec longis logis totum occupant prandium, quin audiunt libenter juvenes quoque, atque adeo de industria provocant, quo & indolis cujusque & ingenii, per convivii libertatem prodentis sese, capiant experimentum. Prandia breviuscula sunt, cœnæ largiores, quod labor illa, has somnus & nocturna quies excipit, quam illi ad salubrem concoctionem magis efficacem putant. Nulla cœna sine musica transigitur: nec ullis caret secunda mensa bellariis, odores incendunt & unguenta spargunt: nihilve non faciunt, quod exhilarare convivas possit: sunt enim hanc in partem aliquanto rocliviores, ut nullum voluptatis genus (ex

quo nihil sequatur incommodi) censeant interdictionem. Hoc pacto igitur in urbe conviunt: at ruri, qui longius ab sese disiti sunt, omnes domi quisque suæ comedunt, nulli enim familiæ quicquam ad victum deest, quippe a quibus id totum venit, quo vescantur urbici.

DE PEREGRINATIONE VTOPIENSIVM.

At si quos aut amicorum alia in urbe commorantium, aut ipsius etiam videndi loci desiderium cæperit, a Syphograntis ac Tribitoris suis veniam facile impetrant, nisi si quis usus impediat. Mittitur ergo simul numerus aliquis cum epistola Principis, quæ & datam peregrinandi copiam testatur, & reditus diem præscribit. Vehiculum datur cum fervo publico, qui agat boves & curet: ceterum, nisi mulieres in cætu habeant, vehiculum velut onus & impedimentum remittitur. Toto itinere cum nihil secum efferant, nihil deficit tamen, ubique enim domi sunt. Si quo in loco diutius uno die commorentur, suam ibi quisque artem exercet atque ab artis ejusdem opificibus humanissime tractantur. Si

Si semet auctore quisquam extra suos fines vagetur, deprehensus sine Principis diplomate, contumeliose habitus pro fugitivo reduci-
tur, castigatus acriter; idem ausus denuo, servitute plectitur. Quod si quem libido in-
cesfat, per suæ civitatis agros palandi, venia patris & consentiente conjuge, non prohibetur: sed in quodcunque rus pervenerit, nullus ante cibus datur, quam ante meridianum operis pensum, aut quantum ante cœnam ibi laborari solet, absolverit. Hac lege quovis intra suæ urbis fines ire licet. Erit enim non minus utilis urbi, quam si in urbe esset. Iam videtis, quam nulla sit usquam otiandi licentia, nullus inertiae prætextus, nulla taberna vinaria, nulla cerevisiaria, nusquam lupanar, nulla corruptelæ occasio, nullæ labebræ, conciliabulum nullum, sed omnium præsentis oculi necessitatem aut consueti laboris, aut otii non inhonesti faciunt. Quem populi morem necesse est omnium rerum opiam sequi, atque ea cum æquabiliter ad omnes perveniat, sit nimirum, ut inops esse nemo aut mendicus possit. In senatu Amaurótico (quem uti dixi, terni quotannis omni ex urbe frequentant) ubi primum constitit, quæ res quoque loco abundet, passum

cujus

cujus alicubi malignior proventus fuerit, alterius inopiam alterius protinus ubertas explet, atque id gratuito faciunt, nihil vicissim ab his recipientes, quibus donant: sed quæ de suis rebus unicuique urbi dederint, nihil ab ea repetentes, ab alia, cui nihil impenderunt, quibus egent, accipiunt. Ita tota insula velut una familia est. At postquam satis provisum ipsis est (quod non antea factum censent, quam in biennium propter anni sequentis eventum prospexerint) tum ex his, quæ supersunt, magnam vim frumenti, mellis, lanæ, lini, ligni, cocci & conchyliorum, vellerum, ceræ, sevi, corii, ad hæc animalium quoque in alias regiones exportant: quarum rerum omnium septimam partem inopibus ejus regionis dono dant, reliquam pretio mediocri venditant: quo ex commercio non eas modo merces, quibus domi egent (nam id fere nihil est, præter ferrum) sed argenti atque auri præterea magnam vim in patriam reportant. Cujus rei diutina consuetudine, supra quam credi possit, ubique jam earum rerum copia abundant. Itaque nunc parum pensi habent, præsentene pecunia, an in diem vendant, multoque maximam partem habeant in nominibus, in quibus tamen faciendis non privato-

um unquam, sed confectis ex more instrumentis, publicam urbis fidem sequuntur. Civitas, ubi solutionis dies advenerit, a privatis creditoribus exigit creditum atque in ærarium edigit; ejusque pecuniæ, quoad ab Vtopi-
nibus repetatur, usura fruitur. Illi maximam partem nunquam repetunt: nam quæ es apud se nullum habet usum, eam ab his uferre, quibus usui est, haud æquum censent. Ceterum si res ita poscat, ut ejus aliquam partem alii populo mutuam daturi
nt, tum demum poscunt: aut cum bellum erendum est, quam in rem unam totum illum thesaurum, quem habent, domi servant, si aut extremis in periculis, aut in subitis cæsidio sit: potissimum quo milites externos quos libentius, quam suos cives, objiciunt
scrinini) immodico stipendio conducant, vari multitudo pecuniæ hostes ipsos plerumque mercabiles & vel proditione, vel instis etiam signis, inter se committi. Hanc causam inæstimabilem thesaurum servant; non ut thesaurum tamen, sed ita habent, modo me narrare profecto deterret pur, metuentem, ne fidem oratio non sit habura: quod eo justius vereor, quo magis hi sum conscius, nisi vidissem præsens,
quam

cujus alicubi malignior proventus fuerit, terius inopiam alterius protinus ubertas explatque id gratuito faciunt, nihil vicissim his recipientes, quibus donant: sed quæ suis rebus unicuique urbi dederint, nihil ea repetentes, ab alia, cui nihil impenderunt quibus egent, accipiunt. Ita tota insula vult ut una familia est. At postquam satis provisum ipsis est (quod non antea factum confert, quam in biennium propter anni sequentis eventum prospexerint) tum ex his, quæ supersunt, magnam vim frumenti, mellis, næ, lini, ligni, cocci & conchyliorum, velurum, ceræ, sevi, corii, ad hæc animalium quæque in alias regiones exportant: quarum rerum omnium septimam partem inopibus ejus regionis dono dant, reliquam pretio medio venditant: quo ex commercio non eas merces, quibus domi egent (nam id fere nihil est, præter ferrum) sed argenti atque aurum præterea magnam vim in patriam reportant. Cujus rei diutina consuetudine, supra quæ credi possit, ubique jam earum rerum copia abundat. Itaque nunc parum pensi habere præsentene pecuniæ, an in diem vendant, multoque maximam partem habeant in nominibus, in quibus tamen faciendis non priva-

rum unquam, sed confectis ex more instrumentis, publicam urbis fidem sequuntur. Civitas, ubi solutionis dies advenerit, a privatis debitoribus exigit creditum atque in ærarium redigit; ejusque pecuniæ, quoad ab Vtopiensibus repetatur, usura fruitur. Illi maximam partem nunquam repetunt: nam quæ res apud se nullum habet usum, eam ab his auferre, quibus usui est, haud æquum censent. Ceterum si res ita poscat, ut ejus aliquam partem alii populo mutuam daturi sint, tum demum poscunt: aut cum bellum gerendum est, quam in rem unam totum illum thesaurum, quem habent, domi servant, uti aut extremis in periculis, aut in subitis præsidio sit: potissimum quo milites externos (quos libentius, quam suos cives, obijciunt discrimini) immodico stipendio conducant, gnari multitudine pecuniæ hostes ipsos plerumque mercabiles & vel proditione, vel infestis etiam signis, inter se committi. Hanc ob causam inæstimabilem thesaurum servant; at non ut thesaurum tamen, sed ita habent, quomodo me narrare profecto deterret pudor, metuentem, ne fidem oratio non sit habitura: quod eo justius vereor, quo magis mihi sum conscius, nisi vidissem præsens, quam

quam ægre potuisssem ipse perducī, ut alteri idem recensenti crederem. Necesse est enim fere, quam quicquid est ab eorum, qui audiunt, moribus alienum, tam idem procul illis abesse a fide: quamquam prudens rerum æstimator minus fortasse mirabitur, cum reliqua eorum instituta tam longe ab nostris differant; si argenti quoque atque auri usus ad ipsorum potius, quam ad nostri moris rationem accommodetur. Nempe cum pecunia non utantur ipsi, sed in eum servant eventum, qui ut potest usu venire, ita fieri potest, ut nunquam incidat; interim aurum argentumque, unde ea fit, sic apud se habent, ut ab nullo pluris æstimetur, quam rerum ipsarum natura meretur; quæ quis non videt, quam longe infra ferrum sunt? ut sine quo non hercule magis, quam absque igni atque aqua vivere mortales queant, cum interim auro argentoque nullum usum, quo non facile careamus, natura tribuerit, nisi hominum stultitia pretium raritati fecisset: quin contra, velut parens indulgentissima, optima quæque in propatulo posuerit, ut aërem, aquam ac tellurem ipsam: longissime vero vana ac nihil profutura semoverit. Ergo hæc metalla, si apud eos in turrim aliquam abstru-

abstruderentur, Princeps ac Senatus in suspicionem venire posset (ut est vulgi stulta solertia) ne deluso per technam populo, ipsi aliquo inde commodò fruerentur: porro si phialas inde, aliaque id genus opera fabre excusa conficerent, si quando incidisset occasio, ut conflanda sint rursus atque in militum eroganda stipendium, vident nimirum fore, ut agre patiantur avelli, quæ semel in delitiis habere cœpissent. His rebus uti occurrant, excogitare quandam rationem, ut reliquis ipsorum institutis consentaneam, ita ab nostris (apud quos aurum tanti fit ac tam diligenter conditur) longissime abhorrentem, eoque nisi peritis non credibilem. Nam cum in fistilibus e terra vitroque elegantissimis quidem illis, sed vilibus tamen edant bibantque, ex auro atque argento non in communibus aulis modo, sed in privatis etiam domibus matel-las passim ac sordidissima quæque vasa conficiunt. Ad hæc catenas & crassas compedes, quibus coercant servos, iisdem ex metallis operantur. Postremo quoscunque aliquod crimen infames facit, ab horum auribus annuli dependent aurei, digitos aurum cingit, aurea torques ambit collum, & caput denique auro vincitur. Ita omnibus curant modis,
uti

uti apud se aurum argentumque in ignominia
sint: atque hoc pacto fit; ut hæc metalla
quæ ceteræ gentes non minus fere dolenter ac
viscera sua distrahi patiuntur, apud Vtopi-
enses, si semel omnia res postularet efferri, ne-
mo sibi iacturam unius fecisse asfis videretur.
Margaritas præterea legunt in littoribus, quin
in rupibus quibusdam adamantes ac pyropos
quoque: neque tamen quærent, sed oblatos
casu perpoliunt. His ornant infantulos, qui
ut primis pueritiæ annis, talibus ornamentis
gloriantur ac superbiunt, sic ubi plusculum
accrevit ætatis, cum animadvertunt, ejusmodi
nugis non, nisi pueros uti, nullo parentum
monitu, sed suomet ipsorum pudore depo-
nunt, non aliter ac nostri pueri, cum gran-
descunt nuces, bullas & pupas abjiciunt. Ita-
que hæc tam diversa ab reliquis gentibus in-
stituta quam diversas itidem animorum affe-
ctiones pariat, nunquam æque mihi atque in
Anemoliorum Legatis inclaruit. Venerunt
hi Amaurotum, dum ego aderam, & quoniam
magnis de rebus tractatum veniebant, adven-
tum eorum terni illi cives ex qualibet urbe
prævenerant: sed omnes finitimarum gen-
tium Legati, qui eo ante appulerant, quibus
Vtopiensium perspecti mores erant, apud
quos

quos sumtuoso vestitui nihil honoris haberi intelligebant, sericum contemptui esse, aurum etiam infame sciebant, cultu quam poterant modestissimo venire consueverant. At Anemolii, quod longius aberant ac minus cum illis commercii habuerant, cum accepissent, eodem omnes, eoque rudi corporis cultu esse, persuasi non habere eos, quo non utebantur, ipsi etiam superbi magis, quam sapientes, decreverunt, apparatus elegantia deos quosdam repræsentare & miserorum oculos Vtopiensium ornatus sui splendore præstringere. Itaque ingressi sunt Legati tres cum comitibus centum, omnes vestitu versicolori, plerique serico; Legati ipsi (nam domi nobiles erant) amictu aureo, magnis torquibus & inauribus aureis, ad hæc annulis aureis in manibus, monilibus insuper appensis in pileo, quæ margaritis ac gemmis affulgebant, omnibus postremo rebus ornati, quæ apud Vtopienses aut fervorum supplicia, aut infamium dedecora, aut puerorum nugamenta fuere. Itaque operæ pretium erat videre, quo pacto cristas erexerint, ubi suum ornatum cum Vtopiensium vestitu (nam in plateis sese populus effuderat) contulere: contraque non minus erat voluptatis, considerare, quam longe sua eos spes expecta-

expectatioque fefellerat, quamque longe a
ea existimatione aberant, quam se consecutu-
ros putaverant. Nempe Vtopiensium ocu-
lis omnium, exceptis perquam paucis, qui
alias gentes aliqua idonea de causa inviserant,
totus ille splendor apparatus pudendus vide-
batur & infimum quemque pro dominis re-
verenter salutantes, Legatos ipsos ex aurea-
rum usu catenarum pro servis habitos, sine
ullo prorsus honore prætermiserunt. Quin
pueros quoque vidisses, qui gemmas ac mar-
garitas abjecerant, ubi in Legatorum pileis
affixas conspexerunt, compellare matrem ac-
latus fodere: En mater! quam magnus ne-
bulo margaritis adhuc & gemmulis utitur, ac
si esset parvulus? At parens, serio etiam illa,
tace inquit fili! est opinor quispiam e morio-
nibus Legatorum: alii catenas illas aureas re-
prehendere, utpote nullius usus, quippe tam
graciles, ut eas facile servus infringere, tam
laxas rursus, uti cum fuerit libitum, possit
excutere, & solutus ac liber quovis aufugere.
Verum Legati postquam ibi unum atque al-
terum diem versati, tantam auri vim in tanta
vilirate conspexerunt, nec in minore contu-
melia, quam apud se honore habitam vidis-
sent, ad hæc in unius fugitivi servi catenas
compedesque

compedesque plus auri atque argenti congestum, quam totus ipsorum trium apparatus constiterat, subsidentibus pennis omnem illum cultum, quo sese tam arroganter extulerant, pudefacti, seposuerunt: maxime vero, postquam familiarius cum Vtopiensibus collocuti, mores eorum atque opiniones didicerunt. Mirantur illi siquidem, quemquam esse mortalium, quem exiguae gemmulae aut lapilli dubius oblectet fulgor, cui quidem stellam aliquam atque ipsum denique solem liceat intueri: aut quemquam tam insanum esse, ut nobilior ipse sibi ob tenuioris lanae, filum videatur, siquidem hanc ipsam (quantumvis tenui filo sit) ovis olim gestavit, nec aliud tamen interim, quam ovis fuit. Mirantur item aurum, suapte natura tam inutile, nunc ubique gentium aestimari tanti, ut homo ipse, per quem atque adeo in cuius usum id pretii obtinuit, minoris multo, quam aurum ipsum aestimetur, usque adeo, ut plumbeus quispiam, & cui non plus ingenii sit, quam stipti, nec minus etiam improbus, quam stultus, multos tamen & sapientes, & bonos viros in servitute habeat, ob id duntaxat, quod ei magnus contigit aureorum numismatum cumulus, quem si qua fortuna, aut aliqua legum
strophæ

strophæ (quæ nihil minus , ac fortuna ipsi summis ima permiscet) ab hero illo ad abjectissimum totius familiæ suæ nebulonem transtulerit , fit nimirum paullo post , ut ipsi famuli sui famulitium concedat , velut appendix additamentumque numismatum. Ceterum multo magis eorum mirantur ac detestantur insaniam , qui divitibus illis , quibus neque debent quicquam , neque sunt obnoxii nullo alio respectu , quam quod divites sunt honores tantum non divinos impendunt , idque cum eos tam sordidos atque avaros cognoscant , ut habeant certo certius ex tanto nummorum cumulo , viventibus illis , ne unum quidem nummulum unquam ad se venturum. Has atque hujusmodi opiniones partim ex educatione conceperunt , in ea educti Republica , cujus instituta longissime ab his stultitiæ generibus absunt , partim ex doctrina & literis. Nam & si haud multi cujusque urbis sunt , qui ceteris exonerari laboribus solæ disciplinæ deputantur , hi videlicet in quibus a pueritia egregiam indolem , eximium ingenium atque animum ad bonas artes propensumprehendere , tamen omnes pueri literis imbuuntur , & populi bona pars , viri & feminaeque per totam vitam horas illas , quas ab

ab operibus liberas esse diximus, in literis collocat. Disciplinas ipsorum lingua perdiscunt, est enim neque verborum inops, nec insuavis auditu, nec ulla fidelior animi interpret est, eadem fere (nisi quod ubique corruptior, alibi aliter) magnam ejus orbis plagam pervagatur. Ex omnibus his philosophis, quorum nomina sunt in hoc noto nobis orbe celebria, ante nostrum adventum ne fama quidem cujusquam eo pervenerat, & tamen in musica dialecticaque ac numerandi & metiendi scientia, eadem fere, quæ nostri illi veteres invenere: Ceterum ut antiquos omnibus prope rebus exæquat, ita nuperorum inventis dialecticorum longe sunt impares: nam ne ullam quidem regulam invenerunt earum, quas de restrictionibus, amplificationibus ac suppositionibus acutissime excogitatis, in parvis logicalibus passim hic ediscunt pueri. Porro secundas intentiones tam longe abest ut investigare suffecerint, ut nec hominem ipsum in communi, quem vocant, quamquam (ut scitis) plane colosseum & quovis Gigante majorem, tum a nobis præterea digito demonstratum, nemo tamen eorum videre potuerit. At sunt in Astrorum cursu & cælestium orbium motu peritisissimi. Quin

E

instru-

instrumenta quoque diversis figuris solerte excogitarunt, quibus solis ac lunæ & ceterorum item astrorum, quæ in ipsorum horizontis visuntur motiones ac situs, exactissime comprehensos habent. Ceterum amicitias atque errantium disfidia siderum ac totam denique illam ex astris divinandi imposturam non somniant quidem. Imbres, ventos ac ceteras tempestatum vicissitudines signis quibusdam longo perspectis usu præsentunt. Sed de causis earum rerum omnium & de fluxu maris ejusque falsitate & in summa de cæli mundi quæ origine ac natura, partim eadem, quæ veteres Philosophi nostri, disserunt, partim ut illi inter se disident, ita hi quoque, dum novas rerum rationes asserunt, ab omnibus illis dissentunt, nec inter se tamen usque quaque conveniunt. In ea philosophiæ parte quæ de moribus agitur, eadem illis disputantur, quæ nobis: de bonis animi quæerunt & corporis, & externis, tum utrum boni nomen omnibus his, an solis animi dotibus conveniat. De virtute disserunt ac voluptate, sed omnium prima est ac princeps controversia, quanam in re, una pluribusve, sitam hominis felicitatem putent. At hac in re propensiores æquo videntur in factionem, voluptatis asser-

asfertricem, ut quæ vel totam vel potissimam felicitatis humanæ partem definiant. Et quod magis mireris, ab religione quoque (quæ gravis & severa est, fereque tristis & rigida) petunt tamen sententiæ tam delicatæ patrocinium. Neque enim de felicitate disceptant unquam, quin principia quædam ex religione deprompta, cum Philosophia, quæ rationibus utitur, jungant, sine quibus ad veræ felicitatis investigationem, mancam atque imbecillam per se rationem putant. Ea principia sunt hujusmodi: Animam esse immortalem ac Dei beneficentia ad felicitatem natam; virtutibus ac benefactis nostris præmia post hanc vitam; flagitiis destinata supplicia. Hæc tametsi religionis sint, ratione tamen censeant ad ea credenda & concedenda perducere: quibus e medio sublatis, sine ulla cunctatione pronuntiant, neminem esse tam stupidum, qui non sentiat, petendam sibi per fas ac nefas voluptatem, hoc tantum caveret, ne minor voluptas obstet majori, aut eam persequatur, quam invicem retaliat dolor. Nam virtutem asperam ac difficilem sequi ac non abigere modo sœvitatem vitæ, sed dolorem etiam sponte perpeti, cujus nullum expectes fructum (quis enim potest esse fructus, si post

mortem nihil assequeris, cum hanc vitam totam insuaviter, hoc est misere, traduxeris) id vero dementissimum ferunt. Nunc vero non in omni voluptate felicitatem, sed in bona atque honesta sitam putant. Ad eam enim velut ad summum bonum, naturam nostram ab ipsa virtute pertrahi, cui sola adversa factio felicitatem tribuit. Nempe virtutem definiunt secundum naturam vivere, ad id siquidem a Deo institutos esse nos. Eum vero naturæ ductum sequi, quisquis in appetendis fugiendisque rebus obtemperat rationi. Rationem porro mortales primum omnium in amorem ac venerationem divinæ majestatis incendere, cui debemus & quod sumus & quod compotes esse felicitatis possumus, secundum id commonet atque excitat nos, ut vitam, quam licet minime anxiam ac maxime lætam ducamus ipsi, ceterisque omnibus ad idem obtinendum adiutores nos pro naturæ societate præbeamus. Neque enim quisquam unquam fuit tam tristis ac rigidus aspectu virtutis & osor voluptatis, qui ita labores, vigilias & squalores indicat tibi, ut non idem aliorum inopiam atque incommoda levare te pro tua virili jubeat, & id laudandum humanitatis nomine censeat, hominem homini salutem

saluti ac solatio esse si humanum est, maxime
(qua virtute nulla est homini magis propria)
aliorum mitigare molestiam &, sublata tri-
stitia, vitæ jucunditati, hoc est, voluptati
reddere; quidni natura quemque instiget,
ut sibimet idem præstet? Nam aut mala est
vita jucunda, id est, voluptaria, quod si est,
non solum neminem ad eam debes adjuvare,
sed omnibus, utpote noxiam ac mortiferam,
quantum potes, adimere, aut si conciliare
aliis eam, ut bonam, non licet modo, sed etiam
debes, cur non tibi in primis ipsi? cui non
minus propitium esse te, quam aliis decet:
Neque enim cum te natura moneat, uti in
alios bonus sis, eadem te rursus jubet, in te
met sævum atque inclementem esse. Vitam
ergo jucundam inquirunt, id est, voluptatem,
tamquam operationum omnium finem, ipsa
nobis natura præscribit, ex cujus præscripto
vivere, virtutem definiunt. At cum natura
mortales invitet ad hilarioris vitæ mutuum
subsidium, (quod sane merito facit, neque
enim tam supra generis humani sortem quis-
quam est, ut solus naturæ curæ sit, quæ uni-
versos ex æquo fovet, quos ejusdem formæ
communionem complectitur) eadem te nimi-
rum jubet etiam atque etiam observare, ne sic

tuis commodis obsecundes, ut aliorum procures incommoda. Servanda igitur censent non inita solum inter privatos pacta, sed publicas etiam leges, quas aut bonus Princeps iuste promulgavit, aut populus nec oppressus tyrannide, nec dolo circumscriptus, de partiendo vitæ commodis, hoc est materia voluptatis, communi consensu sanxit. His inoffensis legibus tuum curare commodum, prudentiæ est; publicum præterea, pietatis: sed alienam voluptatem præreptum ire, dum consequare tuam, ea vero injuria est; contra tibi aliquid ipsi demere, quod addas aliis, id demum est humanitatis ac benignitatis officium; quod ipsum nunquam tantum aufert commodi, quantum referi: nam & beneficiorum vicissitudine pensatur, & ipsa benefacti conscientia, ac recordatio charitatis eorum & benevolentiae, quibus benefeceris, plus voluptatis affert animo, quam fuisset illa corporis, qua abstinuisti. Postremo (quod facile persuadet animo libenter assentienti religio) brevis & exiguae voluptatis vicem ingenti ac nunquam interituro gaudio rependit Deus. Itaque hoc pacto censent, & excusla sedulo & perpenſa re omnes actiones nostras, atque in his virtutes etiam ipsas, voluptatem tandem

tandem velut finem felicitatemque respicere. Voluptatem appellant omnem corporis animive motum statumque, in quo versari natura duce delectet. Appetitionem naturæ non temere addunt. Nam ut quicquid natura jucundum est, ad quod neque per injuriam tenditur, nec jucundius aliud amittitur, nec labor succedit, non sensus modo, sed recta quoque ratio persequitur, ita quæ præter naturam dulcia sibi mortales vanissima conspiratione confingunt (tamquam in ipsis esset, perinde res ac vocabula commutare) ea omnia statuunt adeo nihil ad felicitatem facere ut plurimum officiant etiam, vel eo quod quibus semel infederunt, ne veris ac genuinis oblectamentis usquam vacet locus, totum prorsus animum falsa voluptatis opinione præoccupant. Sunt enim perquam multa, quæ cum suapte natura nihil contineant suavitatis, immo bona pars amaritudinis etiam plurimum, perversa tamen improbarum cupiditatum illecebra, non pro summis tantum voluptatibus habeantur, verum etiam inter præcipuas vitæ causas numerentur. In hoc adulterinæ voluptatis genere eos collocant, quos ante memoravi, qui quo meliorem togam habent, eo sibi meliores ipsi videntur, quæ una

in re bis errant. Neque enim minus falsi sunt, quod meliorem putant togam suam, quam quod se. Cur enim si vestis usum spectes, tenuioris fili lana præstat crassiori? at illi tamen tamquam natura, non errore præcellerent, attollunt cristas & sibi met quoque pretii credunt inde non nihil accedere: eoque honorem, quem vilius vestiti sperare non essent ausi, elegantiori togæ velut suo jure exigunt &, prætermisisti, negligentius indignantur. At hoc ipsum quoque vanis & nihil profuturis honoribus affici, annon ejusdem inscitie est? Nam quid naturalis & veræ voluptatis affert nudatus alterius vertex, aut curvati poplites? hocce tuorum poplitum dolori medebitur? aut tui capitis phrenesim levabit? In hac fucata voluptatis imagine, mirum quam svaviter insaniunt ii, qui nobilitatis opinione sibi blandiuntur ac plaudunt, quod ejusmodi majoribus nasci contigerit, quorum longa series dives (neque enim nunc aliud est nobilitas) habita sit, præsertim in prædiis: nec pilo quidem minus sibi nobiles videntur, etiamsi majores nihil inde reliquerint, aut relictum ipsi abligurierint. His annumerant eos, qui gemmis ac lapillis (ut dixi) capiuntur, ac dii quodammodo sibi videntur facti, si
quando

quando eximium aliquem consequantur, ejus præsertim generis, quod sua tempestate maximo apud suos æstimeretur; neque enim apud omnes, neque omni tempore eadem genera sunt in pretio: sed nec nisi exemtum auro ac nudum comparant: immo ne sic quidem, nisi adjurato venditore & præstante cautionem, veram gemmam ac lapidem verum esse, tam solliciti sunt, ne oculis eorum veri loco adulterinus imponat. At spectaturo tibi cur minus præbeat oblectamenti fictitius, quem tuus oculus non discernit a vero? Vterque ex æquo valere debet tibi; non minus hercle, quam cæco. Quid hi, qui superfluas opes adservat, non ut ullo acervi usu, sed sola contemplatione delectentur, num veram percipiunt, an falsa potius voluptate luduntur? aut hi, qui diverso vitio aurum, quo nunquam sint usuri, fortasse nec usuri amplius, abscondunt & solliciti ne perdant, perdunt? Quid enim aliud est, usibus dentum tuis, & omnium fortasse mortalium telluri reddere? & tu tamen abstruso thesauro, velut animi jam securus, lætitia gestis. Quem si quis furto sustulerit, cujus tu ignarus furti, decem post annis obieris, toto illo decennio, quo subtractæ pecuniæ superfuisti, quid tua retulit,

surreptum an saluum fuisse? utroque certe modo tantundem usus ad te pervenit. Ad has tam ineptas lætities, aleatores, (quorum infaniam auditu, non usu cognovere) venatores præterea atque aucupes adjungunt. Nam quid habet, inquirunt, voluptatis, talos in alveum projicere, quod toties fecisti, ut si quid voluptatis inesset, oriri tamen potuisset ex frequenti usu satietas? aut quæ suavitas esse potest, ac non fastidium potius, in audiendo latratu atque ululatu canum? aut qui major voluptatis sensus est, cum leporem canis insequitur, quam cum canis canem? nempe idem utrobique agitur, accurritur enim, si te cursus oblectet: at si te cædis spes & laniatus expectatio sub oculis peragendi retinet, misericordiam potius movere debet spectare lepusculum a cane, imbecillum a validiore, fugacem ac timidum a feroce, innoxium denique a crudeli discerptum. Itaque Vtopienses totum hoc venandi exercitium ut rem liberis indignam, in lanios (quam artem per servos obire eos supra diximus) rejecerunt, infimam enim ejus partem esse venationem statuunt, reliquas ejus partes & utiliores & honestiores, ut quæ & multo magis conferant, & animalia necessitatis duntaxat gratia perimat,

perimat, cum venator ab miseri animalculi cæde ac laniatu nihil, nisi voluptatem, petat. Quam spectandæ necis libidinem in ipsis etiam beltiis, aut ab animi crudelis affectu censent exoriri, aut in crudelitatem denique, assiduo tam efferæ voluptatis usu, defluere. Hæc igitur & quicquid est ejusmodi, (sunt enim innumera) quamquam pro voluptatibus mortalium vulgus habeat, illi tamen, cum natura nihil insit svave, plane statuunt, cum vera voluptate nihil habere commercii. Nam quod vulgo sensum jucunditate perfundunt, (quod voluptatis opus videtur) nihil de sententia decedunt: non enim ipsius rei natura, sed ipsorum perversa consuetudo in causa est, cujus vitio fit, ut amara pro dulcibus amplectantur: non aliter ac mulieres gravidæ picem & sebum, corrupto gustu, melle melitius arbitrantur. Nec cujusquam tamen aut morbo, aut consuetudine depravatum judicium mutare naturam, ut non aliarum rerum, ita nec voluptatis potest. Voluptatum, quas veras fatentur, species diversas faciunt. Siquidem alias animo, corpori alias tribuunt. Animo dant intellectum eamque dulcedinem, quam veri contemplatio peperit. Ad hæc svavis additur bene actæ vitæ memoria,

E 6

moria, & spes non dubia futuri boni. Corporis voluptatem in duas partiuntur formas, quarum prima sit ea, quæ sensum perspicua suavitate perfundit, quod alias earum instauratione partium fit, quas insitus nobis calor exhausterit; nam hæc cibo potuque redduntur: alias dum egeruntur illa, quorum copia corpus exuberat, hæc suggeritur, dum excrementis intestina purgamus, aut opera liberis datur, aut ullius prurigo partis frictu scalpæ lenitur. Interdum vero voluptas oritur, nec redditura quicquam, quod membra nostra desiderant, nec ademptura, quo laborent: ceterum quæ sensus nostros tamen vi quadam occulta, sed illustri motu titillet afficiatque & in se convertat, qualis ex musica nascitur. Alteram corporeæ voluptatis formam eam volunt esse, quæ in quieto atque æquabili corporis statu consistat, id est, nimirum sua cujusque nullo interpellata malo sanitas. Hæc siquidem, si nihil eam doloris oppugnet, per seipsa delectat, etiamsi nulla extrinsecus adhibita voluptate moveatur. Quamquam enim sese minus effert, minusque offert sensui, quam tumida illa edendi bibendique libido, nihilo tamen secius multi eam statuunt voluptatem maximam, omnes fere Vtopienses

Vtopienſes magnam & velut fundamentum omnium ac baſim fatentur, ut quæ vel ſola placidam & optabilem vitæ conditionem reddat &, quæ ſublata, nullus uſquam reliquus ſit cuiquam voluptati locus: nam dolore prorſus vacare, niſi adſit ſanitas, ſtuporem certe, non voluptatem vocant. Iamdudum exploſum eſt apud eos decretum illorum, qui ſtabilem & tranqvillam ſanitatem (nam hæc quoque quæſtio gnaviter apud eos agitata eſt) ideo non habendam pro voluptate cenſebant, quod præſentem non poſſe dicerent, niſi motu quopiam extraneo ſentiri. Verum contra nunc in hoc prope univerſi conſpirant, ſanitatem vel in priinis voluptati eſſe. Etenim cum in morbo, inqvunt, dolor ſit, qui voluptati implacabilis hoſtis eſt, non aliter ac à ſanitati morbus, quidni viciffim inſit ſanitatis tranqvillitati voluptas? nihil enim ad hanc rem referre putant, ſeu morbus dolor eſſe, ſeu morbo dolor ineſſe dicatur: tantundem nim utroque modo effici. Qvippe ſi ſanitas ut voluptas ipſa ſit, aut neceſſario voluptatum pariat, velut calor igni gignitur: nimirum utrobique efficitur, ut quibus immotabilitas adeſt, his voluptas abeſſe non poſſit. præterea dum veſcimur, inqvunt, quid aliud,

quam sanitas, quæ labefactari cœperat, adversus esuriem oibo commilitone depugnat, in qua dum paullatim invalescit, ille ipse profectus ad solitum vigorem, suggerit illam, qua sic reficimur, voluptatem. Sanitas ergo, quæ in conflictu lætatur, eadem non gaudebit adepta victoriam? sed pristinum robur, quod solum toto conflictu petiverat, tandem feliciter assecuta, protinus obstupescet? nec bona sua cognoscat atque amplexabitur? Nam quod non sentiri sanitas dicta est, id vero perquam procul a vero putant. Quis enim vigilans, inquirunt, sanum esse se non sentit, nisi, qui non est? quemne tantus aut stupor, aut lethargus adstringit, ut sanitatem non jucundam sibi fateatur ac delectabilem? At delectatio quid aliud, quam alio nomine voluptas est? Amplectuntur ergo in primis animi voluptates, (cas enim primas omnium principesque ducunt) quarum potissimam partem censent ab exercitio virtutum bonæque vitæ conscientia proficisci. Earum voluptatum, quas corpus suggerit, palmam sanitati deferunt: nam edendi bibendique fravitem, & quicquid eandem oblectamenti rationem habet, appetenda quidem, sed non nisi sanitatis gratia, statuunt. Neque enim per

per se jucunda esse talia, sed quatenus adversæ valetudini clanculum surreptenti resistunt: ideoque sapienti sicuti magis deprecandos morbos, quam optandam medicinam, & dolores profligandos potius, quam adsciscenda solatia, ita hoc quoque voluptatis genere non egere, quam deliniri præstiterit. Quo voluptatis genere si quisquam se beatum putet, is necesse est, fateatur, se tum demum fore felicissimum, si ea vita contigerit, quæ in perpetua fame, siti, pruritu, esu, potatione, scalpitu frictuque traducatur, quæ quam non fœda solum, sed misera etiam sit, quis non videt? Infimæ profecto omnium hæ voluptates sunt, ut minime sinceræ, neque enim unquam subeunt, nisi contrariis conjunctæ doloribus; nempe cum edendi voluptate copulatur esuries, idque non satis æqua lege: nam ut vehementior, ita longior quoque dolor est; quippe & ante voluptatem nascitur, & nisi voluptate una commovente non exstingvitur. Hujusmodi ergo voluptates, nisi quatenus expetit necessitas, haud magni habendas putant. Gaudent tamen etiam his gratique agnoscunt naturæ parentis indulgentiam, quæ fœtus suos ad id, quod necessitatis causa tam assidue faciundum erat,

erat, etiam blandissima suavitate pelliciat. Quanto enim in tædio vivendum erat, si ut ceteræ ægritudines, quæ nos infestant rarius, ita hi quoque quotidiani famis ac sitis morbi, venenis ac pharmacis amaris essent abigendi? At formam, vires, agilitatem, hæc ut propria jucundaque naturæ dona libenter foveant. Quin eas quoque voluptates, quæ per aures, oculos ac nares admittuntur, quas natura proprias ac peculiare esse homini voluit (neque enim aliud animantium genus, aut mundi formam pulchritudinemque suscipit, aut odorum, nisi ad cibi discrimen, ulla commovetur gratia, neque consonas inter se discordesque sonorum distantias internoscit) & has, inquam, ut jucunda quædam vitæ condimenta persequuntur. In omnibus autem hunc habent modum, ne majorem minor impediatur, neu dolorem aliquando voluptas pariat, quod necessario sequi censent, si inhonesta sit. At certe formæ decus contemnere, vires deterere, agilitatem in pigritiam vertere, corpus exhaustire jejuniis, sanitati injuriam facere & cetera naturæ blandimenta respuere, nisi quis hæc sua commoda negligat, dum aliorum publicamve ardentius procurat, cujus laboris vice, majorem
a Deo

a Deo voluptatem expectet, alioquin ob inanem virtutis umbram, nullius bono semet affligere, vel quo adversa ferre minus moleste possit, nunquam fortasse ventura, hoc vero putant esse dementissimum animique, & in se crudelis, & erga naturam ingratissimi, cui tamquam debere quicquam dedignetur, omnibus ejus beneficiis renuntiat. Hæc est eorum de virtute ac voluptate sententia: qua, nisi sanctius aliquid inspiret homini cœlitus immisssa religio, nullam investigari credunt humana ratione veriore. Qua in re recte ne an fecus sentiant, excutere nos neque tempus patitur, neque necesse est: quippe qui narranda eorum instituta, non etiam tuenda suscepimus. Ceterum hoc mihi certe persvadeo, utut sese habeant hæc decreta, nusquam neque præstantiorem populum, neque feliciorem esse Rempublicam. Corpore sunt agili vegetoque, virium amplius, quam statura promittat, nec ea tamen improcera. Et cum neque solo sint usquequaque fertili, nec admodum salubri cœlo, adversus aërem, ita sese temperantia victus muniunt, terræ sic medentur industria, ut nusquam gentium sit frugis pecorisque proventus uberior, aut hominum vivaciora corpora paucioribusque morbis

morbis obnoxia. Itaque non ea modo, quæ vulgo faciunt agricolæ, diligenter ibi administrata conspicias, ut terram natura maligniorem arte atque opera juvent, sed populi manibus alibi radicitus evulsam silvam, alibi consitam videas.

Qua in re habita est non ubertatis, sed vecturæ ratio, ut essent ligna aut mari, aut fluviis, aut urbibus ipsis viciniore: minore enim cum labore terrestri itinere fruges, quam ligna, longius afferuntur.

Gens facilis ac faceta, solers, otio gaudens, corporis laborum (cum est usus) fatis patiens.

Ceterum alias haudquaquam sane appetens, animi studiis infatigata.

Qui cum a nobis accepissent de literis & disciplina Græcorum (nam in Latinis, præter historias ac poëtas, nihil erat, quod videbantur magnopere probaturi) mirum quanto studio contenderunt, ut eas liceret ipsis nostra interpretatione perdiscere.

Cœpimus ergo legere, magis adeo primum, ne recusare laborem videremur, quam quod fructum ejus aliquem speraremus: at ubi paululum processimus, ipsorum diligentia fecit, ut nostram haud frustra impendendam animo statim præciperemus. Siquidem literarum formas tam facile imitari, verba tam expedite pronuntiare,

tam

tam celeriter mandare memoriæ & tanta cum fide reddere cœperunt, ut nobis miraculi esset loco, nisi quod pleraque pars eorum, qui non sua solum sponte accensi, verum Senatus quoque decreto jussi, ista sibi discenda sumserunt: e numero scholasticorum selectissimis ingeniis, & matura ætate fuerunt. Itaque minus, quam triennio, nihil erat in lingua, quod requirerent; bonos auctores, nisi obstitent libri menda, inoffense perlegerent. Eas literas, ut equidem conjicio, ob id quoque facilius arripuerunt, quod nonnihil illis essent cognatæ. Suspikor enim, eam gentem a Græcis originem duxisse, propterea, quod sermo illorum, cetera fere Persicus, nonnulla Græci sermonis vestigia servet in urbium ac magistratuum vocabulis. Habent ex me (nam librorum sarcinam mediocrem, loco mercium quarto, navigaturus in navem conjeci, quod mecum plane decreveram, nunquam potius redire, quam cito) Platonis opera pleraque Aristotelis plura, Theophrastum item de plantis, sed pluribus, quod doleo, in locis mutilum. In librum enim, dum navigabamus, negligentius habitum, cercopithecus inciderat, qui lasciviens ac ludibundus, paginas aliquot hinc atque inde evulsas laceravit.

ravit. Ex his qui scripsere grammaticam, Lascarem habent tantum, Theodorum enim non advexi mecum, nec dictionarium aliquem præter Hesychium ac Dioscoridem. Plutarchi libellos habent charissimos, & Luciani quoque facetiis ac lepore capiuntur. Ex Poëtis habent Aristophanem, Homerum atque Euripidem, tum Sophoclem minusculis Aldi formulis. Ex Historicis Thucydidem atque Herodotum, necnon Herodianum. Quin in re medica quoque sodalis meus Tri-
cius Apinatus advexerat secum parva quædam Hippocratis opuscula ac Microtechnen Galeni, quos libros magno in pretio habent: siquidem, etsi omnium fere gentium re medica minime egent, nusquam tamen in majore honore est, vel eo ipso, quod ejus cognitionem numerant inter pulcherrimas atque utilissimas partes philosophiæ, cujus ope philosophiæ, dum naturæ secreta scrutantur, videntur sibi non solum admirabilem inde voluptatem percipere, sed apud auctorem quoque ejus atque opificem summam inire gratiam: quem ceterorum more artificum, arbitrantur, mundi hujus visendam machinam homini (quem solum tantæ rei capacem fecit) exposuisse spectandam, eoque chariorem habere curiosum ac sollici-

sollicitum inspectorem, operisque sui admiratorem, quam eum, qui velut animal, expers mentis, tantum ac tam mirabile spectaculum stupidus immotusque neglexerit. Vtopienfium itaque exercitata literis ingenia mire valent ad inventiones artium, quæ faciant aliquid ad commodæ vitæ compendia. Sed duas tamen debent nobis, Chalcographorum & faciendæ chartæ; nec solis tamen nobis, sed sibi quoque bonam ejus partem: nam cum ostenderemus eis libris chartaceis impressas ab Aldo literas & de chartæ faciendæ materia ac literas imprimendi facultate loqueremur aliquid magis, quam explicaremus (neque enim quisquam erat nostrum, qui alterutram calleret) ipsi statim acutissime conjecerunt rem & cum ante pelligibus, corticibus, ac papyro tantum scriberent, jam chartam illico facere & literas imprimere tentarunt: quæ cum primo non satis procederent, eadem sæpius experiendo, brevi sunt utrumque consecuti, tantumque effecerunt, ut si essent Græcorum exemplaria librorum, codices deesse non possent. At nunc nihil habent amplius, quam a me commemoratum est, id vero, quod habent impressis jam libris, in multa exemplariorum millia propagavere.

Quisquis

Quisquis eo spectandi gratia venerit, quem insignis aliqua dos ingenii, aut longa peregrinatione usum multarum cognitio terrarum commendet (quo nomine gratus fuit noster appulsus) pronis animis excipitur: quippe libenter audiunt, quid ubique terrarum generatur. Ceterum mercandi gratia non admodum frequenter appellitur. Quid enim ferrent, nisi aut ferrum, aut quod quisque referre mallet, aurum argentumve? Tum quæ ex ipsis exportanda sint, ea consultius putant ab se efferri, quam ab aliis illinc peti, quo & exteras undique gentes explorationes habeant, neque maritimarum rerum usum ac peritiam oblitum eant.

DE SERVIS.

Pro servis neque bello captos habent, nisi ab ipsis gesto, neque fervorum filios, neque denique quemquam, quem apud alias gentes servientem possent comparare, sed aut si cujus apud se flagitium in servitium vertitur, aut quos apud exteras urbes (quod genus multo frequentius est) admissum facinus destinavit supplicio. Eorum enim multos, interdum æstimatos vili, sæpius etiam gratis impetratos, auferunt.

Hæc

Hæc fervorum genera non in opere solum perpetuo, verum etiam in vinculis habent, sed suos durius, quos eo deploratiores ac deteriora meritos exempla censent, quod tam præclara educatione ad virtutem egregie instructi, contineri tamen ab scelere non potuerint. Aliud fervorum genus est, cum alterius populi mediastinus quispiam laboriosus ac pauper elegerit apud eos sua sponte servire. Hos honeste tractant ac nisi, quod laboris, utpote consuetis, imponitur plusculum, non multo minus clementer ac cives habent, volentem discedere (quod non sæpe fit) neque retinent invitum, neque inanem dimittunt. Ægrotantes, ut dixi, magno cum affectu curant nihilque prorsus omittunt, quo sanitati eos vel medicinæ, vel victus observatio, ne restituant. Quin insanabili morbo laborantes, assidendo, colloquendo, adhibendo demum, quæ possunt levamenta, solantur. Ceterum si non immedicabilis modo morbus sit, verum etiam perpetuo vexet atque discruciet, tum Sacerdotes ac Magistratus hortantur hominem, quandoquidem omnibus vitæ muniis impar, aliis molestus ac sibi gravis morti jam suæ supervivat, ne secum statuatur pestem diutius ac luem alere, neve cum
tormen-

tortum ei vita fit, mori dubitet, quin bona spe fretus, acerba illa vita velut carcere atque equaleo vel ipse semet eximat, vel ab aliis eripi se sua voluntate patiat, hoc illum, cum non commoda, sed supplicium abrupturus morte fit, prudenter facturum; quoniam vero sacerdotum in ea re consiliis, id est, interpretum Dei, sit obsecuturus, etiam pie sancteque facturum. Hæc quibus persuaserint, aut inedia sponte vitam finiunt, aut sopiti sine mortis sensu solvuntur: invitum vero neminem tollunt, nec officii erga eum quicquam imminuunt, persuasi, hoc pacto defungi honorificum. Alioqui mortem sibi consciverit, causa non probata Sacerdotibus & Senatui, hunc neque terra, neque igne, dignantur, sed in paludem aliquam turpiter insculta abicitur. Fœmina non ante annum duodevicesimum nubet; mas non nisi expletis quatuor etiam amplius. Ante conjugium mas aut fœmina si vincatur furivæ libidinis, graviter in eum eamve animadvertitur, conjugioque illis in totum interdicitur, nisi venia Principis noxam remiserit: sed & pater & materfamilias, cuius in domo admiscum flagitium est, tamquam suas partes parum diligenter tutati, magnæ ob-
jacent

jacent infamiæ. Id facinus ideo tam severe vindicant, quod futurum prospiciunt, ut rari in conjugalem amorem coalescerent, in quo ætatem omnem cum una videant exigendam & perferendas insuper, quas ea res affert, molestias, nisi a vago concubitu diligenter arceantur. Porro in deligendis conjugibus, ineptissimum ritum (uti nobis visum est) apprimeque ridiculum, illi serio ac severe observant. Mulierem enim, seu virgo, seu vidua sit, gravis & honesta matrona proco nudam exhibet, ac probus aliquis vir vicissim nudum puellæ procum fistit. Hunc morem, cum velut ineptum ridentes improbaremus, illi contra ceterarum omnium gentium insignem demirari stultitiam, qui cum in equulo comparando, ubi de paucis agitur nummis, tam cauti sint, ut quamvis fere nudum, nisi detracta sella tamen omnibusque revulsis ephippiis recusent emere, ne sub illis operculis ulcus aliquod delitesceret; in deligenda conjuge, qua ex re aut voluptas, aut nausea sit totam per vitam comitatura, tam negligenter agant, ut reliquo corpore vestibus obvoluto, totam mulierem vix ab unius palmæ spatio (nihil enim præter vultum visitur) æstiment adjungantque, sibi

F

non

non absque magno (si quid offendat, postea) male cohærendi periculo. Nam neque omnes tam sapientes sunt, ut solos mores respiciant & in ipsorum quoque sapientum conjugiiis, ad animi virtutes nonnihil additamenti corporis etiam dotes adjiciunt. Certe tam fœda deformitas latere sub illis potest involucris, ut alienare prorsus animum ab uxore queat, cum corpore jam sejungi non liceat. Qualis deformitas, si quo casu contingat post contractas nuptias, suam quisque fortem necesse ferat: ante vero, ne quis capiatur insidiis, legibus caveri debet. Idque tanto majore studio fuit curandum, quod, & soli illarum orbis plagarum singulis sunt contenti conjugibus, & matrimonium ibi haud sæpe aliter, quam morte, solvitur, nisi adulterium in causa fuerit, aut morum non ferenda molestia. Nempe alterutri sic offenso, facta ab Senatu conjugis mutandi venia, alter infamem simul ac cœlibem perpetuo vitam ducit. Alioquin invitam conjugem, cujus nulla sit noxa, repudiare, quod corporis obtigerit calamitas, id vero nullo pacto ferunt, nam & crudele judicant, tum quemquam deferi, cum maxime eget solatio, & senectuti, cum & morbos afferat, & morbus ipsa sit, incertam

incertam atque infirmam fidem fore. Ceterum accidit interdum, ut cum non fatis inter se conjugum conveniant mores, repertis utrique aliis, quibuscum sperent, se suavius esse victuros, amborum sponte separati, nova matrimonia contrahant, haud absque Senatus auctoritate tamen, qui, nisi causa per se atque uxores suas diligenter cognita, divortia non admittit. Immo ne sic quidem facile, quod rem minime utilem sciunt firmandæ conjugum charitati, facilem novarum nuptiarum spem esse propositam. Temeratores conjugii gravissima servitute plectuntur, & si neuter erat cœlebs, injuriam passi (velint modo) repudiatis adulteris, conjugio inter se ipsi junguntur, alioquin quibus videbitur. At si læsorum alteruter erga tam male merentem conjugem in amore persistat, tamen uti conjugii lege non prohibetur, si velit in opera damnatum sequi: acciditque interdum, ut alterius pœnitentia, alterius officiosa sedulitas, miserationem commovens Principi, libertatem rursus impetret; ceterum ad scelus jam relapso nex infligitur. Ceteris facinoribus nullam certam pœnam lex illa præstituit, sed ut quodque atrox, aut contra visum est, ita supplicium Senatus de-

cernit. Vxores mariti castigant & parentes liberos; nisi quid tam ingens admiserint, ut id publice puniri morum intersit. Sed fere gravissima quæque scelera servitutis incommodo puniuntur, id siquidem & sceleratis non minus triste, & Reipublicæ magis commodum arbitrantur, quam si mactare noxios & protinus amoliri festinent: nam & labore, quam nece, magis profunt & exemplo diutius alios ab simili flagitio deterrent. Quod si sic habiti rebellent atque recalcitrent, tum demum velut indomitæ belluæ, quas coercere carcer & catena non potest, trucidantur. At patientibus non adimitur omnis omnino spes, quippe longis domiti malis, si eam pœnitentiam præ se ferant, quæ peccatum testetur magis eis displicere, quam pœnam. Principis interdum prærogativa, interdum suffragiis populi, aut mitigatur servitus, aut remittitur. Sollicitas se ad stuprum, nihilo minus, quam stuprasse, periculi est. In omni siquidem flagitio certum destinatumque conatum æquant facto: neque enim id, quod defuit ei, putant prodesse debere, per quem non stetit, quo minus nihil defuerit. Moriones in deliciis habentur, quos ut affecisse contumelia magno in probro est, ita voluptatem

tem ab stultitia capere non vetant: siquidem id morionibus ipsis maximo esse bono censent, cujus qui tam severus ac tristis est, ut nullum neque factum neque dictum rideat, ei tutandum non credunt, veriti, ne non satis indulgenter curetur ab eo, cui non modo nulli usui, sed ne oblectamento quidem (qua sola dote valent) futurus esset. Irridere deformem aut mutilum, turpe ac deforme non ei, qui ridetur, habetur, sed irrisori, qui cuiquam, quod in ejus potestate non erat, ut fugeret, id vitii loco stulte exprobet. Vt enim formam naturalem non tueri segnis atque inertis ducunt, sic, adjumentum ab fucis quærere, infamis apud illos insolentia est. Vsu enim ipso sentiunt, quam non ullum formæ decus uxores æque ac morum probitas & reverentia commendet maritis: nam ut forma nonnulli sola capiuntur, ita nemo, nisi virtute atque obsequio, retinetur. Non pœnis tantum deterrent a flagitiis, sed propositis quoque honoribus ad virtutes invitant, ideoque statuas viris insignibus & de Republica præclare meritis in foro collocant in rerum bene gestarum memoriam: simul ut ipsorum posteris, majorum suorum gloria calcar & incitamentum ad virtutem fit.

Qui Magistratum ullum ambierit, expes omnium redditur. Convivunt amabiliter, quippe nec Magistratus ullus insolens aut terribilis est: patres appellantur & exhibent: iisdem defertur, ut debet, ab volentibus honor, non ab invitis exigitur. Ne Principem quidem ipsum vestis aut diadema, sed gestatus frumenti manipulus discernit, ut Pontificis insigne est prælatus cereus. Leges habent perquam paucas: sufficiunt enim sic institutis paucissimæ. Quin hoc in primis apud alios improbant populos, quod legum interpretumque volumina tantum non infinita non sufficiunt: ipsi vero censent iniquissimum, illos homines his obligari legibus, quæ aut numerosiores sint, quam ut perlegi queant, aut obscuriores, quam ut a quovis possint intelligi. Porro causidicos, qui causas tractent callide ac leges vafre disputent, prorsus omnes excludunt: censent enim ex usu esse, ut suam quisque causam agat, eademque referat judici, quæ narraturus patrono fuerat: sic & minus ambagum fore, & facilius elici veritatem, dum eo dicente, quem nullus patronus fucum docuit, iudex solerter expendit singula & contra versutorum calumnias simplicioribus ingeniis opitulatur. Hæc apud
alias

alias gentes in tanto perplexissimarum acervo legum difficile est observari. Ceterum apud eos unusquisque est legis peritus. Nam & sunt (ut dixi) paucissimæ, & interpretatorum præterea, ut quæque est maxime crassa, ita maxime æquam censent. Nempe cum omnes leges (inquiunt) ea tantum causa promulgentur, ut ab his quisque sui commonefiat officii, subtilior interpretatio paucissimos admonet (pauci enim sunt, qui assequantur) cum interim simplicior ac magis obvius legum sensus omnibus in aperto sit; alioquin, quod ad vulgus attinet, cujus & maximus est numerus, & maxime eget admonitu, quid referat, utrum legem omnino non condas, an conditam in talem interpreteris sententiam, quam nisi magno ingenio & longa disputatione nemo possit eruere, ad quam investigandam neque crassum vulgi iudicium queat attingere, neque vita in comparando victu occupata sufficere? His eorum virtutibus incitati finitimi, qui quidem liberi sunt & suæ spontis (multos enim ipsi jam olim tyrannide liberaverunt) Magistratus sibi, ab illis alii quotannis, alii in lustrum impetrant, quos defunctos imperio cum honore ac laude reducunt novosque secum

F 4

rursus

rursus in patriam revehunt. Atque hi quidem populi optime profecto ac saluberrime Reipublicæ suæ consulunt, cujus & salus & perniciēs, cum ab moribus Magistratum pendeat, quosnam potuissent elegisse prudentius, quam qui neque ullo pretio queant ab honesto deduci, utpote quod brevi remigraturis sit inutile, aut ignoti civibus pravo cuiusquam studio aut similitate flecti. Quæ duo mala, affectus atque avaritiæ, sicubi incubuere iudiciis, illico iustitiam omnem fortissimum Reipublicæ nervum dissolvunt. Hos Vtopiani populos, quibus qui imperent, ab ipsis petuntur, appellant socios; ceteros quos beneficiis auxerunt, amicos vocant. Fœdera, quæ reliquæ inter se gentes toties ineunt, frangunt ac renovant; ipsi nulla cum gente feriunt. Quorsum enim fœdus, inquirunt, quasi non hominem homini satis natura conciliet, quam qui contemserit, hunc verba scilicet putes curaturum? In hanc sententiam eo vel maxime trahuntur, quod in illis terrarum plagis, fœdera pactaque Principum solent parum bona fide servari. Etenim in Europa, idque his potissimum partibus, quas Christi fides & religio possidet, sancta est & inviolabilis ubique maiestas fœderum, partim ipsa
iustitia

justitia & bonitate Principum, partim sum-
morum reverentia metuque Pontificum, qui
ut nihil in se recipiunt ipsi, quod non reli-
giosissime præstant, ita ceteros omnes Prin-
cipes jubent, ut pollicitis omnibus modis
immorentur, tergiversantes vero pastorali
censura & severitate compellunt. Merito
sane censent turpissimam rem videri, si illo-
rum fœderibus absit fides, qui peculiari no-
mine fideles appellantur. At in illo novo
orbe terrarum, quem circulus æquator vix
tam longe ab hoc nostro orbe semovet, quam
vita moresque disident, fœderum nulla fi-
ducia est, quorum ut quodque plurimis ac
sanctissimis ceremoniis innodatum fuerit, ita
citissime solvitur, inventa facile in verbis ca-
lumnia, quæ sic interim de industria dictant
callide, ut nunquam tam firmis adstringi vin-
culis queant, quin elabantur aliqua fœdus-
que & fidem pariter eludant. Quam vafriti-
em, immo quam fraudem dolumque, si pri-
vatorum deprehenderent intervenisse con-
tractui, magno supercilio rem sacrilegam &
furca dignam clamitarent, hi nimirum ipsi,
qui ejus consilii Principibus dati, semet glo-
riantur auctores. Quo fit, ut justitia tota vi-
deatur, aut non nisi plebeja virtus & humilis,
F s quæque

quæque longo intervallo subsidat infra regale fastigium, aut uti saltem duæ sint, quarum altera vulgus deceat, pedestris & humirepa; neve usquam septa transilire queat multis undique restricta vinculis: altera Principum virtus, quæ ficuti sit, quam illa popularis augustior, sic est etiam longo intervallo liberior, ut cui nihil non liceat, nisi quod non libeat. Hos mores, ut dixi, Principum, illic fœdera tam male servantium, puto in causa esse, ne ulla feriant Vtopienses, mutaturi fortasse sententiam, si hic viverent. Quamquam illis videtur, ut optime servantur, male tamen inolevisse fœderis omnino fanciendi consuetudinem, qua fit, ut (perinde ac si populum populo, quos exiguo spatio collis tantum aut rivus discriminat, nulla naturæ societas copularet) hostes atque inimicos invicem sese natos putent, meritoque in mutuam grasari perniciem, nisi fœdera prohibeant; quin his ipsis quoque initis, non amicitiam coalescere, sed manere prædandi licentiam, quatenus per imprudentiam distandi fœderis, nihil quod prohibeat, satis caute comprehensum in pactis est. At illi contra censent, neminem pro inimico habendum, a quo nihil injuriæ profectum est:

nature

naturæ consortium fæderis vice esse, & satius valentiusque homines invicem benevolentia, quam pactis; animo, quam verbis, connecti.

DE RE MILITARI.

Bellum, utpote rem plane belluinam, nec ulli tamen belluarum formæ in tam assiduo, atque homini est, usu, summopere abominantur, contraque morem gentium fere omnium nihil æque ducunt inglorium, atque petitam e bello gloriam: eoque licet assidue militari sese disciplina exerceant, neque id viri modo, sed fœminæ quoque statis diebus, ne ad bellum sint, cum exigat usus, inhabiles: non temere capesunt tamen, nisi quo aut suos fines tueantur, aut amicorum terris infusos hostes propulsent, aut populum quempiam, tyrannide pressum, miserati (quod humanitatis gratia faciunt) suis viribus Tyranni iugo & servitute liberent. Quamquam auxilium gratificentur amicis, non semper quidem, quo se defendant, sed interdum quoque illatas retalien atque ulciscantur injurias: verum id ita demum faciunt, si re adhuc integra consulantur ipsi, & probata

bata causa, repetitis ac non redditis rebus, belli auctores inferendi sint: quod non tunc solum decernunt, quoties hostili incurfu abacta est præda, verum tum quoque multo infestius, cum eorum negotiatores usquam gentium vel iniquarum prætextu legum, vel sinistra derivatione bonarum, injustam subeunt, justitiæ colore, calumniam. Nec alia fuit ejus origo belli, quod pro Nephelogeis adversus Alaopolitas, paullo ante nostram memoriam, Vtopienses gessere, quam apud Alaopolitas Nephelogetarum mercatoribus illata prætextu juris (ut visum est ipsis) injuria, certe, siue illud jus, siue ea injuria fuit, bello tam atroci est vindicata, cum ad proprias utriusque partis vires odiaque circumjectarum etiam gentium studia atque opes adjungerentur, ut florentissimis populorum aliis concussis, aliis vehementer afflictis, orientia ex malis mala Alaopolitarum servitus denum ac deditio finierit, qua in Nephelogetarum (neque enim sibi certabant Vtopienses) potestatem concessere, gentis, florentibus Alaopolitarum rebus, haudquaquam cum illis conferendæ. Tam acriter Vtopienses amicorum, etiam in pecuniis, injuriam persequuntur, suas ipsorum non item, qui
ficubi

ficubi circumscripti bonis excidant, modo corporibus absit vis, hætenus irascuntur, uti quoad satisfactio fiat, ejus commercio gentis abstineant. Non quod minoris sibi curæ cives, quam focii sint, sed horum tamen pecuniam intercipi, ægrius, quam suam, ferunt, propterea, quod amicorum negotiatores, quoniam de suo perdunt privato, grave vulnus ex jactura sentiunt. At ipsorum civibus nihil, nisi de publico, perit, præterea, quod abundabat domi ac veluti supererat, alioqui non emittendum foras: quo fit, uti intertrimentum citra cujusquam sensum accidat. Quocirca nimis crudelē censent, id damnum multorum ulcisci mortibus, cujus damni incommodum nemo ipsorum aut vita, aut victu persentiscat. Ceterum si quis suorum usquam per injuriam debilitetur aut occidat, sive id publico factum consilio, sive privato sit, per Legatos re comperta, nisi deditis noxiis placari non possunt, quin illico bellum denuntient. Noxæ deditos, aut morte, aut servitio puniunt. Cruentæ victoriæ non piget modo eos, sed pudet quoque, reputantes inscitiam esse quamlibet, pretiosas merces nimio emisisse: arte doloque victos & oppressos hostes impendio gloriantur,

tur, triumphumque ob eam rem publicitus agunt &, velut re strenue gesta, trophæum erigunt: tum enim demum viriliter sese jactant & cum virtute rem gessisse, quoties ita vicerint, quomodo nullum animal, præter hominem, potuit, id est, ingenii viribus: nam corporis, inquirunt, ursi, leones, apri, lupi, canes ceteræque belluæ dimicant, quarum, ut pleræque nos robore ac ferocia vincunt, ita cunctæ ingenio & ratione superantur. Hoc unum illi in bello spectant, uti id obtineant, quod si fuissent ante consecuti, bellum non fuerant illatori: aut si id res vetet, tam severam ab his vindictam expetunt, quibus factum imputant, ut idem aufuros in posterum terror absterreat. Hos propositi sui scopos destinant, quos mature petunt: at ita tamen, uti prior vitandi periculi cura, quam laudis aut famæ consequendæ sit. Itaque protinus indicto bello, schedulas ipsorum, publico signo roboratas, locis maxime conspicuis hosticæ terræ, clam uno tempore multas appendi procurant, quibus ingentia pollicentur præmia, si quis Principem adversarium sustulerit: deinde minora, quamquam illa quoque egregia, decernunt pro singulis eorum capitibus, quorum nomina in
iisdem

iisdem literis proscribunt: hi sunt, quos secundum Principem ipsum, auctores initi adversus se consilii ducunt. Quicquid percussori præfiniunt, hoc geminant ei, qui vivum e proscriptis aliquem ad se perduxerit: quin ipsos quoque proscriptos, præmiis iisdem, addita etiam impunitate, contra socios invitant. Itaque fit celeriter, ut & ceteros mortales suspectos habeant & sibi invicem ipsi neque fidentes satis, neque fidi sint, maximoque in metu & non minore periculo versentur. Nam sæpenumero constat evenisse, uti bona pars eorum & Princeps in primis ipse, ab his proderentur, in quibus maximam spem reposuerant: tam facile quodvis in facinus impellunt munera, quibus illi nullum exhibent modum. Sed memores, in quantum discrimen hortantur, operam dant, uti periculi magnitudo beneficiorum mole compensetur: eoque non immensam modo auri vim, sed prædia quoque magni redditus in locis apud amicos tutissimis propria ac perpetua pollicantur & summa cum fide præstant. Hunc licitandi mercandique hostis morem, apud alios improbatum, velut animi degeneris crudele facinus, illi magnæ sibi laudi ducunt tamquam prudentes, qui maximis

mis hoc pacto bellis, sine ullo prorsus prælio defungantur, humanique ac misericordes etiam, qui paucorum nece noxiorum, numerosas innocentium vitas redimant, qui pugnando fuerint occubaturi, partim e suis, partim ex hostibus, quorum turbam vulgusque non minus ferme, quam suos miserantur, gnari, non sua sponte eos bellum capessere, sed Principum ad id furis agi. Si res hoc pacto non procedat, dissidiorum semina jaciunt aluntque fratre Principis, aut aliquo e nobilibus in spem potiundi regni perducto. Si factiones internæ languerint, finitimas hostibus gentes excitant committuntque, eruto vetusto quopiam titulo, quales nunquam Regibus defunt, suas ad bellum opes polliciti, pecuniam affluenter suggerunt, cives parcissime, quos tam unice habent charos, tantique sese mutuo faciunt, ut neminem sint e suis cum adverso Principe libenter commutaturi. At aurum argentumque, quoniam unum hunc in usum omne servant, haud gravatim erogant, utpote non minus commodè victuri, etiamsi universum impenderent. Quin præter domesticas divitias et illis foris quoque infinitus thesaurus, quo plurimæ gentes, uti ante dixi, in ipsorum

are

ære sunt : ita milites undiqve conductos ad bellum mittunt , præsertim ex Zapoletis. Hic populus quingentis pasuum millibus ab Vtopia distat , orientem solem versus , horridus , agrestis , ferox , silvas montesqve asperos , quibus sunt innutriti , præferunt. Dura gens , æstus , frigoris & laboris patiens , deliciarum expers omnium , neqve agriculturæ studens , & cum ædificiorum , tum vestitus indiligens , pecorum duntaxat curam habent : magna ex parte venatu & raptu vivunt , ad solum bellum nati ; cujus gerendi facultatem studiose quærent , repertam cupide amplectuntur & magno numero egressi , cuiusvis requirenti milites vili semet offerunt. Hac unam vitæ artem noverunt , qua mors quæritur : sub quibus merent , acriter pro his & incorrupta fide dimicant. Verum in nullum certum diem sese obstringunt , sed ea lege in partes veniunt , ut posteriore die vel ab hostibus , oblato majore stipendio , sint statuti , iidem perendie , rursus invitati plusculo , remigrant. Rarum oritur bellum , in quo non bona pars illorum in utroqve sint exercitu : itaqve accidit quotidie , ut sanguinis necessitudine conjuncti , & qui iisdem in partibus conducti , familiarissime semet invicem

cem utebantur, paullo post in contrarias distracti copias, hostiliter concurrant &, infestis animis, obliti generis, immemores amicitiae, mutuo sese confodiant, nulla alia causa in mutuam incitati perniciem, quam quod a diversis Principibus exigua pecuniola conducti: cuius tam exactam habent rationem, ut ad diurnum stipendium unius accessione assis facile ad cominutandas partes impellantur. Ita celeriter imbiberunt avaritiam, quæ tamen nulli est eis usui: nam quæ sanguine quærent, protinus per luxum, & eum tamen miserum, consumunt. Hic populus Vtopiensibus adversus quosvis mortales militat, quod tanti ab his eorum conducatur opera, quanti nusquam alibi: Vtopienses siquidem ut bonos quærent, quibus utantur, ita hos quoque homines pessimos, quibus abutantur: quos cum usus postulat, magnis impulsos pollicitationibus, maximis objiciunt periculis, unde plerumque magna pars nunquam ad exigenda promissa revertitur: superstitibus, quæ sunt polliciti, bona fide persolvunt, quo ad similes ausus incendantur: neque enim pensi quicquam habent, quam multos ex eis perdant: rati de genere humano maximam merituros gratiam se, si

tota

tota illa colluvie populi tam tetri ac nefarii orbem terrarum purgare possent. Secundum hos eorum copiis utuntur, pro quibus arma capiunt, deinde auxiliaribus ceterorum amicorum turmis, postremo suos cives adjungunt, e quibus aliquem virtutis probatæ virum, totius exercitus summæ præficiunt. Huic duos ita substituunt, uti eo incolumi, ambo privati sint, capto aut interemto, alter e duobus velut hæreditate succedat, eiqve ex eventu tertius, ne, (ut sunt bellorum sortes variæ) periclitante duce, totus perturbetur exercitus. E quaque civitate delectus exercetur ex his, qui sponte nomen profitentur: neque enim invitus quispiam foras in militiam truditur, quod persuasum habeant, si quis sit natura timidior, non ipsum modo nihil facturum strenue, sed metum etiam comitibus incusurum. Ceterum si quod bellum ingruat in patriam, ignavos huiusmodi, mollo valeant corpore, in naves mixtos melioribus collocant, aut in mœnibus sparsim disponunt, unde non sit refugiendi locus: ita horum pudor, hostis in manibus atqve admota fugæ spes, timorem obruunt & sæpe extrema necessitas in virtutem vertitur. Ac cuti ad extremum bellum ex ipsis nemo protrahitur

trahitur nolens, ita fœminas volentes in militiam comitari maritos, adeo non prohibent ut exhortentur etiam & laudibus incitent profectas cum suo quamque viro pariter in acie constituunt: tum sui quemque liberi, affines, cognati circumstant, ut hi de proximo sint mutuo sibi subsidio, quos maxime ad ferendas invicem suppetias natura stimulat. In maximo probro est conjux, absque conjuge redux, aut amisso parente reversus filius: quo fit, uti, si ad ipsorum manus ventum sit, modo persistent hostes, longo & lugubri prælio ad internecionem usque decernatur. Némpe ut omnibus curant modis, ne ipsis dimicare necesse sit, modo bello possint vicaria conductitiorum manu defungi, ita cum vitari non potest, quin ipsi ineant pugnam, tam intrepide capesunt, quam, quoad licuit, prudenter detrectabant: nec tam primo ferociunt impetu, quam mora sensim & duratione invalescunt, tam obfirmatis animis, ut interimi citius, quam averti queant: quippe victus illa securitas, quæ cuique domus est, ademptaque de nostris anxia cogitandi cura (nam hæc sollicitudo generosos ubique spiritus frangit) sublimem & vinci dedignantem facit: ad hæc militaris disciplinæ peritia
fiduciam

fiduciam præbet: postremo rectæ opiniones (quibus & doctrina, & bonis Reipublicæ institutis imbuti a pueris sunt) virtutem addunt: quæ neque tam vilem habent vitam, ut temere prodigant, neque tam improbe charam, ut, cum honestas ponendam suadet, avare turpiterque retineant. Dum ubique pugna maxime fervet, lectissimi juvenes conurati devotique, ducem sibi deposcunt adversum, hunc aperte invadunt, hunc ex insidiis adoriuntur, idem eminus, idem continus petitur, longoque ac perpetuo cuneo, submissis assidue in fatigantium locum reentibus, oppugnatur: raroque accidit, (nibi fuga prospiciat) ut non intereat, aut vivus in hostium potestatem veniat. Si ab ipsis victoria sit, haudquaquam cæde grassantur, captivos enim comprehendunt, quam occidunt, libentius: neque unquam ita persequuntur fugientes, ut non unam interim sub signis instructam aciem retineant, adeo ut, nisi ceteris superatis partibus, postrema acie suæ victoriam adepti sint, elabi potius hostes universos sinant, quam insequi fugientes, perturbatis suorum ordinibus insvescant: memores, sibi nec haud semel usu venisse, ut mole totius exercitus victa profligataque, cum hostes

hostes victoria gestientes, hac atque illac abeuntes persequerentur, pauci ipsorum in subsidiis collocati, ad occasiones intenti, dispersos ac palantes illos & præsumpta securitate negligentes derepente adorti, totius eventum prælii mutaverint, extortaque e manibus tam certa & indubitata victoria, victi victores invicem vicerint. Haud facile dictum est, astutiores in struendis insidiis, an cautiores ad vitandas fient. Fugam parare credas, cum nihil minus in animo habent: contra cum id consilii capiunt, nihil minus cogitare putes. Nam si nimium sese sentiunt aut numero, aut loco premi, tunc aut noctu, agmine silente, castra movent, aut aliquo stratagemate eludunt, aut interdum ita sensim sese referunt, tali servato ordine, ut non minus periculi sit cedentes, quam instantes, adoriri. Castra diligentissime communiunt fossa præalta lataque, terra, quæ egeritur, introrsum rejecta, nec in eam rem opera mediastinorum utuntur: ipsorum manibus militum res agitur, totusque exercitus in opere est, exceptis, qui pro vallo in armis ad subitos casus excubant: itaque tam multis annitentibus magna multumque amplexa loci munimenta omni fide citius perficiunt. Armis utuntur ad excipien-

ndos ictus firmis, nec ad motum gestumve
vemlibet ineptis, adeo, ut ne natando qui-
tem molesta sentiant: nam armati natare in-
er militaris disciplinæ rudimento consvescunt.
sela sunt eminus sagittæ, quas acerrime si-
nul & certissime jaculantur, non pedites
nodo, sed ex equis etiam: cominus vero non
gladii, sed secures, vel acie letales, vel pon-
lere, seu cæsim, seu punctim feriant. Machi-
as excogitant solertissime, factas accuratissime
velant, ne ante proditæ, quam res postulet, lu-
lubrio magis quam usui sint; in quibus fabri-
andis hoc in primis respiciunt, uti vectu faciles
& habiles circumactu sint. Initas cum hosti-
us inducias tam sancte observant, ut ne laces-
ti quidem violent. Hostilem terram non de-
opulantur, neque segetes exurunt: immo ne
ominum equorumve pedibus conterantur,
vantum fieri potest, provident, rati, in ipsorum
sus crescere. Inermem neminem læduat, nisi
lem speculator sit. Deditas urbes tuentur,
nec expugnatas diripiunt, sed per quos de-
tio est impedita, eos enecant, ceteris defen-
sibus in servitutem addictis. Imbellem tur-
am omnem relinqvunt intactam: Si quos
ditionem suasisse compererint, his e damna-
rum bonis aliquam partem impartiant, re-
liqua

liqua sectione auxiliares donant : nam ipsorum nemo quicquam de præda capit. Ceterum confecto bello, non amicis impensas, in quos infumere, sed victis imputant exiguntque eo nomine partim pecuniam, quam in similes bellorum usus reservant, partim prædæ, quæ sint ipsis apud eos perpetua non exigua census. Hujusmodi redditus nunc apud multas gentes habent, qui variis ex causis paullatim nati, supra septingenta ducatorum millia in singulos annos excrevere: in quos e suis civibus aliquos emittunt, quæstorum nomine, qui magnifice vivant, personamque Magnatum illic præ se ferant: at multum tamen superest; quod inferatur ærario, nisi malint eidem genti credere; quod sæpe tantisper faciunt, quoad uti necesse sit, vixque accedit unquam, ut totum reposcant. Ex his prædiis partem assignant illis, qui ipsorum hortatu tale discrimen adeunt, qualem ante monstravi. Si quis Princeps, armis adversus eos sumtis, eorum ditionem paret invadere, magnis illico viribus extra suos fines occurrunt: nam neque temere in suis terris bellum gerunt, neque ulla necessitas tanta est, ut eos cogat, aliena auxilia in Insulam suam admittere.

DE RELIGIONIBVS
V̄TOPIENSIVM.

Religiones sunt non per Insulam modo, verum singulas etiam urbes variæ; aliis Solem, Lunam aliis, aliis aliud errantium siderum Dei vice venerantibus. Sunt, quibus homo quispiam, cujus olim aut virtus, aut gloria enituit, non pro Deo tantum, sed pro summo etiam Deo suspicitur. At multo maxima pars, eademque longe prudentior, nihil horum, sed unum quoddam Numen putant, incognitum, æternum, immensum, inexplicabile, quod supra mentis humanæ captum sit, per mundum hunc universum virtute, non mole, diffusum; hunc parentem vocant, origines, auctus, progressus, vices finesque rerum omnium huic acceptos uni referunt, nec divinos honores alii præterea ulli applicant. Quin ceteris quoque omnibus, quamquam diversa credentibus, hoc tamen cum istis convenit, quod esse proutidem unum censent summum, cui & universitatis opificium & providentia debeatur, umque communiter omnes patria lingua Myhran appellant: sed eo dissentiant, quod idem alius apud alios habetur, autumante quoque, quicquid id sit, quod ipse summum ducit,

G

eandem

eandem illam prorsus esse naturam, cujus unus numini ac majestati, rerum omnium summa, omnium consensu gentium tribuitur. Ceterum paullatim omnes ab ea superstitionum varietate desciscunt atque in unam illam coalescunt religionem, quæ reliquas ratione videtur antecellere. Neque dubium est, quin ceteræ jam pridem evanuisent, nisi quicquid improperum cuiquam intermutandæ religionis consilia fors objecisset, non id accidisse casu, sed cœlitus immissum interpretaretur timor, tamquam numine, cujus relinquebatur cultus, impium contra se propositum vindicante. At posteaquam acceperunt a nobis Christi nomen, doctrinam, mores, miracula, nec minus mirandam tot martyrum constantiam, quorum sponte fusus sanguis tam numerosas gentes in suam sectam longe lateque traduxit, non credas, quam pronis in eam affectibus etiam ipsi concesserint, siue hoc secretius inspirante Deo, siue quod eadem ei visa est hæresi proxima, quæ est apud ipsos potissima: quamquam hoc quoque fuisse non paullum momenti crediderim, quod Christo communem suorum victum audierant placuisse, & apud germanissimos Christianorum conventus adhuc in usu esse. Certo quoque

id momento accidit, haud pauci nostram in religionem coierunt lymphaque sacra sunt abluti. Verum, quoniam in nobis quatuor (totidem enim duntaxat supereramus, nam duo fatis concesserant) nemo, id quod doleo, Sacerdos erat, ceteris initiati, ea tamen adhuc sacramenta desiderant, quæ apud nos, non nisi Sacerdotes, conferunt: intelligunt tamen, optantque ita, ut nihil vehementius: quin hoc quoque sedulo jam inter se disputant, an sine Christiani Pontificis misu quisquam e suo numero delectus Sacerdotii consequatur characterem: & electuri sane videbantur, verum cum ego discederem, nondum elegerant. Quin hi quoque religioni Christianæ, qui non assentiunt, neminem tamen absterrent, nullum oppugnant imbutum: nisi quod unus e nostro cœtu me præsentem coercitus est. Is cum recens ablutus, nobis contra suadentibus de Christi cultu publice, majore studio, quam prudentia disfereret, usque adeo cœpit incallescere, ut jam non nostra modo sacra ceteris anteferebat, sed reliqua protinus universa damnaret, profana ipsa, cultores impios ac sacrilegos, æterno plectendos igni vociferarentur. Talia diu concionantem comprehendunt ac reum non spretæ religionis, sed ex-

citati in populo tumultus, agunt peraguntque, damnatum exilio mulctant: siquidem hoc inter antiquissima instituta numerant, ne sua cuiquam religio fraudi sit. Vtopus enim jam inde ab initio, cum accepisset, incolas ante suum adventum de religionibus inter se assidue dimicasse atque animadvertisset eam rem, quod in commune disidentes, singulæ pro patriæ secta pugnabant, occasionem præstitisse sibi vincendarum omnium, adeptus victoriam, in primis sanxit, uti, quam cuique religionem libeat sequi, liceat; ut vero alios quoque in suam traducat, hætenus niti possit, uti placide ac modeste suam rationibus adstruat, non ut acerbe ceteras destruat: si svadendo non persuadeat, neque vim ullam adhibeat & conviciis temperet, petulantiùs hac de re contendentem exilio aut servitute mulcent. Hæc Vtopus instituit, non respectu pacis modo quam assiduo certamine atque inexpiabili odio funditus vidit everti, sed quod arbitratu est, uti sic decerneretur, ipsius etiam religionis interesse, de qua nihil est ausus temere definire, velut incertum habens, an varium ac multiplicem expetens cultum Deus, aliud inspiret alii. Certe vi ac minis exigere, ut, quod tu verum credis, idem omnibus videatur, hoc

hoc vero & insolens & ineptum censuit: tum si maxime una vera sit, ceteræ omnes vanæ, facile tamen prævidit, (modo cum ratione ac modestia res agatur) futurum denique, ut ipsa per se veri vis emergat aliquando atque emineat: sin armis & tumultu certetur, ut sunt pessimi quique maxime pervicaces, optimam ac sanctissimam religionem ob vanissimas inter se superstitiones, ut segetes inter spinas ac frutices obrutum iri. Itaque hanc totam rem in medio posuit & quid credendum putaret, liberum cuique reliquit: nisi quod sancte aut severe vetuit, ne quis usque adeo ab humanæ naturæ dignitate degeneret, ut animas quoque interire cum corpore, aut mundum temere ferri, sublata providentia, putet; atque ideo post hanc vitam supplicia vitiis decreta, virtuti præmia constituta credunt: contra sentientem, ne in hominum quidem ducunt numero, ut qui sublimem animæ suæ naturam ad pecuini corpusculi vilitatem dejecerit: tantum abest, ut inter cives ponant, quorum instituta moresque (si per metum liceat) omnes flocci facturus sit. Cui enim dubium esse potest, quin is publicas patriæ leges, aut arte clam eludere, aut vi nitatur infringere, dum suæ privatim cupiditati serviat, cui nullus ultra

G 3

leges

leges metus, nihil ultra corpus spei superest amplius. Quamobrem sic animato nullus communicatur honos, nullus magistratus committitur, nulli publico muneri præficitur; ita passim velut inertis ac jacentis naturæ despici-
tur. Ceterum nullo afficiunt supplicio, quod persuasum habeant, nulli hoc in manu esse, ut quicquid libet, sentiat: sed nec minis adigunt ullis, animum ut dissimulet suum, nec fucos admittunt & mendacia, quæ velut proxima fraudi, mirum quam habent invisa. Verum, ne pro sua disputet sententia, prohibent: atque id duntaxat apud vulgus. Nam alioquin apud Sacerdotes gravesque viros seorsum, non sinunt modo, sed hortantur quoque, confisi fore, ut ea tandem vesania rationi cedat. Sunt & alii, nec hi sane pauci, nempe improhibiti, veluti neque ratione penitus pro se carentes, neque mali, qui vitio longe diverso, brutorum quoque æternas esse animas opinantur; at nostris tamen neque dignitate comparandas, neque ad æquam natas felicitatem. Hominum enim, cuncti fere, tam immensam fore beatitudinem, pro certo atque explorato habent, ut morbum lamententur omnium, mortem vero nullius, nisi
quem

quem vident anxie e vita invitumque divelli. Nempe hoc pro pessimo habent augurio, tamquam anima expes ac male conscia, occulto quopiam imminentis pœnæ præfagio, reformidet exitum. Ad hoc, haudquaquam gratum Deo ejus putant adventum fore, qui cum sit accersitus, non accurrit libens, sed invitus ac detractans pertrahitur. Hoc igitur mortis genus, qui intuentur, horrent, itaque defunctos mœsti ac silentes efferunt, precatique propitium manibus Deum, uti eorum clementer infirmitatibus ignoscat, terra cadaver obruunt. Contra, quicumque alacriter ac pleni bona spe deceserint, hos nemo luget, sed cantu profecuti funus, animas Deo, magno commendantes affectu, corpora tandem reverenter magis, quam dolenter, concremant columnamque loco insculptis defuncti titulis erigunt: domum reversi mores actaque ejus recensent, nec ulla vitæ pars aut aut sæpius, aut libentius, quam lætus tractatur interitus. Hanc probitatis memoriam & vivis efficacissima rentur incitamenta virtutum & gratisimum defunctis cultum putant, quos interesse quoque de se sermonibus opinantur, quamquam (ut est hebes mortalium acies) invisibiles. Nam neque feliciū forti conveniat,

G 4

libertate

libertate carere migrandi, quo velint & ingratorum fuerit prorsus abjecisse desiderium, amicos invisendi suos, quibus eos, dum viverent, mutuus amor charitasque devinxerat, quam bonis viris, ut cetera bona, auctam post fata potius, quam imminutam coniectant. Mortuos ergo versari inter viventes credunt, dictorum factorumque spectatores, eoque res agendas fidentius aggrediuntur, talibus velut freti præsidiis, & ab inhonesto decreto deterret eos credita majorum præsentia. Auguria, ceterasque superstitionis vanæ divinationes, quarum apud alias gentes magna est observatio, negligunt prorsus atque irrident. Miracula vero, quæ nullo naturæ proveniunt adminiculo, velut præsentis opera testesque numinis venerantur: qualia & ibi frequenter exstare ferunt, & magnis interdum ac dubiis in rebus publica supplicatione, certa cum fiducia procurant impetrantque. Gratum Deo cultum putant naturæ contemplationem laudemque ab ea. Sunt tamen, hi que haud sane pauci, qui religione ducti, literas negligunt, nulli rerum cognitioni student, neque otio prorsus ulli vacant, negotiis tantum bonisque ceteris officiis statuunt, futuram post fata felicitatem promereri. Itaque alii ægrotis inserviunt,

ferviunt, alii vias reficiunt, purgant fossas, pontes reparant, cespites, arenam, lapides effodiunt, arbores demoliuntur ac dissecant; bigisque ligna, fruges, item alia in urbes important, nec in publicum modo, sed privatim quoque ministros ac plus, quam servos, agunt. Nam quicquid usquam operis est asperum, difficile, sordidum, a quo plerosque labor, fastidium, desperatio deterreat, hoc illi sibi totum libentes hilaresque desumunt, ceteris otium procurant, ipsi perpetuo in opere ac labore versantur, nec imputant tamen, nec aliorum fugillant vitam, nec suam efferunt. Hi, quo magis sese servos exhibent, eo majore apud omnes in honore sunt. Eorum tamen hæreses duæ sunt; Altera cælibum, qui non venere modo in totum abstinent, sed carniū esu quoque, quidam animalium etiam omnium, rejectisque penitus tamquam noxiis vitæ præsentis voluptatibus, futuræ duntaxat per vigiliis ac sudores inhiant, ejus propediem obtinendæ spe alacres interim vegetique: Altera laboris haud minus appetens, conjugium præfert, ut cujus nec aspernantur solatium, & opus, naturæ debere se & patriæ liberos putant. Nullam voluptatem refugiunt, quæ nihil eos ab labore demoretur. Carnes

quadrupedum vel eo nomine diligunt, quod tali cibo se validiores ad opus quodque censeant. Hos Vtopiani prudentiores, at illos sanctiores reputant. Quos quod cœlibatum anteferunt matrimonio asperamque vitam placidæ anteponunt, si rationibus niterentur, irriderent, nunc vero cum se fatentur religione duci, suspiciunt ac reverentur. Nihil enim sollicitius observant, quam ne temere quicquam ulla de religione pronuntient. Hujusmodi ergo sunt, quos illi peculiari nōmine, sua lingua Buthrescas vocant, quod verbum latine religiosos licet interpretari. Sacerdotes habent eximia sanctitate, eoque admodum paucos; neque enim plus, quam tredecim in singulis habent, urbibus pari templorum numero, nisi cum itur ad bellum; tunc enim septem ex illis cum exercitu profectis, totidem sufficiuntur interim, sed illi reversi, suum quisque locum recuperat, qui supersunt, hi, quoad decedentibus illis ordine succedant, comites interea sunt Pontificis. Nam unus reliquis præficitur. Eliguntur a populo idque ceterorum ritu Magistratum, occultis, ad studia vitanda, suffragiis, electi a suo collegio consecrantur. Hi rebus divinis præsent, religiones curant ac morum veluti censores sunt, magnoque pudori ducitur

ducitur ab his quemquam, tamquam vitæ parum probatæ, accersi compellarive. Ceterum ut hortari atque admonere illorum est, ita coërcere atque in facinorosos animadvertere Principis atque aliorum est Magistratum, nisi quod sacris interdicit, quos improbe malos comperiunt: nec ullum fere supplicium est, quod horreant magis. Nam & summa percelluntur infamia, & occulto religionis metu lacerantur, ne corporibus quidem diu futuris in tuto: quippe ni properam pœnitentiam Sacerdotibus approbent, comprehensi impietatis pœnam Senatui persolvunt. Pueritia juvenusque ab illis eruditur, nec prior literarum cura, quam morum ac virtutis habetur: namque summam adhibent industriam, ut bonas protinus opiniones & conservandæ ipsorum Reipublicæ utiles, teneris adhuc & seqvacibus puerorum animis instillent: quæ ubi pueris penitus infederint, viros per totam vitam comitantur magnamque ad tuendum publicæ Rei statum, (qui non nisi vitiis dilabatur, quæ ex perversis nascuntur opinionibus) afferunt utilitatem. Sacerdotibus (ni fœminæ sint: nam neque ille sexus excluditur, sed rarius & non, nisi vidua natuque grandis, eligitur) uxores sunt popularium selectissimæ.

Neque enim ulli apud Vtopienses Magistratui major habetur honos, usque adeo ut si quid etiam flagitii admiserint, nulli publico iudicio subsint, Deo tantum ac sibi relinquantur. Neque enim fas putant illum, quantumvis sceleratum, mortali manu contingere, qui Deo tam singulari modo velut anathema dedicatus est. Qui mos illis facilius est observatu, quod Sacerdotes & tam pauci, & tanta cum cura diliguntur. Nam neque temere accidit, ut qui ex bonis optimus ad tantam dignitatem, solius respectu virtutis, evehitur, in corruptelam & vitium degeneret, & si jam maxime contingeret, ut est mortalium natura mutabilis, tamen, quia sunt paucitate, nec ulla præter honorem potestate præditi, ad publicam certe perniciem nihil magni ab his momenti pertimescendum sit. Quos ideo tam raros atque infrequentes habent, ne dignitas ordinis, quam nunc tanta veneratione prosequuntur, communicato cum multis honore vilesceret, præsertim cum difficile putent frequentes invenire tam bonos, ut ei sint dignitati pares, ad quam gerendam non sufficit mediocribus esse virtutibus. Nec eorum æstimatio apud suos magis, quam apud exterarum etiam gentes, habetur, quod inde facile patet, unde etiam natum puto.

puto. Nempe decernentibus prælio copiis, seorsum illi non admodum procul confidunt in genibus, sacras induti vestes, tensis ad cælum palmis, primum omnium pacem, proxime suis victoriam, sed neutri cruentam parti comprecantur. Vincentibus suis decurrunt in aciem sævientesque in profligatos inhihent, vidisse tantum atque appellasse præsentem ad vitam fati, diffluentium contactus vestium, reliquas quoque fortunas ab omni bellorum injuria defendit. Qua ex re apud omnes undique gentes, tanta illis veneratio, tantum veræ majestatis accessit, ut sæpe ab hostibus non minus salutis ad cives reportarint, quam ab ipsis ad hostes attulissent. Siquidem aliquando constat, inclinata suorum acie, desperatis rebus, cum ipsi in fugam verterentur, hostes in cædem ac prædam ruerent, interventu Sacerdotum interpellatam stragem ac, diremtis invicem copiis, pacem æquis conditionibus esse compositam atque constitutam. Neque enim unquam fuit ulla gens tam fera, crudelis ac barbara, apud quos ipsorum corpus non sacrosanctum atque inviolabile sit habitum. Festos celebrant initialem atque ultimum cujusque mensis diem, & anni item, quem in menses partiuntur, circuitu lunæ finitos,

G 7

nitos, ut solis ambitus annum circinat. Pri-
 mus quosque dies Cynemernos, postremos
 ipsorum lingua Trapemernos appellant, quæ
 vocabula perinde sonant, ac si Primifesti &
 Finifesti vocentur. Delubra visuntur egregia,
 utpote non operosa modo, sed, quod erat in
 tanta ipsorum paucitate necessarium, immensi
 etiam populi capacia. Sunt tamen omnia
 subobscura, nec id ædificandi inscitia factum,
 sed consilio Sacerdotum ferunt, quod immo-
 dicam lucem cogitationes dispergere, parcior
 ac velut dubia colligi animos & intendi reli-
 gionem putant: quæ quoniam non est ibi
 apud omnes eadem & universæ tamen ejus
 formæ, quamquam variæ ac multiplices, in
 divinæ naturæ cultum, velut in unum finem
 diversa via commigrant, idcirco nihil in tem-
 plis visitur auditurque, quod non quadrare
 ad cunctas in commune videatur. Si quod
 proprium sit cujusquam sectæ sacrum, id in-
 tra domesticos quisque parietes curat. Publico
 tali peragunt ordine, qui nulli prorsus ex pri-
 vatis deroget. Itaque nulla deorum effigies
 in templo conspicitur, quo liberum cuique sit,
 qua forma Deus velit e sua religione concipere,
 nullum peculiare Dei nomen invocant, sed
 Mythræ duntaxat, quo vocabulo cuncti in
 unam

unam divinæ majestatis naturam, quæcunque sit illa, conspirant: nullæ concipiuntur preces, quas non pronuntiare quivis inoffensa sua secta possit. Ad templum ergo in Finifestis diebus vespere conveniunt, adhuc jejuni, acturi Deo de anno menseve, cujus id festum postremus dies est, prospere acto, gratias: postero die, nam is Primifestus est, mane ad templa confluitur, ut insequentis anni mensive, quem ab illo auspicaturi festo sint, faustum felicemque succesum comprecantur. At in Finifestis, antea quam templum petunt, uxores, domi ad virorum pedes, liberi ad parentum provoluti, peccasse fatentur sese aut admisso aliquo, aut officio indiligenter obito, veniamque errati precantur: ita si qua se nubecula domesticæ similitudinis offuderat, tali satisfactione discutitur, uti animo puro ac sereno sacrificiis intersint: nam interesse turbido, religio est: eoque odii iræve in quemquam sibi conscii, nisi reconciliati ac defecatis affectibus ad sacrificia non ingerunt sese, vindictæ sceleris, magnæque metu. Eo cum veniunt, viri in dextram delubri partem, feminæ seorsum in sinistram commeant: tum ita se collocant, ut cujusque domus masculi ante patremfamilias consideant, feminarum mater-

materfamilias agmen claudat. Ita prospicitur, ut omnes omnium gestus foris ab his observentur, quorum auctoritate domi ac disciplina reguntur: quin hoc quoque sedulo cavent, uti junior ibi passim cum seniore copuletur, ne pueri pueris crediti, id temporis puerilibus transigant ineptiis, in quo deberent maxime religiosum erga Superos metum, maximum ac prope unicum virtutibus incitamentum, concipere. Nullum animal in sacrificiis mactant, nec sanguine rentur ac cædibus divinam gaudere clementiam, qui vitam animantibus ideo est elargitus, ut viverent. Thus incendunt, & alia item odoramenta, ad hæc cereos numerosos præferunt, non quod hæc nesciant nihil ad divinam conferre naturam, quippe ut nec ipsas hominum preces, sed & innoxium colendi genus placet, & his odoribus luminibusque ac ceteris etiam ceremoniis, nescio quomodo sese sentiunt homines erigi atque in Dei cultum animo alacriore confurgere. Candidis in templo vestibus amicitur populus, Sacerdos versicolores induitur, & opere, & forma mirabiles, materia non perinde pretiosa: neque enim auro intextæ, aut raris coagmentatæ lapidibus, sed diversis avium plumis tam scite tantoque artificio laboratæ

boratæ sunt, ut operis pretium nullius æstimatione materiæ fuerit æqvatura. Ad hoc in illis volucrum pennis plumisque & certis earum ordinibus, quibus in Sacerdotis veste discriminantur, arcana quædam dicunt contineri mysteria, quorum interpretatione cognita (quæ per sacrificos diligenter traditur) divinorum in se beneficiorum suæque vicissim pietatis in Deum ac mutui quoque inter se officii admoneantur. Cum primum Sacerdos ita ornatus ex adyto sese offert, cuncti protinus in terram venerabundi procumbunt, tam alto ab omni parte silentio, ut ipsa rei facies terrorem quemdam velut præsentis cuiuspiam numinis incutiat. Tellure paulum morati, dato ab Sacerdote signo, erigunt sese: tum laudes Deo canunt, quas musicis instrumentis interstingunt, aliis magna ex parte formis, quam quæ nostro videntur orbe. Ex illis pleraque, sicuti quæ nobis in usu sunt, multum suavitate vincunt, ita quædam nostris ne conferenda quidem sint. Verum una in re haud dubie longo nos intervallo præcellunt, quod omnis eorum musica, sive quæ personatur organis, sive quam voce modulatur humana, ita naturales affectus imitatur & exprimit, ita sonus accomnodatur ad rem, seu deprecantis oratio

oratio sit, seu læta, placabilis, turbida, lugubris, irata, ita rei sensum quendam melodiæ forma repræsentat, ut animos auditorum mirum in modum afficiat, penetret, incendat. Solennes ad ultimum conceptis verbis preces Sacerdos pariter populusque percensent, ita compositas, ut quæ simul cuncti recitant, privatim quisque ad semet referat. In his Deum & creationis, & gubernationis, & ceterorum præterea bonorum omnium, quilibet recognoscit auctorem, tot ob recepta beneficia gratias agit: nominatim vero, quod Deo propitio in eam Rempublicam inciderit, quæ sit felicissima, eam Religionem sortitus sit, quam speret esse verissimam. Qua in re si quid erret, aut si quid alterutra melius, & quod Deus magis approbet, orare se, ejus bonitas efficiat, hoc ut ipse cognoscat: paratum enim sequi se quaquaversus ab eo ducatur, si & hæc Reipublicæ forma sit optima, & sua Religio rectissima, tum uti & ipsi constantiam tribuat, & ceteros mortales omnes ad eadem instituta vivendi, eandem de Deo opinionem perducatur, nisi, inscrutabilem ejus voluntatem, etiam sit, quod in hac religionum varietate delectet. Denique precatur, ut facile defunctum exitu ad se recipiat, quam cito serove, præfinire quidem non

non audere se: quamquam, quod inoffensa ejus
majestate fiat, multo magis ipsi futurum cordi sit
difficillima morte obita, ad Deum pervadere,
quam ab eo diutius prosperissimo vitæ cursu deti-
neri. Hac prece dicta, rursus in terram proni,
paulloque post erecti, discedunt pransum, &
quod superest diei, ludis & exercitio militaris di-
sciplinæ percurrunt. Descripsi vobis, quam potui
verissime ejus formam Reipublicæ, quam ego
certe non optimam tantum, sed solam etiam cen-
seo, quæ sibi suo jure possit Reipublicæ vindicare
vocabulum. Siquidem alibi, de publico loquen-
tes ubique commodo privatum curant. Hic,
ubi nihil privati est, serio publicum negoti-
um agunt, certe utrobique merito. Nam
alibi, quotusquisque est, qui nesciat, nisi quid
seorsum prospiciat sibi, quantumvis florente
Republica semet tamen fame periturum? eo-
que necessitas urget, ut sui potius, quam po-
puli, id est, aliorum habendam sibi rationem
censeat. Contra hic, ubi omnia omnia
sunt, nemo dubitat (curetur modo, ut plena
sint horrea publica) nihil quicquam privato
cuiquam defuturum. Neque enim maligna
rerum distributio est, neque inops, neque
mendicus ibi quisquam: & cum nemo quic-
quam habeat, omnes tamen divites sunt.
Nam

Nam quid ditius esse potest, quam adempta prorsus omni sollicitudine, læto ac tranquillo animo vivere? non de suo victu trepidum, non uxoris querula flagitatione vexatum, non paupertatem filio metuentem, non de filiæ dote anxium, sed de suo, suorumque omnium, uxoris, filiorum, nepotum, pronepotum, abnepotum & quam longam posterorum seriem suorum generosi præsumunt, victu esse ac felicitate securum? Quid? quod nihilo minus his prospicitur, qui nunc impotes, olim laboraverunt, quam his, qui nunc laborant. Hic aliquis velim cum hac æquitate audeat aliarum justitiam gentium comparare, apud quas, dispeream, si ullum prorsus comperio justitiæ æquitatisque vestigium. Nam quæ hæc justitia est, ut nobilis quispiam aut aurifex aut fœnerator, aut denique alius quisquam eorum, qui aut omnino nihil agunt, aut id, quod agunt, ejus generis est, ut non sit Reipublicæ magnopere necessarium, lautam ac splendidam vitam, vel ex otio, vel supervacuo negotio consequatur, cum interim mediastinus, auriga, faber, agricola, tanto tamque assiduo labore, quem vix jumenta sustineant, tam necessario, ut sine eo ne unum quidem annum possit ulla durare Respublica, victum
tamen

tamen adeo malignum parant, vitam adeo miseram ducunt, ut longe potior videri possit conditio jumentorum, quibus nec tam perpetuus labor, nec victus multo deterior est, & ipsis etiam svavior, nec ullus interim de futuro timor? At hos, & labor sterilis atque infructuosus in præsentī stimulat, & inopis recordatio senectutis occidit: quippe quibus parcior est diurna merces, quam ut eidem possit diei sufficere, tantum abest, ut excreseat & supersit aliquid, quod quotidie queat in senectutis usum reponi. Annon hæc iniqua est & ingrata Respublica, quæ generosis, ut vocant, & aurificibus, & id genus reliquis aut otiosis, aut tantum adulatoribus, & inanum voluptatum artificibus, tanta munera prodigit, agricolis contra carbonariis, mediastinis, aurigis & fabris, sine quibus nulla omnino Respublica esset, nihil benigne prospicit? sed eorum florentis ætatis abusa laboribus, annis tandem ac morbo graves, omnium rerum indigos, tot vigiliarum immemor, tot ac tantorum oblita beneficiorum, miserrima morte reñsat ingratissima. Quid? quod ex diurno pauperum demenso, divites quotidie aliquid, non modo privata fraude, sed publicis etiam legibus abradunt, ita quod ante videbatur injustum,

justum, optime de Republica meritis pessimam referre gratiam, hoc isti depravatum etiam fecerunt, tum provulgata lege justitiam. Itaque omnes has, quæ hodie usquam florent Respublicæ, animo intuenti ac versanti mihi, nihil, sic me amet Deus! occurrit aliud, quam quædam conspiratio divitum, de suis commodis Reipublicæ nomine tituloque tractantium: comminiscunturque & excogitant omnes modos atque artes, quibus, quæ malis artibus ipsi congesserunt, ea primum ut absque perdendi metu retineant, post hoc ut pauperum omnium opera ac laboribus quam minimo sibi redimant eisque abutantur. Hæc machinamenta ubi semel divites publico nomine, hoc est etiam pauperum, decreverunt observari; jam leges fiunt. At homines deterrimi cum inexplebili cupiditate, quæ fuerant omnibus suffectura, ea omnia inter se partiverint, quam longe tamen ab Vtopiensium Reipublicæ felicitate absunt? e qua cum ipso usu sublata penitus omni aviditate pecuniæ, quanta moles molestiarum recisa, quanta scelerum seges radicitus evulsa est? Quis enim nescit fraudes, furta, rapinas, rixas, tumultus, jurgia, seditiones, caedes, prodiones, veneficia, quotidianis vindicatis

dicata potius, quam refrenata suppliciis, interemta pecunia commori? ad hæc metum, sollicitudinem, curas, labores, vigilias, eodem momento, quo pecunia, perituras? quin paupertas ipsa, quæ sola pecuniis visa est indigere, pecunia prorsus undique sublata, protinus etiam ipsa decresceret. Id quo fiat illustrius, revolve in animo tecum annum aliquem sterilem atque infœcundum, in quo multa hominum millia fames abstulerit. Contendo plane in fine illius penuriæ, excusis divitum horreis, tantum frugum potuisse reperiri, quantum si fuisset inter eos distributum, quos macies ac tabes absumsit, illam cœli solique parcitatem nemo omnino sensisset: tam facile victus parari posset, nisi beata illa pecunia, quæ præclare scilicet inventa est, ut aditus ad victum per eam patefceret, sola nobis ad victum viam intercluderet. Sentiant ista, non dubito, etiam divites nec ignorant, quanto potior esset illa conditio, nulla re necessaria carere, quam multis abundare superfluis; tam numerosis eripi malis, quam magnis obsideri divitiis. Neque mihi quidem dubitare subit, quin vel sui cuiusque commodi ratio, vel Christi servatoris auctoritas (qui neque pro tanta sapientia potuit ignorare

ignorare, quid optimum esset, neque, quæ erat bonitate, id consulere, quod non optimum sciret) totum orbem facile in hujus Reipublicæ leges jamdudum traxisset, nisi una tantum bellua, omnium Princeps parensque pestium, superbia, reluctaretur: hæc non suis commodis prosperitatem, sed ex alienis metitur incommotis. Hæc ne dea quidem fieri vellet, nullis relictis miseris, quibus imperare atque insultare possit. Quorum miseriis præfulgeat ipsius comparata felicitas, quorum, suis explicatis opibus, angat atque incendat inopiam. Hæc æverni serpens mortalium pererrans pectora, ne meliorem vitæ capessant viam, velut remora retrahit ac remoratur: quæ quoniam pressius hominibus infixæ est, quam ut facile possit evelli, hanc Reipublicæ formam, quam omnibus libenter optarim, Vtopiensibus saltem contigisse gaudeo, qui ea vitæ sunt instituta secuti, quibus Reipublicæ fundamenta jecerunt, non modo felicissime, verum etiam, quantum humani prælagiri conjectura contigit, æternum duratura. Exstirpatis enim domi cum ceteris vitiis ambitionis & factionum radicibus, nihil impendit periculi, ne domestico disfidio laboretur, quæ uno multarum urbium egregie
munitas

munitas opes perfundedit. At salva domi concordia & salubribus institutis, non omnium finitimorum invidia principum (quæ sæpius id jam olim semper reverberata tentavit) concutere illud imperium aut commovere queat. Hæc ubi Raphaël recensuit, quamquam haud pauca, mihi succurrebant, quæ in ejus populi moribus legibusque perquam absurde videbantur instituta, non solum de belli gerendi ratione & rebus divinis ac religione aliisque insuper eorum institutis, sed in eo quoque ipso maxime, quod maximum totius institutionis fundamentum est, vita scilicet victuque communi, sine ullo pecuniæ commercio, qua una re funditus evertitur omnis nobilitas, magnificentia, splendor, majestas; vera, ut publica est opinio, decora atque ornamenta Reipublicæ; tamen quoniam defessum narrando sciebam, neque mihi satis exploratum erat, possetne ferre, ut contra suam sententiam sentiretur, præsertim quod recordabar, eo nomine quosdam ab illo reprehensos, quasi vererentur, ne non satis putarentur sapere, nisi aliquid invenirent, in quo vellicare aliorum inventa posset, idcirco & illorum institutione, & ipsius oratione laudata manu apprehendens, intro cœnatum duco, præfatus

H

tamen.

tamen aliud nobis tempus, iisdem de rebus
altius cogitandi atque uberius cum eo confe-
rendi fore: quod utinam aliquando contingeret.
Interea quemadmodum haud possum omni-
bus assentiri, quæ dicta sunt, alioqui ab ho-
mine citra controversiam eruditissimo, simul
& rerum humanarum peritissimo, ita facile
confiteor, permulta esse in Vtopiensium
Republica, quæ in nostris civitatibus
optarim verius, quam sperarim.

F I N I S.




Z


- 7 - 127

9-7-487

324.091



9-7-427







7-427

005656637



